

1 ካኦቶ ማፃኦጎ ዓይያ ካር

ካኦቶ ማፃኦጎኩ ሃና ፔታሳዛ ላምዎ ሳሙዔኤሌ ማፃኦጎንሢ ዳ ኬኤዚንቴዎ ጋፐባኦ፣ ዒሰራዔኤሌይዳ ካኦታ ዎይሄ ዎይሢ ዎይሶ ኬኤዛያኬ። ሃና ማፃኦጎ ሃይሃ ዴኤፐ ዴኤፐ ቤሲ ፓቂንታኒ ዳንዳዓኔ፡-

1. ሴሎሞኔ ዒዛኮ ዓዶ፣ ዳውቴ ቤዛ ዒሰራዔኤሌና ዪሁዳናይዳ ካኦታዳሢና ዳውቴኮ ሃይሶ ዛሎ ኬኤዛያ።
2. ሴሎሞኔ ካኦታዲ ዎይሄ ዎይሢ ዎመዲታቴያ ሃሃ ማዲንቴ ባካ ዓይነታቴያ ኬኤዛያ ማዓዛ ዬያ ማደይዳፓ ባሻያ ማዒ ጴዳሢ ዬሩሳላሜይዳ ማኸንቴ ጌኤኸ ማኦርኮ ማኸንቶኬ።
3. ኬዶ ዛሎና ደኦሎ ዛሎ ዓጮ ካኦቶ ጌይንቴ ዒሰራዔኤሌ ዓጮ ላምዎ ፓቂንቴሢና ፔቴ ፔቴ ካኦታ ኪሪሰቶሴ ሸይንታንዳሢኮ ቤርታታዞጳሳ ጸኤቶ ሌዎ ሃላንዳኦና ዎይሄ ጎይያ ኬኤዛያኬ።

ይንሢ ላምዎ ማፃኦጎንሢ ዳ ፔቴ ፔቴ ሱኡጎም ዔያታ ያኦሲም ጉሙርቂንታያ ማዓ ጎይያጉዳያና ዒዚ ዎጋኔ፤ ዬያጉዒ ዓጮ ዲጫ ዲጫያና ዔባ ቢያ ገኢጋሢ ዬና ሱኡጎ ጉሙርቂንታያ ማዓ ጎይያናኬ፤ ሃሃ ገንሢ ማሌ ያኦሲ ካኦሸኪሢና ዓይሢንቴ ዒዳሢና ሱኡጎ ማዔቴያ ዳር ዔኪ ባይሲንታይዳ ዓጋኔ። ኬዶ ዛሎ ዓጮ ካኦቶ ጌይያ ዒሰራዔኤሌ ካኦቶ ጉቤ «ዳቢንቴያኬ» ጌይ ያኦሲ ዎጌኔ፤ ጋዓንቴ ደኦሎ ዛሎ ዓጮ፣ ዪሁዳ ካኦታ ባሸሢ «ፔዜ ማዴኔ» ጌይ ዒዚ ዎጌኔ።

ካኦቶ ማፃኦጎኩ ፔታሳዞይዳ ኮሺ ዔርቴያ ማዔዞንሢ፡- ያኦሲ ኬኤዛያ ማዒ ያኦሲ ማሊያ ኬኤዛዞንሢና ዴራ ማሌ ያኦዞ ካኦሸኩዎጉዲ፤ ሃሃ ናንገና ናንጋ ጎዳም ዎይዞ ዒፀዎጉዲ ዒገጩዎዎ ላቴ ኬኤዛዞንሢኬ፤ ዔያቶይዳፓ ዑሣ ዓኦዴ ዔርቴያ ማዔሢ ዔኤሊያሴ ማዓዛ፣ ዒዚ ባዓኦሌ ጌይንታ ካኦሸኮ ያኦዞኮ ቁኤሶና ዎላ፡- «የ ያኦሲ ባሻንዳይ?» ጌዒ ማዴ ማዳ ኬኤዚንቴኔ (ዓይ. 18ይዳ ዛጌ)።

ማፃኦጎፔላ ዲማ ዲማ ዓርቂ ባኮ

- ዳውቴ ካኦቱሞኮ ጋፐንያ (1:1—2:12)
- ሴሎሞኔኮ ካኦታዲያ (2:13-46)
- ሴሎሞኔ ዎይሄ ዎይሢያ (3:1—11:43)
- 1. ቤርታሳ ሌዎ (3:1—4:34)

2. ጌኤዮ ማኣርኮ ማዢንቶ (5:1—8:66)

3. ጋፒንያ ሌያ (9:1—11:43)

ፓቂንቴ ካኦቶ (12:1—22:53)

1. ኬዶ ዛላ ዓኣ ዜርዖኮ ዋይዞ ዒዲያ (12:1—14:20)

2. ዪሁዳና ዒሰራዔኤሌና ካኦቶ (14:21—16:34)

3. ዖኦሲ ማሊያ ኬኤዛ ዔኤሊያሴ ሃይሶ (17:1—19:21)

4. ዒሰራዔኤሌ ካኦቶ፣ ዓክዓቤ ሃይሶ (20:1—22:40)

5. ዪሁዳ ካኦቶ፣ ዒዮሳፒፃና ዒሰራዔኤሌ ካኦቶ፣ ዓካዚያሴ ሃይሶ (22:41-53)

ካኦቶ ዳውቴኮ ጋርቺ ባሺንቶ

1 ካኦቶ፣ ዳውቴ ባሺንቶ ጋርቺሢር ዒዛም ማዶ ማዶ ዓሳ ዒዛ ጨኢሽኩዋጉዲ ዓፒላ ዒዛም ዑፃ ኩሌቴያ ዖይዶኒ ዳንዳዒባኣሴ።

2 ዪያር ዒዛኮ ደንዛ፡- «ካኦቶ! ኔ ኮራ ዳዒ ኔና ማኣዳንዳ ወዲር ናይ ኮዒ ኔኤም ኑ ዔኪ ሙኮም፤ ዒዛ ኔ ኮራ ላሂ ኔኤኮ ዑዮ ዖይዶሻንዳኔ» ጌዔኔ።

3 ዪካፓ ዔያታ ፔቴ ሚዛጲ ወዲር ናይ ዳንቃኒ ዒሰራዔኤሌ ዓጮ ቢያ ኮዓዖ፣ ሹኔሜ ጌይንታ ቤሰካፓ ዓቢሻጎ ጌይንታ ፔቴ ወዲር ናይሰኬኖ ካኦቶም ዔኪ ሙኤኔ፤

4 ዪና ናዔላ ሚርጌና ሚዛጲ ናይኬ፤ ዒዛ ካኦቶ ኮይላ ዳዒ ዒዛኮ ቶኦኮ ዛጋኔ፤ ጋዓንቴ ዒዚ ዒዛ ላኣሊ ማሂ ዔኪ ዒዛና ላሂባኣሴ።

ዓደኒያሴ ካኦታዳኒ ዓፃዴሢ

5-6 ዓቤሴሎሜኮ ጊንፃ ዳውቴኮ ማቻ ሃጊታ ዳውቴም ሾዔ፣ ሽምፔና ዓኣ ዓቲንቆ ናኣቶፓ ቶይዳሢ ዓደኒያሴኬ፤ ዒዚ ሚርጌና ሚዛጲኬ፤ ዳውቴ ፔቴታዖ ዒዛ ጎሪ፣ ዞሪ ቤቁባኣሴ፤ ዪያር ዓደኒያሴ ጫርቂ ፔኤር ዓጮኮ ካኦቶ ማዓኒ ኮዔኔ፤ ዪያ ማሊያ ኩንሣኒ ሳርጌላ ዖይታንታ ፓርንታ ደንጊታሚ ዒዛኮ ዓንጋም ኬዳንዳ ዓሲያ ጌኢጊሽኔ።

7 ዪያ ዛሎ ዒዚ ፃሩያ ናኣዚ፣ ዒዮዓቤና ሃሣ ቁኤሳሢ ዓቢያታሬና ዋላ ዞርቴኔ፤ ዔያታ ዒዛኮ ማሊያ ቃራኬ ጌይ ዔኬኔ፤

8 ጋዓንቴ ቁኤሳሢ ሳዶቁ፣ ዮዳሂ ናኣዚ ቤናያ፣ ዖኦሲ ማሊያ ኬኤዛ ናኣታኣኔ፣ ሽምዒ፣ ሬዒንታ ዳውቴ ካፓ ፖኦሊሶንታ ዓደኒያሴኮ ዪያ ማሊያ ዒፃኔ።

1:5-6 2ሳሙ. 3:4።

9 ፔቴ ኬሊ ዓድኒያሴ «ዔንሮጌሌ» ጌይንታ ዓልቃ ዋኣዖ ኮይላ ዘሃሌቴ ላሎ ጎዖ ቤዘይዳ ማራይንታ ዚያ ጌማይንታ ዋፓናንታ ሹኪ ያኦሲም ዒንጎ ዒንገሢ ማሃ ሺኢሹኔ፤ ዒዚ ዒማና ካኣቲ፥ ዳውቴ ናኣቶና ዪሁዳይዳ ካኣቶኮ ቢታንቶና ዓኣ ዓሳ ቢያ ሙኪ ዬያ ቦንቾ ሙዖ ሙዓንዳጉዲ ዔኤሌኔ፤

10 ጋዓንጌ ዒዚ ፔኤኮ ዓድ ናዖ ማዔሚ፥ ሴሎሞንታ ያኦሲ ማሊዖ ኬኤዛ ናኣታኣኔንታ ቤናያንታ ካኣቲ ካፓ ፖኦሊሶንታ ዔኤሊባኣሴ።

ሴሎሞንታ ካኣታዲዖ

11 ዬካፓ ናኣታኣኔ ሴሎሞን ዒንድ፥ ቤርሳቤሆ ኮይላ ዴንዲ፡- «ሃጊቴ ናኣዚ፥ ዓድኒያሴ ኑ ጎዳሢ ዳውቴ ዔሩዋንጌ ፔና ፔኤሮ ካኣታሢሢ ኔ ዋይዚባኣዓዳ?» ጌዔ።

12 «ኔኤና ኔ ናዖ፥ ሴሎሞንናኮ ሸምፖ ዓይሳኒ ኔ ኮዔቴ ታ ኔና ዘራሢ፡-

13 ዑኩና ካኣቲ ኮይላ ዴንዲጋፓ ከኣቲዮ! ታ ናዓሢ፥ ሴሎሞን ኔ ቤዛ ኔና ዳካሊ ካኣታዲንዳሢ ኔ ታኣም ጫኣቀባይ? ሂዳዖ ሃሢ ዓድኒያሴ ዋይቴ ካኣታዲይ?» ጌዒ ያኦጩ» ጌዔ።

14 ናኣታኣኔ ሃሢ ኬኤዛዖ፡- «ኔኤኒ ካኣቲ፥ ዳውቴና ዋላ ጌሰታኣና ታኣኒያ ዑኩና ጌሊ ኔ ጌዔ ባካ ጎኔ ማዔሢ ኬኤዛንዳኔ» ጌዔ።

15 ዬያሮ ቤርሳቤሃ ካኣቲና ጌሰታኒ ካኣቲ ዓኣ ቆልዖ ጌሌኔ፤ ካኣቲ ዒማና ኮሺ ጋርቹያታሢሮ ሹኔማ ዓጮ ናዔላ፥ ዓቢሻጋ ዒዛኮ ቶኦኮ ዛጋኔ፤

16 ቤርሳቤሃ ዒማና ሳዓ ላሂ ቦንቾ ዔኤሊሢ ዔኤላዛ ካኣቲ፡- «ኔ ዓይጎ ኮዓይ?» ጌይ ዒዛ ያኦጩ።

17 ቤርሳቤሃ ማሃዖ፡- «ካኣቲዮ! ታ ናኣዚ፥ ሴሎሞን ኔ ቤዛ ኔና ዳካሊ ካኣታዲንዳሢ ናንጊና ናንጋ ጎዳ ማዔ ኔ ያኦዛሢ ሱንዖና ኔ ታኣም ጫኣቄ፤

18 ሃሢ ሃይሾ ኔ ዔሪባኣንጌ ዓድኒያሴ ካኣታዲ።

19 ዬያሮ ዒዚ ሚርጌ ጌማይ፥ ማራይንታ ዲቹ ዋፓናንታ ሹኪ ዒንጎ ባኣዚ ማሃ ሺኢሹኔ፤ ዬያ ቦንቾ ቤዛ ሙካንዳጉዲ ኔኤኮ ናኣቶንታ ቁኤሳሢ ዓቢያታሬንታ ፖኦሊሶ ዓይሢ ዒዮባቤንታ ዒዚ ዔኤሌኔ፤ ጋዓንጌ ዒዚ ኔ ዓይላሢ፥ ሴሎሞን ዔኤሊባኣሴ።

20 ካኣቲዮ! ዒሰራዔኤሌ ዴራ ቢያ ኔ ቤዛ ካኣታዲንዳሢ ያናታቴያ ኔ ፔጋሲ ዔርዛንዳጉዲ ካፒሢዲኬ፤

21 ኔ ዬያይዲባኣቶ ጋዓንጌ ኔ ሃይቄሰካፓ ቤዛና ታ ናኣዚ ሴሎሞንታ ታናንታ ዋይዚ ዒፃ ዓሲ ማሃ ኑ ጊዳ ዋጎንድ።» ጌዔ።

1:11 2ሳሙ. 12:24።

22 ቤርሳቤሃ ሃኒ ዬያ ከኤዚ ጋፐባኣንቴ ያኦሲ ማሊያ ከኤዛ፣ ናኣታኣኔ ዒኢካ ሙኩኔ፤

23 ዒማና ያኦሲ ማሊያ ከኤዛህ ሙኩያታህ ዓሲ ካኣቲም ከኤዛኔ፤ ዬካፓ ናኣታኣኔ ጋሮ ጌሊ ሳዓ ላሂ ቦንቾ ዔኤሊህ ዔኤሌኔ፤

24 ናኣታኣኔ ዒማና፡- «ካኣቲዮ! ዓድኒያሴ ኔ ቤዛ ካኣታዳንዳያ ኔ ዒዛም ቤርታ ከኤዚያ?

25 ዒዚ ሃኖ ሚርጌ ዚያ ጌማይንታ ዲቺ ዋፓናንታ ማራይንታ ሹኪ ያኦሲም ሺኢሾኔ፤ ኔኤኮ ሃንጎ ናኣቶንታ ፖኦሊሶ ዓይህ ዒዮዓቤንታ ቄኤሳህ ዓቢያታሬያ ዒዚ ዔኤሌኔ፤ ሃህ ሄኤዶ ኣኣቲ፣ ዓድኒያሴ ናንገና ናንጎም!» ጌይ ዔያታ ዒላቲ ዒላቲ ዒዛና ዋላ ሙያና ዑዠናይዳኩ።

26 ጋዓንቴ ዬያ ቢያ ማዳዖ ታና ኔ ዓይላህንታ ቄኤሳህ ሳዶቄንታ ዮዳሄ ናኣዚ፣ ቤናያንታ፤ ዬያጉዲ ኔ ዓይላህ፣ ሴሎሞኔያ ዒዚ ዬያ ቦንቾ ሙያይዳ ዔኤሊባኣሴ፤

27 ካኣቲዮ! ኔ ቤዛ ካኣታዳንዳህ ያናታቴያ ኔ ዶንዞም ኔ ዔርዙዋንቴ ሃይ ሃህ ዓድኒያሴኮ ካኣታዲያ ሃይሳ ኔ ማዴ ባኣዚዳ?» ጌዔኔ።

28 ካኣቲ፣ ዳውቴ ማሃዖ፡- «ቤርሳቤሃ ሃኒ ዬዓንዳጉዲ ዔኤሎዋቴ» ጌይ ዓሶ ዓይሄኔ፤ ዬያሮ ዒዛ ሙኪ ዒዛ ቤርታ ዔቄኔ፤

29 ዒማና ካኣቲ ዒዛም፡- «ታና ሄሌ ሜቶፓ ቢያ ዓውሴ፣ ናንገና ናንጋ ጎዳህ ሃይቆ!

30 ኔኤኮ ናኣዚ፣ ሴሎሞኔ ታ ቤዛ ካኣታዳንዳኔ፣ ጌዒ ናንገና ናንጋ ጎዳ ማዔ ዒሰራዔኤሌኮ ያኦዛህ ሱንያና ሃያኮ ቤርታ ታ ጫኣቄህ ሃኖ ኩማንዳያ ማዔህ ታ ኔኤም ከኤዛኔ» ጌዔኔ።

31 ቤርሳቤሃ ዒማና ሳዓ ላሂ ቦንቾ ዔኤሊህ ዔኤላዮ፡- «ካኣቲ ዳውቴ፣ ታ ጎዳህ ናንገና ሹምፖና ናንጎም!» ጌዔኔ።

32 ዬካፓ ካኣቲ ዳውቴ ቄኤሳህ ሳዶቄንታ ያኦሲ ማሊያ ከኤዛ ናኣታኣኔንታ ዮዳሄ ናኣዚ ቤናያንታ ዔኤሌም ዔያታ ጌሊ ዒዛ ቤርቶ ሺኢከኔ።

33 ካኣቲ ዔያቶም፡- «ታኣኮ ካኣቲም ማኣራ ዓኣ ዶንዞና ዋላ ዴንዲዋቴ፤ ታ ናኣዚ፣ ሴሎሞኔ ታ ቶጋ ባቁሎ ቶጊሲ ዒዛ ጊንያ ዋኣዖ ዓልቃ ካሮ ጊዮኔ ከዱዋቴ፤

34 ዒኢካ ቄኤሳህ፣ ሳዶቄና ያኦሲ ማሊያ ከኣዛ ናኣታኣኔና ዒዛ ቲሽኪ ዒሰራዔኤሌይዳ ካኣታህንጎ፤ ዬካፓ ዛዬ ዋርቃዖ ዒንህኮ ዑኡዞ ዴጊዲ፡- ኣኣቲ ሴሎሞኔ ሚርጌ ሌዔ ናንጎም!» ጎዑዋቴ።

35 ዲዚ ታ ቤዛ ካእቱሞ ያይታ ዴዓኒ ሙካእና ዲዛ ጊንያ ዲዛና ዋላ ሙኩሞቲ፤ ዲሰራዔኤሌና ዪሁዳናኮ ካእቲ ማዒ ዲ ዋይሣንዳጉዲ ታ ዲዛ ዶኦሪሣሪ ዲ ታ ቤዛ ካእታዳንዳኔ» ጌዔኔ።

36 ዬያሮ ዮዳሄ ናእዚ፤ ቤናያ፡- «ካእቲዮ ኔ ጌዔ ጎይያ ማፃም፤ ዬያ ናንጊና ናንጋ ጎዳ ማዔ ኔ ያኦዛሢ ማዲ ኩንሦንጎ።

37 ካእቲዮ! ናንጊና ናንጋ ጎዳ ኔኤና ዋላ ማዔሢጉዲ ሴሎሞኔናእ ዋላ ማፃምጎ፤ ዲዛኮ ካእቱሞ ኔ ዋዲፓ ዑሣ ዓእዴ ዴኤፒ ዲ ማሆንጎ!» ጌዔኔ።

38 ዬያሮ ቈኤሳሢ፤ ሳዶቁንታ ያኦሲ ማሊያ ኬኤዛ ናእታእኔንታ ዮዳሄ ናእዚ፤ ቤናያንታ ካእቲ ካፓ ፖኦሊሶንታ ዳውቴ ቶጋ ባቄሎ ሴሎሞኔ ቶጊሲ ዋእፃ ዓልቃ ካሮ ጊዮኔ ዴንዳኔ፤

39 ቈኤሳሢ፤ ሳዶቁ ዓፒሎና ማኸና ያኦሲም ዲማዴ ማእራፓ ዔኪ ሙኩ ቲኸ ዛይታ ዓእ ጉራኖ ዔኪ ሴሎሞኔ ቲሸኬኔ፤ ዲማና ዔያታ ዛዬ ዋርቃዛ፤ ዴራ ዑኡዞ ዴጊዲ፡- «ካእቲ ሴሎሞኔ ማርጌ ለዔ ናንጎሞ!» ጌዔኔ፤

40 ዬካፓ ዲዚ ካእቱሞ ማእሮ ባንሢ ሙካእና ዴራ ዲዛ ጊንያ ሙካኔ፤ ዔያቶኮ ዲላታፓ ዔቄያና ሳዓ ባጊፃንዳያ ሄላንዳእና ዛዬ ዋርቁ ዋርቁ ዲላቲ ዔያታ ዋዛዳያ ማዔሢ ዔርዜኔ።

41 ዲማና ዓድኒያሴ ዔኤሌ ዓሳ ቢያ ሙዖ ጋፒሳኒ ዑኪ ዓእያ ዬያ ዑኡዞ ዋይዜኔ፤ ዲዮዓቤያ ዛያሢ ዑኡዞ ዋይዛዮ፡- «ሃይ ካታሞይዳ ዋይዚንታ ዑኡዞ ዓይጎዳይ?» ጌይ ያኦጩኔ፤

42 ዲዚ ዬያ ጌዒ ጋፑዋንቴ ቈኤሳሢ፤ ዓቢያታሬ ናእዚ ዮናታእኔ ዔሪቦንቴ ዲእካ ሙኩኔ፤ ዓድኒያሴ ዲዛ፡- «ሃንዳ ሃኒ ጌሌ፤ ኔ ኮሺ ዓሲታሢሮ ኮሺ ሃይሴ ዔኪ ሙኩሞዮ ዓታዓኬ» ጌዔኔ።

43 ዮናታእኔ ማሃዮ፡- «ኮሺ ሃይሴ ታ ዔኪ ሙኪባእዋይ፤ ኑ ጎዳሢ፤ ኔኤኮ ካእቲ፤ ዳውቴ ሴሎሞኔ ካእታሢኔ፤

44 ሃሣ ዲዛና ዋላ ዲዛ ጊንያ ኬሰካንዳጉዲ ቈኤሳሢ፤ ሳዶቁንታ ያኦሲ ማሊያ ኬኤዛ ናእታእኔንታ ዮዳሄ ናእዚ ቤናያንታ ካእቲ ማእሮ ካፓ ፖኦሊሶንታ ዲ ዳኬኔ፤ ዔያታ ሴሎሞኔ ካእቲ ቶጋ ባቄሎ ቶጊሴኔ።

45 ቈኤሳሢ፤ ሳዶቁና ያኦሲ ማሊያ ኬኤዛ ናእታእኔና ዋእፃ ዓልቃ ካሮ ጊዮኔይዳ ዲዛ ቲሸኪ ካእታሢኔ፤ ዬካፓ ዴራ ቢያ ዲናፓ ዋዛዳ ዲላሸሢና ዋዛ ዲላቲና ዑኡዞ ዴጊዲ ዋይዚሲ ዋይዚሲ ካታሞ ማዒ ሙኩኔ፤ ሃሢ ዲንሢ ዋይዜሢ ዬያኬ፤

46 ሴሎሞኔ ካእታዳ ካእቱሞ ያይቶይዳ ዴዔኔ፤

47 ዬያ ሌሊቱዋንቴ ዴኤፒ ቢታንቶና ዓእ፤ ካእቲኮ ዶንዛ ቢያ ካእቲ ኮይላ ሙኪ፡- «ኔ ያኦዛሢ ሴሎሞኔ ኔጊዳፓ ባሺ ዴኤፒ፤ ሃሣ ካእቱሞዋ ዲዛኮ ኔኤሲፓ ባሻያ ማሆንጎ!» ጌዒ ዲዚ ቃራ

ማዴያታህ ቦንቸ ኬኤዘኔ፤ ዩካፓ ካኣቲ፣ ዳውቲ ሻአሎይዳ ላሂ ዓኣዖ ያኦሲም ዘኒኔ።

48 ዒዚ ዒማና፡- ታ ዜርፃፓ ፔቲ ሃኖ ታ ቤዛ ካኣታዳንዳጉዲ ማሂ ዩያኣ ታ ዛጋንዳጉዲ ታና ጌህ፣ ናንገና ናንጋ ጎዳ ማዔ ዒሲራዔኤሌኮ ያኦዛህ ጋላቲንቲያ ማዖም!። ጌዒ ናንገና ናንጋ ጎዳ ጋላቲኔ» ጌዔኔ።

49 ዓደኒያሴ ዔኤሌ ዓሳ ቢያ ዩያ ዋይዛዖ ሚርጌና ዒጊጩኔ፤ ቢያህ ዔቂ ፔ ካራና ካራና ዴንዲ ጋፔኔ፤

50 ዓደኒያሴያ ዒማና ሴሎሞኔ ኮሺ ዒጊጩህሮ ዓፒሎና ማኸና፣ ያኦሲም ዲማዴ ማኣሮ ዴንዲ ያኦሲም ዒንጎ ባኮ ዒንጎ ቤዘይዳ ኮሻና ጉራኖጉዴ ባኮ ዓርቄ። *

51 ዓሳ ሴሎሞኔ ኮራ፡- «ዓደኒያሴ ኔና ዒጊጩህሮ ሚቹ ዒንጎ ቤዘይዳ ዓኣ፣ ጉራኖጉዴ ባኮ ዓርቄ <ቢያ ባኮኮ ቤርታ ካኣቲ፣ ሴሎሞኔ ታና ዋዲንዲዋያታቲ ጫኣቆንጎ። ጌዒ ኔና ሺኢቃኔ» ጌይ ዒዛም ኬኤዘኔ።

52 ካኣቲ፣ ሴሎሞኔ፡- «ዒዚ ፑርታ ባኣዚ ማዲዋያ ማዒ ኮሸኬቲ ሜሌ ዓቲም ቶኦኮ ጋፓናፓ ፔቲታዖ ዒዛኮ ካኣሚንታዓኬ፤ ሃንጎ ዒዚ ዋዲንታንዳኔ» ጌዔኔ።

53 ዩካፓ ሴሎሞኔ ያኦሲም ዒንጎ ባኮ ዒንጎ ቤዛፓ ዓደኒያሴ ኬይሲ ዔኬ ዩዓንዳጉዲ ዓሲ ዳኬኔ፤ ዓደኒያሴያ ዒማና ካኣቲ ቤርቶ ሙኪ ሳዓ ላሂ ቦንቸ ዔኤሊህ ዔኤሌኔ፤ ካኣቲያ ዒዛም፡- «ኔ ማኣሪ ኮሺ ዓኣዴ» ጌዔኔ።

2

ዳውቲ ሴሎሞኔም ዔልቃሚ ዔልቃሞ

1 ዳውቲ ሃይቃንዳ ዋዳ ዑካዛ ፔኤኮ ናኣዚ፣ ሴሎሞኔ ዔኤላዖ ሂዚ ጌዒ ጋፒንህ ዔልቃሚ ዔልቃሚ፡-

2 «ማይ ታኣኒ ሃይቃኒ ዑኬኔ፤ ደዴ! ጫርቃ ዓሲ ማዔ፤

3 ናንገና ናንጋ ጎዳ ማዔ ኔ ያኦዛህ ኔኤኒ ማዳንዳጉዲ ዓይህ ባኮ ቢያ ማዴ፤ ኔ ዴንዳ ቤዘ ቢያይዳ ዓይጎ ባኣዚያ ማዖም ኔ ማዳ ባካ ጌኢጋንዳጉዲ ሙሴ ዛሎና ኬኤዘንቲ፣ ያኦሲ ዋጎይዳ ያኣፒንቲ፣ ዓይህያንታ ዳምቦንታ ዋጎዋ ቢያ ካፔ፤

4 ዩያ ቢያና ናንገና ናንጋ ጎዳም ኔ ዓይህንታያ ማዔቲ ዒ ታኣም፡- ሄኤኮ ዜርፃ ፒዜ ናንገ ናንጌቲ፣ ጉቤ ዒናፓ ሃህ ጉቤ ሸምፓፓ ታ

* 1:50 ጉራኖጉዴ ባኮ ዓርቄ፤ ጋዓዛ፡- ዩኖ ዋደና ፔቲ ዓሲ ፑርታ ባኣዚ ማዴቲ ሜሌ ዓሲ ዒዛ ዋዲዋጉዲ ዒዛ ጌሊ ዓርቄ ፔ ሸምፖ ዓውሳኒ ዋዳ ዓሶ ሺኢቃያኬ።

በርታ ፒዜ ማዒ ሃንቴቴ ዒሰራዔኤሌ ዓሶኮ ካእቱሞ ያይቶይዳ ዴዒ ካእታዲ ዋይሃንዳ ዜርሢ ታ ኔኤኮ ባይዛዓኩ» ጌዒ ጫአቁ ጫአቁሞ ዒዚ ኩንሃንዳኔ።

5 «ፂሩያ ናእዚ፣ ዒዮዓቤ ዒሰራዔኤሌ ዳሮኮ ፖኦሊሶ ዓይህ ሱኡጋሢ ኔሪ ናእዚ ዓቤኔሬና ዩቴሬ ናእዚ ዓማሳና ዋዲ ታእም ማዴ ጌና ማዶ ኔ ዔራኔ፤ ዒዚ ዔያታ ያልዚ ዋዳና ዓሲ ዋዴሢሮ ኮሜ ዔካኒ ጌዒ ሳዓ ኮሺ ዓእንቴ ዋማይዲ ዔያቶ ዋዴቴያ ኔ ዔራኔ፤ ዒዚ ጌኤሺ ዓሲ ጉሪ ዋዴኔ፤ ዩያና ዒዚ ሱጉሢ ዓሲ ማዒ ዓእሢ ኔ ዔራኔ።

6 ዓካሪ ኔኤም ዒንገንቴ ዔራቶ ጎይፆና ማዲኒ ኮይሳ ባኮ ማዴ፤ ዒዚ ናንገ ጋርቹ ሃይቃንዳእና ካፒፖ።

7 «ታእኒ ኔ ጌርሲ ዓቤሴሎሜፓ ቶላኒ ዓእሺንቴ ዋዶና ኮሺ ባእዚ ዔያታ ታእም ማዴሢሮ ጌሌዓዴ ዓሢ፣ ባርዚላዬ ናእቶም ጋዓንቴ ኮሺ ባእዚ ማዲ ዔያቶ ዛጌ፤ ዔያታ ኔ ሙዓ ሙዖ ሙዓያ ማፆንጎ።

8 «ሃህ ዋለንታኒ ኮይሱዋ ባእዚ ቢኢኒያሜ ዓጪ ማዔ፣ ባሁሪሜ ካታማ ናንጋ ጌራ ናእዚ ሺምዒ ዓእኔ፤ ታእኒ ማሂናይሜ ዴንዴ ኬሎና ዒዚ ታእኮ ካራ ባይዚ ታና ጫሽኬኔ፤ ያእዴ ማዔቴያ ዮርዳኖሴ ዋሮ ኮይላ ዒ ታእና ዋላ ካእሜ ዋዶና ታ ዒዛ ዋዲሺንዱዋእሢ ናንገና ናንጋ ጎዳ ሱንፆና ታ ዒዛም ጫአቁ።

9 ኔኤኒ ጋዓንቴ ዒዛኮ ዳቢንቲባእያ ማሂ ዒዛ ሃሺፖ፤ ኔኤም ዒንገንቴ ዔራቶ ጎይፆና ኔ ዋዋዳንዳቴያ ባሺንታዓኬ፤ ዒዛ ዋዋዳንዳ ዓሲ ማዔሢ ዋለ።»

ዳውቴኮ ሃይቦ

10 ዩካፓ ዳውቴ ሃይቁ፣ ዒዛ ካታሞ ማዔ ዩሩሳላሜይዳ ዱኡቴኔ፤

11 ዳውቴ ኬብርኦኔይዳ ላንካይ ሌዔ፤ ዩሩሳላሜይዳ ሃይሢታሚ ሃይሦ ሌዔ፤ ዋሊ ዑፃ ያይዲታሚ ሌዔ ዒሰራዔኤሌይዳ ካእታዴ።

12 ሴሎሞኔ ዓዶ ቤዛ ካእታዴኔ፤ ዒዛኮ ካእቱሞ ቢታንታኦ ኮሺ ደዴ።

ዓደኒያሴኮ ሃይቦ

2:5 2ሳሙ. 3:27፤ 20:10። 2:7 2ሳሙ. 17:27-29። 2:8 2ሳሙ. 16:5-13፤ 19:16-23። 2:11 2ሳሙ. 5:4-5፤ 1ፆኦሲ. ዓሃኬ 3:4። 2:12 1ፆኦሲ. ዓሃኬ 29:23።

13 ሃጊቶ ናኣዚ ዓደኒያሴ ሴሎሞኔኮ ዒንድ፡ ቤርሳቤሆ ኮይላ ዓኣጳይ፤ ቤርሳቤሃ ዒማና፡ «ኔ ታ ኮራ ኮሺ ዓኣዖ ሙኪያ?» ጌይ ያኦጩኑ።

ዒዚ ማሃዖ፡- «ሂዮ፤ ኮሺ ዓኣዖ ታ ሙከኔ» ጋዓዖ፤

14 «ታ ኔና ያኦጩ ባኣዚ ዓኣኔ» ጌዔኔ፤

ዒዛ፡- «ዓይጎዳይ?» ጌዔኔ።

15 ዓደኒያሴ፡- «ካኣቲ ማዓንዳዖ ዓቲሂ ታናታሂንታ ዬያ ዒሰራዔኤሌ ዓሳ ቢያ ሃጊ ማዓንዳ ዋዛ ጌሂ ካፔያታሂ ኔ ዔራኔ፤ ጋዓንቲ ናንገና ናንጋ ጎዳ ማላሂ ማዔም ታና ኮይሳ ካኣቲማ ዔውቲ ታ ጌርሲም ዒንገንቲኔ።

16 ሃሂ ታ ኔና ያኦጩ ፔቲ ባኣዚ ዓኣሂር ዒዒ ኔ ታና ቦርሲሱዋጉዲ» ጌዔኔ።

ቤርሳቤሃ፡- «ኔ ያኦጩ ባካ ዓይጎዳይ?» ጌዔኔ።

17 ዒዚ ዒማና፡- «ካኣቲ ሴሎሞኔ ኔኤም ዋይዛንዳሂ ታ ዔራኔ፤ ዬያር ዓቢሻጎ ጌይንታ፡ ሹኔሜይዳ ሾይንቲ፡ ዉዳር ናዔሎ ታኣም ዒዚ ዒንጋንዳጉዲ ዒዛ ታኣም ሸኢቄ» ጌዔኔ።

18 ዒዛ፡- «ቃራኬ! ታኣኒ ካኣቲም ኬኤዛንዳኔ» ጌዔኔ።

19 ዬካፓ ቤርሳቤሃ ዓደኒያሴ ጌዔ ባኮ ካኣቲም ኬኤዛኒ ካኣቲ ማኣሪ ጌሌኔ፤ ካኣቲ ዒማና ደዔ ቤዛፓ ዔቄ ቦንቾ ዔኤላሂ ሂርኪ ጌይ ዒንድ ዔኤሌሰካፓ ዳዓዖ ሜሌ ካኣቲ ዳዓ ያይታ ዔከ ሙኡሲ ዒዛኮ ሚዛቆ ዛላ ዒዛ ዳይህኔ፤

20 ዒዛ ዒማና፡- «ኔ ማዳንዳጉዲ ታኣኒ ያኦጩ ዳካ ባኣዚ ዓኣኔ፤ ሃዳራ ዒዒ ታና ቦርሲሲፖ» ጌዔኔ።

ካኣቲ፡- «ዒንዳ! ታ ኔና ቦርሲሲንዳዋሴ፤ ዬይ ዓይጎዳይ?» ጌዔኔ።

21 ዒዛ፡- «ኔ ጌርሲ ዓደኒያሴ ዓቢሻጎ ዔኮንጎ ጌዔቴራ» ጌዔኔ።

22 ካኣቲ ዒማና፡- «ዒዚ ዓቢሻጎ ዔካንዳጉዲ ሌሊ ኔ ታና ዓይጋ ያኦጩይ? ዒዚ ታኣኮ ቶይዲታሂር ካኣቲሞም ታ ዒዛም ሃሻንዳጉዲ ኔ ያኦጩዋይ? ሃሂ ቄኤሳሂ ዓቢያታሪና ዒዮዓቤናም ታ ማዳንዳ ባኣዚያ ያኦጩዋይ ኔ ዓይጋ ሃሻይ!» ጌዔኔ።

23 ዬካፓ ሴሎሞኔ ያኦሲ ሃይቆ! «ዓደኒያሴ ዬያይዳኒ ማላሂር ታ ዒዛ ዋዳባኣቲ ያኦሲ ታና ባይዘም! ጌይ ጫኣቄ።

24 ታ ዓድ፡ ዳውቴኮ ካኣቲሞ ያይቶይዳ ናንገና ናንጋ ጎዳ ታና ዳይሂ ካኣቲሞ ታኣኮ ደዲሼኔ፤ ዬያ ካኣቲሞ ታኣና ታ ዜርዮናም ዒንገ ዒ ጌዔ ባኮ ካፒ ኩንህኔ፤ ናንገና ናንጋ ጎዳ ሃይቆ! ዓደኒያሴ ሃናኣ ኬሎይዳ ሃይቃንዳኔ» ጌዔኔ።

25 ዩካፓ ዓድኒያሴ ዎዳንዳጉዲ ካአቲ፣ ሴሎሞኔ ዮዳሃ ናአዚ ቤናያም ኪኢታ ዳካዛ ቤናያ ዴንዲ ዓድኒያሴ ዎዳኔ።

ዓቢያታሬኮ ዳውሲንቲዎና ዒዮዓቤኮዋ ሃይቦ

26 ዒማና ካአቲ ሴሎሞኔ ቄኤሳሢ፣ ዓቢያታሬ ኮይላ፡- «ኔ ሾይንቲ ዓጮ፣ ዓናቶቲ ዴንዴ፤ ኔና ዎዎድንዶ ዓሲታንቲኬ፤ ጋዓንቲ ዴኤፖ ጎዳሢኮ ጫአቁዎ ሳአፃኖ ታ ዓድ፣ ዳውቲ ቤርታ ኔኤኒ ኬዲ ሃንቲሢሮ ሃሃ ዒዛና ዎላ ሜታሢ ቢያ ኔ ዔኬሢሮ ሃሢ ታ ኔና ዎዳዓኬ» ጌዔኔ።

27 ዩካፓ ሴሎሞኔ ዓቢያታሬ ያኦሲም ቄኤሴ ማዒ ማዳ ቢታንቶ ላአጊ ኬይሲ ዳኬኔ፤ ዩያይዴም ቄኤሳሢ፣ ዔኤሊ ዛሎና ዒዛኮ ዜርዎ ዛሎ ናንጊና ናንጋ ጎዳ ሴኤሎይዳ ኬኤዜ ባካ ቢያ ኩሜኔ።

28 ፔቲ ዛሎና ዓድኒያሴ ናሽኪ ባጎ ዛሎና ጊንሣ ዓቤሴሎሜ ዓፃ፣ ዒዮዓቤ ዩያ ማዲንቲ ባኮ ቢያ ዎይዜኔ፤ ዩያሮ ዓፒሎና ማዦና ናንጊና ናንጋ ጎዳም ዲማዴ ማአሮ ፑኒንቲ ዴንዲ ያኦሲም ዒንጎ ባኮ ዒንጎ ቤዛ ጌሊ ጉራኖ ማሊሲ ኮሾና ባኮ ዓርቄ።

29 ዒዮዓቤ ዓፒሎና ማዦና ናንጊና ናንጋ ጎዳም ዲማዴ ማአሮ ፑኒንቲ ዴንዴሢና ያኦሲም ዒንጎ ባኮ ዒንጎ ቤዛ ኮራ ዓአሢ ሴሎሜኔ ዎይዘዎ ቤናያ ዒዛ ዴንዲ ዎዳንዳጉዲ ዓይሢ ዳኬኔ።

30 ቤናያ ዓፒሎና ማዦና፣ ናንጊና ናንጋ ጎዳም ዲማዴ ማአሮ ዴንዲ ዒዮዓቤ ኮራ፡- «ሃያ ዓፒሎና ማዦና ማአራፓ ካአቲ ኔና ኬሰካንዳጉዲ ዓይሢኔ» ጌዔኔ።

ዒዮዓቤ ጋዓንቲ፡- «ታ ኬሰካዓ! ሃይማካ ታ ሃይቃንዳኔ!» ጌዔኔ።

ዩያሮ ቤናያ ማዒ ሙኪ ዒዮዓቤ ጌዔ ባኮ ካአቲም ኬኤዜኔ።

31 ዩካፓ ሴሎሞኔ ቤናያም፡- «ዒዚ ጌዔማ ጎይዎ ዎዲጋፓ ዒዛ ዲኡኬ፤ ዩያይዲ ዒዮዓቤ ጉሪ ዎዴ ዓሶ ሱጉዎፓ ታኣና ታ ዓዶ ማአሮ ዓሶና ጌኤሹ።

32 ታ ዓዴ፣ ዳውቲ ዔሩዋንቲ ዒዮዓቤ ዎዴ ዓሶ ሱጉዎሮ ናንጊና ናንጋ ጎዳ ዒዮዓቤም ሜቶ ዒንጋንዳኔ፤ ዒዚ ዒዛይዳፓ ባሼ ማዔ፣ ላምዎ ጌኤሹ ዓሲ ጉሪ ዎዴኔ፤ ዔያታ ዒሰራዔኤሌ ፖኦሊሶ ዓይሢ፣ ዓቤኔሬንታ ዩሁዳ ፖኦሊሶ ዓይሢ፣ ዓማሳንታኬ፤

33 ዒዮዓቤ ዩንሢ ዓሶንሢ ዎዴሢሮ ዒዛም ዓጊንቲ ፑርቶ ባካ ዒዛና ዒዛ ዜርዎናይዳ ናንጊና ዶዲ ናንጋያ ማዎንጎ፤ ዳውቲኮ ካአቲም ዎይቶይዳ ዴዓ ዓሶና ዜርዎናም ጋዓንቲ ናንጊና ናንጋ ጎዳኮ ኮሹማ ናንጊና ዲማዴፓ» ጌዔኔ።

34 ዬያሮ ቤናያ ዓይሢንቴ ጎይጾና ዳንዲ ዒዮዓቤ ዎዳም ዒዛኮ ማእሮ ኮይላ ዓኣ ቦኦሎይዳ ዒዮዓቤ ዲኡቴኔ።

35 ዬካፓ ካኣቲ ሴሎሞኔ ዒዮዓቤ ቤዛ ቤናያ ፖኦሊሶ ዓይሢን ማሂ፤ ሃሃ ዓቢያታሬ ቤዛ ሳዶቄ ቄኤሴ ማሂ ዶኦሬኔ።

ሺምዒኮ ሃይቦ

36 ዒማና ሃሃ ካኣቲ፥ ሴሎሞኔ ሺምዒ ዔኤሊሳዮ፡- «ሃይካ ዬሩሳላሜይዳ ኔ ናንጋንዳ ማእሪ ማኸ ዳዔ፤ ዒኢካፓ ኬሰኪ ዓንኮዎ ዳንዲፖ፤

37 ካታማፓ ኔ ኬሰኪ ቄድሮኦኔ ዎሮና ፒንቄ ጴዳቴ ጎኔና ኔኤኒ ሃይቃንዳኔ፤ ኔኤኒ ዬያይዳቴ ኔና ኔ ኔኤሮ ዎዳኔ ጌዔ» ጌዔኔ።

38 ሺምዒ ማሃዮ፡- «ካኣቲዮ! ቃራኬ፤ ታኣኒ ኔ ዓይላሢ ታ ጎዳሢ፤ ኔኤኒ ጌዔሢ ጎይጾ ማዳንዳኔ» ጋዓዮ፥ ዬሩሳላሜይዳ ሚርጌ ዎዳ ዳዔኔ።

39 ሃይሃ ለዔኮ ጊንፃፓ ጋዓንቴ ሺምዒኮ ላምዎ ማዳ ማዳ ዓሲሰኬንሢ ማዕካ ናኣዚ፥ ዓኪሼ ጌይንታ ጋኣቲ ዓጮ ካኣቲሰኬያ ኮይላ ቤቲ ዳንዳኔ፤ ሺምዒ ዬንሢ ዒዛኮ ማዶ ማዳዘንሢ ጋኣቲይዳ ዓኣሢ ዎይዘዮ።

40 ሃሮ ፔኤኮ ኮኦሪ ዔያቶ ዳንቃኒ ጋኣቲይዳ ናንጋ፥ ካኣታሢ ዓኪሼ ኮይላ ዳንዳኔ፤ ዒኢካፓ ዒ ዔያቶ ዳንቄ ማሂ ዔኪ ሙኬኔ።

41 ሴሎሞኔ ዒማና ሺምዒ ዬሩሳላሜፓ ጋኣቲ ዳንዲ ሙኬሢ ዎይዜኔ።

42 ዬያሮ ሴሎሞኔ ሺምዒ ዔኤሊሳዮ፡- «ዬሩሳላሜፓ ኔ ኬሰኩዎጉዲ ናንጊና ናንጋ ጎዳ ሱንጾና ታ ኔና ጫኣቀሲባይ? ኬሰኪ ኔ ጴዳቴ ጋዓንቴ ጎኔና ኔኤኒ ሃይቃንዳሢ ላቲ ታኣኒ ኬኤዚባይ? ዬያ ኩ ዎላ ዔኤዒ ታ ዓይሢ ጎይጾ ኔኤኒ ኩንሣንዳሢ ታኣም ጫኣቀባኣዓዳ?

43 ሂዳዮ ኔኤኒ ናንጊና ናንጋ ጎዳ ሱንጾና ጫኣቀሰካፓ ጫኣቄ ጫኣቄዎ ዎይታዛ ካፒባኣይ? ታ ዓይሢ ዓይሢዎ ዓይጋ ኔ ቦንቲባኣይ?

44 ታ ዓዳሢ፥ ዳውቴ፥ ካኣታሢም ኔኤኒ ማዳ ጌሮ ማዶ ኔ ዔዔራኔ፤ ኔ ማዳ ጌሮ ማዶሮ ናንጊና ናንጋ ጎዳ ፔኤሮ ማቶ ኔ ጊዳ ዔኪ ዬዓንዳኔ፤

45 ታና ጋዓንቴ ናንጊና ናንጋ ጎዳ ዓንጃንዳኔ፤ ዳውቴኮ ካኣቲማኣ ናንጊና ዶዲ ናንጋንዳኔ» ጌዔኔ።

46 ዬካፓ ዮዳሂ ናኣዚ ቤናያም ሺምዒ ዎዳንዳጉዲ ካኣቲ ከኢታ ዳካዛ፥ ቤናያ ዳንዲ ሺምዒ ዎዳኔ፤ ዬያይዲ ሴሎሞኔ ፔኤኮ ካኣቲዎ ዶዲሺ ዓጮ ዎይሢኔ።

3

ካአቲ ሴሎሞን ዔራቶ ዳንቃኒ ሺኢቄ ሺኢጲሢ
(2ፆኦሲ. ዓሃኬ 1:3-12)

1 ሴሎሞን ገብጪ ዓጮ ካአቲ ናዎ ዔኪ ካአቲና ዎላ ዒገንጥኔ፤ ዒዛ ዔኪ ሙካፆ ዒዛኮ ካአቱሞ ማእሮንታ ጌኤዠ ማእሮንታ ዩሩሳላሜ ካታሞኮዎ ዙሎ ኬልቂ ዲርቂ ጋፒሳንዳያ ሄላንዳኣና ዳውቲ ካታሞይዳ ጌሣኔ።

2 ዒማና ናንገና ናንጋ ጎዳ ሱንፆና ጌኤዠ ማእራ ሃጊ ማዢንቲባአሴ፤ ዩያሮ ዳራ ጌሜሪዳ ዳንዲ ዳንዲ ያኦሲሞ ዒንጎ ባኮ ሺኢቫኔ።

3 ሴሎሞን ናንገና ናንጋ ጎዳ ናሽካኔ፤ ሃሃ ዒዚ ፔ ዓዴ፣ ዳውቲ ዔልቃሚ ዓይሣ ባኮዎ ማዳኔ፤ ያዲ ማዔቲያ ዱማ ዱማ ጌሜሪዳ ቆልሞ ሹኪ ሹኪ ያኦሲሞ ሺኢቫኔ፤ ዑንጆዎ ዒኢካ ጨቢባ።

4 ያኦሲሞ ዒንጎ ባኮ ዒንጎ ዳኤፖ ቤዛ ዓኣሢ ጌባፆኦኔይዳታሢር ፔቴ ኬሊ ሴሎሞን ያኦሲሞ ዒንጎ ባኮ ሺኢቫኒ ዒኢካ ዳንዴኔ፤ ዩያኮ ቤርታ ዩኖ ዒንጎ ቤዜሎይዳ ዒዚ ሺያ ቆልሞ ሹኪ፣ ሚቺ ዒንጎ ዒንገሢ ማሃ ዒንገኔ፤

5 ዩኖ ዋንቴሎ ናንገና ናንጋ ጎዳ ጌባፆኦኔይዳ ሴሎሞንም ዓውቲና ጴዳኔ፤ ዒማና ያኦሲ ዒዛ፡- «ዓይጎ ታ ኔኤም ዒንጋንዳጉዲ ኔኔኒ ኮዓይ?» ጌይ ያኦጩኔ።

6 ሴሎሞን ማሃ፡- «ኔ ዓይላሢ፣ ታ ዓዴ፣ ዳውቲ ኮሺ ዓሲ፤ ጉሙርቁንታያ፤ ሃሃ ፒዜ ዓሲ ማዔሢር ሚርጌና ኮሺ ማዳ ኔ ዒዛም ማዲ ማዲ ናንጌኔ፤ ሃኖዎ ዒዛ ቤዛ ዒዛኮ ካአቱሞ ፆይታ ዳዓንዳያ ናይ ዒንገ ዳኤፒ፣ ሃሃ ዶዲ ማዔ ጋፑዎ ናሹሞና ኔ ዒዛ ናሽኬኔ፤

7 ናንገና ናንጋ ጎዳ ማዔ ታ ያኦዛሢዮ! ታኣኮ ለዓ ዳካ ማዔያ ታኣኒ ናይኬ፤ ዓሲ ዎይሢ ታኣኒ ቤቁባኣሴ፤ ጋዓንቴ ኔ ማለሢ ማዔም ታ ዓዶ ቤዛ ታኣኒ ካአታዳኔ፤

8 ኔኔኒ ኔኤር ማዓንዳጉዲ ዶኦሬ፣ ሚርጉማ ፓይዲንታኒ ዳንዳዒንቱዎ ዳር ባኣካ ታኣኒ ዓኣኔ፤

9 ዩያሮ ፑርቶና ኮዠና ዱማሲ፣ ኔኤኮ ዳርሞ ፒዜ ዎጌ ዎጊ ዳር ታ ዔኪ ዓኣዳንዳ ዔራቶ ታኣም ዒንጌ፤ ያዲ ማዒባኣቲ ጋዓንቴ ኔኤኮ ዳልጎ ዳርዎዲ ታ ዔኪ ዓኣዳኒ ዳንዳዒንዳይ?» ጌዔኔ።

10 ሴሎሞን ዩያ ያኦጩሢር ናንገና ናንጋ ጎዳ ዎዛዳኔ፤

11 ያኦሲ ዒዛም፡- «ኔ ሚርጌ ለዔ ናንጋኒ፤ ሃሃ ቆሎ ዳንቃኒና ኔ ሞርካ ባይቃንዳጉዲ ኮይቱዋንቴ ፒዜ ዎጌ ዎጊ ዓሲ ዎይሃንዶ ዔራቶ ኔ ያኦጩሢር፤

12 ኔ ያኑጩ ባኮ ታኣኒ ማዳንዳኔ፤ ዓይጎ ዓሲያ ሃያኮ ቤርታ ዴንቁያ፡ ሃሣ ሃጊያ ዴንቃኒ ዳንዳዓ ዔራቶና ጳቂሥሢና፡ ላሼ ማዔያ ታ ኔኤም ዒንጋንዳኔ፤

13 ዩካፓ ዑሣ ኔኤኒ ያኑጩባኣ ባኣዚ ቢያ ቃሲ ታ ኔኤም ዒንጋንዳኔ፤ ኔ ዎደና ዓይጎ ካኣቲያ ማዎም ዴንቁባኣ ዎርጎቹምና ቦንቾና ታ ኔኤም ዒንጋንዳኔ።

14 ኔ ዓዴ፡ ዳውቲ ማዴ ጎይዎ ታ ጋኣ ጎይዎ ኔ ሃንቴቲ፤ ሃሣ ዓይሢንቴቲ ታኣኮ ዎጎና ዓይሢያና ማዲ ኔ ኩንሣቴ ያደሲ ሌዔ ታ ኔና ናንጊሻንዳኔ» ጌዔ።

15 ዒማና ሴሎሞኔ ጊንዓሰካፓ ጴጫዎ ያኦሲ ዓውቲና ጴዲ ዒዛና ጌሰቲሢ ዔሬኔ፤ ዩካፓ ሴሎሞኔ ዩሩሳላሜ ማዒ ዴንዴኔ፤ ናንጊና ናንጋ ጎዳኮ ጫኣቁሞ ሳኣዲና ቤርታኣ ዔቂ ሚቹ ዒንጎ ዒንጊዎንታ ፔቲሞና ዒንጎ ዒንጊዎ ያኦሲም ሸኢሹኔ፤ ዩካፓ ሃሣ ዒዛኮ ደንዘ ማዔ፡ ቢታንታ ዓኣ ዓሶም ቢያ ሙኡዚ ጊኢጊሹኔ።

ዔራቶና ሴሎሞኔ ፒዜ ዎጌ ዎጎ

16 ፔቲ ከሊ ላምዎ ዘኦሰካ ኮኦማ ላኣሊሰኩንሢ ሴሎሞኔ ቤርቶ ጌኤሲና ሸኢሹኔ፤

17 ዔያቶይዳፓ ፔቲ ላኣሌላ፡- «ካኣቲዮ! ሃኖ ላኣሌሎና ታኣና ፔቲ ማኣሪዳ ኑ ናንጋያታዎ ዒኢካ ኑ ናንጋ ማኣርይዳ ዓቲንቁ ናይ ታኣኒ ሸዔ።

18 ታኣኒ ሸዔንቴ ሃይሣሳ ከሎና ዒዛ ሃሣ ዓቲንቁ ናይ ሸዔ፤ ኑ ናንጋ ማኣርይዳ ኑና፡ ላምዎንሢፓ ዓታዛ ሚሌ ዓሲ ባኣሴ።

19 ፔቲ ከሊ ዋንቴ ሃና ፔ ናዎኮ ጊዳ ላሂ ሹኡሜሢሮ ናዓ ሃይቁኔ፤

20 ታኣኒ ላሂ ዓኣንቴ ዒዛ ዔቂ ታ ዴማ ታ ዓርቂ ላሂ፡ ታኣኮ ናዎ ዔኪ ዒዛ ላሂ ሻኣላ ላይሢሰካፓ ሃይቁ ናዎ ዔኪ ሙኪ ታ ሻኣላ፡ ታ ዴማ ላይሢ።

21 ዚሮ ጉቲ ዓማ ዔቂ ናዎ ታኣኒ ዳንሢሢ ጋዓኣና ናዓ ሃይቁያ ማዒ ጴዴኔ፤ ዒማና ኮሺ ታ ዛጋንቴ ታ ሸዔ ናዎቱዋኣሢ ታኣኒ ዔሬኔ» ጌዔ።

22 ባጌላ ጋዓንቴ፡- «ያዲቱዋሴ! ሸምፔና ዓኣ ናዓ ታ ናዎኬ፤ ሃይቁማ ኔ ናዎኬ!» ጌዔ።

ቤርታሲ ሃይሶ ጌሰቲ ላኣሌላ፡- «ያዲቱዋሴ! ሃይቁማ ኔ ናዎኬ፤ ዋሎማ ታ ናዎኬ!» ጌዔ።

ያዲ ጌይ ጌይ ካኣቲ ቤርታ ዔያታ ዎላ ማርሜ።

23 ዩካፓ ካኦቲ፣ ሴሎሞን፡- «ፔቴዛ ለቀሎ ናዖማ ታ ናዖኬ፤ ሃይቁማ ኔ ናዖኬ!» ጋዓኔ፤ ባጌላ ሃሣ፡- «ያዲቱዋሴ! ኔ ናዖኬ ሃይቁሣ፤ ዋሎማ ታ ናዖኬ!» ጋዓኔ» ጌዔኔ።

24 ዒማና ካኦቲ ጩንቻ ዓፓሮ ዓሳ ዒዛም ዔኪ ዩዓንዳጉዲ ዓይሣኔ፤ ዓሳ ዒዛም ዓፓሮ ዔኪ ዩዓዛ፡-

25 «ዓካሪ ዋሎ ናዖማ ቲቂ ሄኮ ፓቂጋፓ ዔያቶ ፔቴ ፔቴሣም ዛሎማ ዛሎማ ዒንጉዋቴ» ጌይ ዓሰ ዓይሣኔ።

26 ጋዓንጉቴ ጎኔ ናዖኮ ዒንደላ ናዖ ሚጨንታዖ፡- «ካኦቲዮ! ሃዳራ ናዖ ዋዲፖ! ዒዛም ዒንጌ!» ጌዔኔ።

ባጎ ላኦሌላ ጋዓንጉቴ፡- «ታናንታ ዒዛንታም ማዖፓ! ናዓ ላምዖ ቤሲ ቲቂንቶንጎ» ጌዔኔ።

27 ዩካፓ ሴሎሞን፡- «ናዖ ዋዲፖቴ! ጎኔ ዒንደላ ቤርታ ጌሰቴ ላኦሌሎ ማዔሣሮ ናዖ ዒዛም ዒንጉዋቴ!» ጌይ ዓይሣኔ።

28 ዒሰራዔኤሌ ዳሪ ዩያ ካኦቲ ዋጌ ዋጎ ዋይዛዖ ሴሎሞን ዳሮ ባኦካ ማዢንታ ጌኤዘ ፒዜ ዋጋንዳ ዔራቶ ዖኦሲ ዒዛም ዒንጌያታሣ ዔሪ ዒጊጨ ዒዛ ቦንቼኔ።

4

ሴሎሞን ዶኦሪ ቢታንቶ ዒንጌ ዓሰ

1 ካኦቲ፣ ሴሎሞን ዒሰራዔኤሌ ዓጮ ቢያይዳ ካኦታዳኔ፤

2 ዒማና ዒዚ ዶኦሪ ቢታንቶ ዒንጌ ዓሳ ሃካፓ ሊካ ፓይዲንታ ዓሰኬ፡-

ሳዶቁ ናኦዚ፣ ቁኤሳሣ ዓዛሪያሴ፤

3 ዔሊሆሪፔና ዓኪያ ጌይንታ ሺሻ ናኦቶ፣ ካኦቲም ማኦሮይዳ ፃኦፖ ባኮ ፃኦፓዞንሣ፤

ዓሂሉዳ ናኦዚ፣ ዒዮሳፓፄ ጌይንታ ማዲንጉ ባኮ ዛሎ ሃይሶ ፃኦፓያ፤ ሃሣ ዩያ ፃኦፓ ጌሃ ባኮ ሱኡጌ ማዒ ዛጋሣ፤

4 ፖኦሊሶ ሱኡጋሣ ዮዳሄ ናኦዚ ቤናያ፤

ቁኤሴ ማዒ ማዳ ሳዶቁንታ ዓቢያታሬንታ፤

5 ናኦታኦኔ ናኦዚ ዓዛሪያሴ ጌይንታ፡

ዲማ ዲማ ፓቆና ዓጮ ዋይሣ ዓሰኮ ሱኡጋሣ፤

ካኦቲኮ ዶንዛ ማዒ ዘራ ናኦታኦኔ ናኦዚ፣ ቁኤሳሣ ዛቡዳ፤

6 ካኦቲም ማኦራ ማዳ ዓሰ ሱኡጋሣ ዓሂሻሬ ጌይንታሣ፤

ዋልቁና ማዲሾ ዓሰ ማዲሻ ዓቢዳ ናኦዚ፣ ዓዶኒራሜ።

7 ዩያጉዲ ሃሣ ዒሰራዔኤሌ ዓጮ ጉቤይዳ ዲማ ዲማ ፓቂንጉ ዓጮ ዋይሣንዳ ታጶ ላምዖ ዓሲ ዒዚ ዶኦሪኔ፤ ዔያቶኮ ማዳ፡- ዔያታ ዋይሣ ዓጮፓ ካኦቲንታ ካኦቲ ማኦሮ ዓሰንታ ሙዓንዳ ባኦዚ

ቢያ ዔኪ ሸኢሸሢኤ፤ ዔያታ ፔቴ ፔቴሢ ሌዔይዳ ፔቴ ዓገሊ ሙይንታንዳ ሙዎ ባአዚ ዓቱዋዎ ዔኪ ዩዓንዳያ ኮይሳኔ።

8 ዲማ ዲማ ፓቂንቴ ዓጮና ዩያ ዓጮ ወይሣ፡ ዩንሢ ታጾ ለምዎንሢኮ ሱንፃ ሃካፓ ሊካ ፓይዲንታዘንሢኤ፡- ጌሜራ ሚርጌ ዓአ፡ ዓፕሬኤሜ ዓጮ ወይሣሢ ቤንሁሬ፤

9 ማቃፃ፡ ሻዓልቢሜ፡ ቤትሼሜሼ፡ ዔሎኔንታ ቤትሃናኔ ካታሞዋ ወይሣ ቤንዳቄሬ፤

10 ዓሩቦቴና ሶኮ ካታሞና፤ ዩያጉዲ ሃሣ ሄፔሬ ዓጮ ዲማ ዓአ ዓጮ ጉቤ ወይሣሢ ቤንሄሴዴ፤

11 ዶሬ ዓጮ ዲማ ዓአ ዓጮ ጉቤ ወይሣ፡ ፃፓቶ ጌይንታ ሴሎሞኔ ናዎ ዔኪ፡ ቤን ዓቢናዳአቤ፤

12 ታዒናኬንታ ሜጊዶ ካታሞንታ፡ ቤትሻኔ ካታሞ ኮይላ ዓአ ዓጮ ጉቤ፡ ፃርታኔ ካታሞ ኮይላ ዓአ ዓጮና፡ ዒይዚራዔኤሌ ካታሞኮ ዶኦሎ ዛላ ዓአ ዓጮና፡ ዩያጉዲ ሃሣ ዓቤልሜሆላንታ ዮቅሜዓሜ ጌይንታ ካታሞ ሄላንዳአና ቢያ ወይሣ፡ ዓሂሉዴ ናአዚ ቤዓና ጎዎሢ፤

13 ጌሌዓዴይዳ ራሞቴ ጌይንታ ካታሞ፡ ሃሣ ዒኢካ ሚናአሴ ዜርሢ ማዔ ያዒሬ ቶኦኮሮ ማዔ ጉርዶ፡ ባአሳኦይዳ ዓርጎቤ ጌይንታ ዓጮ፡ ዩያጉዲ ካራ ሞኦኖ ዓንጎና ጋጋርቂንቴ ዋዲንታ ኬኤሎ ዲዖና ዲርቂንታ ፓይዳ ዋሊ ዑፃ ላሂታሚ ማዓ ጴኤፖ ጴኤፖ ጉርዶ ወይሣ ቤንጌቤሬ፤

14 ማሂናይሜ ዓጮ ወይሣ፡ ዒዶ ናአዚ፡ ዓሂናአዳአቤ፤

15 ኒፕታአሌኤሜ ዓጮ ወይሣያ ሃሣ ሴሎሞኔ ሙዶሮ ናአቶ ባአካፓ ባሰማቶ ዔኪ፡ ዓሂማዓፃ፤

16 ዓሴኤሬ ዓጮንታ ቤዔሎቴ ካታሞንታ ወይሣ፡ ሁሻዬ ናአዚ፡ ቤዓና፤

17 ዪሳኮኦሬ ዓጮ ወይሣ፡ ፓሩሃ ናአዚ ዒዮሳፒፃ፤

18 ቢኢኒያሜ ዓጮ ወይሣ፡ ዔላ ናአዚ፡ ሳሚ፤

19 ዓሞራ ዓጮ ካአቲ ሲሆኔንታ ባአሳኦኔ ካአቲ ያኦኔንታ ወይሣ፡ ጌሌዓዴ ዓጮ ወይሣሢ፡ ዑሪ ናአዚ፡ ጌቤሬንታኪ።

ዩንሢ ታጾ ለምዎ፡ ዓጮ ወይሣዘንሢኮ ዑፃ ሱኩጌ ማዒ ወይሣ ፔቴ ዓሲ ዓአኔ።

ዖርጎቹማ ሚርጌ ሴሎሞኔኮ ካአቱሞ ዋዶ
20 ዩኖ ዋዶና ዪሁዳንታ ዒሰራዔኤሌንታኮ ዴሮ ሚርጉማ ባዚ ዓቺ ማአሻላጉዲከ፤ ዩይ ዓሳ ቢያ ሙይ ሙይ ሃሣ ዑሸኪ ዑሸኪ ቢያ ዋዴ ዋዛዳኔ፤

4:20 ማገ። ማፃ 15:8፤ 2ዖኦሲ. ዓሃኬ 9:26።

21 ሴሎሞን ወይህ ዓጮኮ ዛጳ ዔፕራዲሴ ዎራፓ ዓርቃዎ ዴንዲ ፒሊሰጸኤሜ ዓጮ ሄላንዳኣና ጋዓዎ ዴንዲ ገብፄ ዓጮ ዛጳ ሄላንዳኣና ዓኣ ዓጮ ቢያ ጋርሲም ማሃያኬ፤ ዬያ ዓጮ ዴራ ቢያ ሴሎሞን ወይህ ዎደና ዒዛ ዴማ ዎርቂ ዒዛም ገኢራኔ።

22 ሴሎሞንም ከላ ከላ ሙኡዚም ማዓንዳ ዶንጎ ሺያ ከሎ ማዓንዳ ቃራ ቃራ ዲኢሊ፣ ታጳ ሺያ ከሎ ማዓንዳያ ሱንፃ ዲኢሊ ገይንታያ።

23 ጋርካ ቱኪ ሙኡዚ ዲቾና ታጳ ቡዋንታ ዴንዲ ካይካ ሄንቃ ለማታሚ ገማይንታ፤ ፔቴ ጸኤታ ማራይ፣ ሃሣ ገንሣ ሮኦቶ፣ ሞይሌ፣ ገንዖንታ ሚዛጲ ሚዛጲ ካፒያ ኮይሳኔ።

24 ሴሎሞን ዔፕራዲሴ ዎራፓ ዓባ ጌላ ዛሎይዳ ዓኣ ዓጮ ቢያ፤ ገይፃ፡- ቲፕሳሄ ካታማፓ ዴንዲ ጋኣዛ ካታሞ ሄላንዳኣና ወይህኔ፤ ዒዚ ዔፕራዲሴ ዎሮኮ ዓባ ጌላ ዛላ ዓኣ ካኣቶ ዓጮ ቢያ ወይህኔ ገይህኬ፤ ዒዛ ዓጮ ዛጲና ካኣማ ዓጮና ቢያ ዎላ ዒ ኮሺና ናንጋኔ።

25 ዒ ካኣታዲ ናንጌ ዎደና ቢያ ዳኣኔፓ ዴንዲ ቤርሳቤ ሄላንዳኣና ዓኣ፣ ዪሁዳና ዒሰራዔኤሌ ዴራኣ ጉቤ ዓልቲሳ ባኣዚ ባኣያ ናንጋኔ፤ ፔቴ ፔቴ ማኣሮ ዓሳኮ ካራ ዔያቶሮ ማዔ ዎይኔንታ ቤሌሴ ሚህንታ ዓኣሢሮ ዬያ ሚዎ ሺቦ ዴማ ዓሳ ዴይ ዴይ ሃውሻኔ።

26 ሴሎሞንኮ ሳርጌሎ ያይቶ ጎቻ፣ ያይዲታሚ ሺያ ጋርካ ቱኪ ሙኡዚ ዲቾና ፓሮና ያልዚ ያላ ታጳ ላምዎ ሺያ ፓራ ዓኣኔ፤

27 ሴሎሞንና ዒዛኮ ካኣቱሞ ማኣሮይዳ ሙዓ ዓሳም ቢያ ኮይሳ ሙዎ ሺኢሻ፣ ዓጮ ወይህ፣ ታጳ ላምዎ ዓሳ ፔቴ ፔቴህ ዔያቶ ዔኪ ዬዎም ጎዖና ዓጊኖና ፔቴ ባኣዚታዎ ፓጨሱዎዎ ዔኪ ዔኪ ሙካኔ።

28 ዬያ ሌሊቱዋንቴ ፔቴ ፔቴ ወይህ ዓሳ ሳርጌሎ ያይቶ ጎቻ ፓራህና ሜሌ ሜሌ ማዶ ማዳ ሃሮንታ ባቁሎንታም ዔልዓንታ ያሃንታ ዔኪ ዔኪ ዬዓኔ።

ሴሎሞንም ዒንገንቴ ዔራቶ

29 ያኦሲ ሴሎሞንም ኮሺ ሄርሺሳያ ማዔ ዔራቶና ማሊ ጳቂሥህ፤ ዬያጉዲ ሃሣ ሃይማዲኬ ገይንቱዎ ዳልገ ማሊህ ዒንገኔ።

30 ሴሎሞን ዓባ ኬሰካ ዛላ ዓኣ ዓጮና ገብፄ ዓጮናይዳ ዓኣ ዔሮ ዓሳፓ ዑሣ ዓኣዴ ዔራቶ ዓኣያ ማዔኔ፤

4:26 1ካእቶ. ማ 10:26፤ 2ያኦሲ. ዓሃኬ 1:14፤ 9:25።

31 ዲዚ ዓሲ ቢያፓ ባሽ ጳጳሪ ዔራ ዓሲኬ፤ ዲዘራሃዌ ዓሢ ዔታኔፓ፣ ማሆሌና ካልካሌና ዳርዓዓናይዳፓአ ባሽ ዔራኬ፤ ዬያር ሱንፃ ዒዛኮ ደግ ገዒ ኮይሎ ዓጮ ዳር ቢያሢም ዋይዚንቴኔ፤

32 ሴሎሞኔ ሃይሃ ሺያ ኮኦኪንሢ ማዓ ሃይሴና ፔቴ ሺያና ዶንጎ ዓይኑም ካላሊ ፃኣፔኔ፤

33 ሊባኖኦሴ ገይንታ ጳጳሪ ሚፃፓ ዳንዲ ማኣሮኮ ኮጮይዳ ባቃላ ሂሶጴ ገይንታ ባኬሎ ሄላንዳኣና ዓኣ ሚሢ ጉቤ ማሊሲ ማሊሲ ኮኦኪንሢ ዒ ኬኤዜኔ፤ ዬያጉዲ ሃሃ ዱማ ዱማ ቆልሞንታ ካፖንታ ዳዲና ጎፔንቴ ሃንታ ማዢንቶንታ ሞሎንታ ዛላኣ ሚርጌ ባኣዚ ዒ ኬኤዜኔ።

34 ዓጪ ቢያይዳ ዓኣ ካኣታ ሴሎሞኔ ዔራቶ ዋይዚ ዒዚ ዔራቶና ጌስታ ጌኤዞ ዋይዚ ፔኤኮ ኪኢታ ዓሲ ዳካኔ።

5

ሴሎሞኔ ጌኤዞ ማኣሮ ማዢን ገኢጊሽ ባኮ (2ፆኦሲ. ዓሃኹ 2:1-18)

1 ፃርሴ ካኣቲ ኪራሜ ዳውቴና ዋላ ላጌ ማዒ ናሽኪንቲ ናንጌኔ፤ ዓዶ፣ ዳውቴ ቤዛ ሴሎሞኔ ካኣታዳሢ ዒዚ ዋይዛፆ ዳንዲ ሴሎሞኔና ካኣሚ ማዓንዳ ዓሲ ዳኬኔ።

2 ሴሎሞኔያ ኪራሜም፡-

3 «ታ ዓዶ፣ ዳውቴ ዒዛኮ ኮይላ ዓኣ ሞርኮኮ ዶሎ ዓሶና ዶልቲ ዶልቲ ናንጌሢ ኔኤኒ ዔዔራኔ፤ ዬያ ሞርኮ ናንጊና ናንጋ ጎዳ ዒዛ ባሽሳንዳያ ሄላንዳኣና ናንጊና ናንጋ ጎዳ ማዔ ፔ ፆኦዛሢም ጌኤሺ ማኣሪ ማዢን ዳንዳዒባኣሢያ ኔኤኒ ዔራኔ፤

4 ሃሢ ጋዓንቴ ናንጊና ናንጋ ጎዳ ማዔ ታ ፆኦዛሢ ታኣና ዛጲና ካኣማ ዓጮና ቢያ ታ ኮሺ ናንጋንዳጉዲ ማሄኔ፤ ታና ዶላ ዓሲያ ባኣሴ፤

5 ናንጊና ናንጋ ጎዳ ታ ዓዶ፣ ዳውቴም፡- ኔ ቤዛ ታኣኒ ካኣታሳንዳ ኔኤኮ ናዓሢ ታኣም ጌኤሺ ማኣሪ ማዢንዳኔ፤ ገዒ ሃጊ ማዓንዳ ዋዛ ዒንጌኔ፤ ዬያር ሃሢ ታኣኒ ናንጊና ናንጋ ጎዳ ማዔ ታ ፆኦዛሢም ጌኤዞ ማኣሮ ማዢን ማሌኔ፤

6 ኔኤኒ ታኣም ሊባኖኦሴ ሚፆ ቆፃንዳ ዓሲ ሊባኖኦሴ ዳኬ፤ ታ ዓሳ ዔያቶና ዋላ ማዳንዳጉዲ ታ ዓይሣንዳኔ፤ ኔ ዓሶም ኔ ዒንጋንዳጉዲ ጌዔ ባኮ ታኣኒ ጨጋንዳኔ፤ ኔ ዔራሢጉዲ ታ ዓሳ ሚሢ ቆፃሢ ኔ ዓሶጉዲ ዔራዋሴ» ገይ ኪኢታ ዳኬኔ።

4:31 ዓይኑ. 89። 4:32 ኮኦኪ. 1:1፤ 10:1፤ 25:1፤ ቢባ. ዓይ 1:1። 5:5 2ሳሙ. 7:12-13፤ 1ፆኦሲ. ዓሃኹ 17:11-12።

7 ሴሎሞን ዲዛም ዳኬ ኪኢቶ ዋይዚ ኪራሚ ሚርጌና ዋዛዳዎ:- «ዳውቲ ቤዛ ጌሊ ሃያ ዳልጎ ዳር ዑፃ ካኣታዳንዳጉዲ ሃያጉዳ ዔራ ናይ ዲዛም ዲንጌ፣ ናንጊና ናንጋ ጎዳሢም ጋላታ!» ጌዔ።

8 ዩካፓ ኪራሚ ሴሎሞንም:- «ኔኔኒ ዳኬ ኪኢታ ታና ሄሌኔ፤ ኔ ኮዓ ባኮ ቢያ ኔኤም ታ ማዳንዳኔ፤ ሊባኖኦሴ ሚያና ዚቢቆና ጊኢጊሺ ታ ኔኤም ሺኢሻንዳኔ፤

9 ታ ዓሳ ሚያ ሊባኖኦሴፓ ባዘይዳ ኬይሳንዳኔ፤ ዔያታ ዩያ ሚያ ዋላ ቱኪ ጊኢጊሺ ኔ ኮዓ ካሮ ሄላንዳኣና ዋኣዎ ዑፃ ዳኪ ሄሊሳንዳኔ፤ ዒኢካፓ ታ ዓሳ ሚያኮ ቱኡዞ ቡሊ ኔ ዓሶም ዲንጋንዳኔ፤ ኔኔኒ ጋዓንቲ ታኣኮ ካኣቱም ማኣራ ዓኣ ዓሳ ሙዓንዳ ባኣዚ ዳኬቲ ታኣም ቃራኬ» ጋዓ ኪኢታ ዳኬ።

10 ዩያይዲ ኪራሚ ሴሎሞንም ኮይሳ ሊባኖኦሴ ሚያና ዚቢቆና ጉቤ ዔኪ ሺኢሹኔ፤

11 ሴሎሞንያ ዒማና ኪራሚኮ ካኣቱም ማኣራ ማዳ ዓሳ ሙዓንዳ ላምዎ ሺያ ቶኦኔ ማዓንዳ ዛርጌና ያይዶ ጃኤታ ሺያ ዶሎዜ ኩማ ሪሚቲ ዛይቲ ጌኤሺ ለዓ ለዓ ዲንጋ።

12 ናንጊና ናንጋ ጎዳ ሃጊ ማዓንዳ ዋዛ ዲንጌ ጎይያና ሴሎሞንም ዔራቶ ዲንጌ፤ ኪራሚና ሴሎሞንና ላምዓሢ ዋላ ኮሺ ናንጋሢር ያልዚ ዋሊ ያላኑዋኣሢ ጫኣቄ።

13 ካኣቲ፣ ሴሎሞን ዒማና ዲሰራዔኤሌ ዓጮ ጉቤይዳፓ ናሽኩዋንቲ ዋልቄና ማዲሾ፣ ሃይሢታሚ ሺያ ዓሲ ዶኦሬ፤

14 ዩያ ዓሶኮ ዑፃ ዓዶኒራሚ ዒዚ ሱኡጌ ማሂ ዶኦሬ፤ ዩካፓ ማዳ ዓሶታጶታጶ ሺያ ማሂ ሃይሃ ቤሲ ፓቃዎ ፔቲ ፔቲ ፓቂንቲ ዓሳ ፔ ኬሊና ኬሊና ፔቲ ዓጊኒ ሊባኖኦሴይዳ ማዲ ላምዎ ዓጊኒ ፔ ማኣራ ሃውሻንዳጉዲ ዓይሣ።

15 ሃሃ ካኣቲ፣ ሴሎሞን ጌሜራ ሚርጌ ዓኣ ዓጩሎይዳ ሹቹ ጳላንዳ ሳሊታሚ ሺያ፤ ጳሊንቲ ሹጮ ኬዲ ዔኪ ሙካንዳ ለንካይታሚ ሺያ ዓሲ ኬሴ፤

16 ዩያ ዓሶኮ ዑፃ ሱኡጌ ማዒ ማዶ ዛጋንዳ ሃይሃ ሺያና ሃይሃ ጃኤታ ዓሲያ ጊኢጊሹኔ፤

17 ካኣቲ፣ ሴሎሞን ዓይሣ ጎይያና ጌኤዦ ማኣሮ ማዢ ዔቂሶንዶ ዴኤፒ ዴኤፒ ሹቹ ማዳ ዓሳ ዩያይዲ ጳሊ።

18 ሴሎሞንና ኪራሚናኮ ማኣሮ ማዢ ሃኣምንታ ቢብሎሴ ዓሶንታ ጌኤዦ ማኣሮ ማዢንዶ ሹጮንታ ሚያንታ ቢያ ጊኢጊሹ።

5:14 1ካእቶ. ማ 12:18።

6

ሴሎሞን ጌኤዥ ማኣር ማዥ ዓርቁህ

1 ዒሰራዔኤሌ ዴራ ገብፂ ዓጫፓ ከሰከንቴ የይዶ ጃኤታና ሳሊታሚ ለዔ ማዔሰካፓ፡ ሴሎሞንያ ዒሰራዔኤሌይዳ ካኣታዴንታ የይዳሳ ሌዖኮ ዚፔ ጌይንታ ላምዓሳ ዓጊኖና ናንጊና ናንጋ ጎዳኮ ጌኤዥ ማኣር ሴሎሞን ማዥ ዓርቁኔ፤

2 ጌኤዥ ማኣርኮ ጋሮ የዶሱማ ላሂታሚ ዋዳ፤ ዳልጉማ ላማታሚ ዋዳ፤ ለካ ዔጳ ሃይሂታሚ ዋዳከ።

3 ጌሎ ካሮኮ ዓኣ ያኦዚንዖ ዴጉማ ታጶ ዋዳ፡ ዳልጉማ ጌኤዥ ማኣርኮ ጋሮ ዳልጉሚጉዴያ ላማታሚ ዋዳከ።

4 ጌኤዥ ማኣርኮ ጋሮ ዛሎና ዳልጊ፡ ዙሎ ዛሎና ኩንዔ ማዔ ፑልታ ካራ ዓኣኔ፤

5 ጌኤዥ ማኣርኮ ጋሮ ማዥና ያኦሲም ዑሣ ዓኣዴ ዲማዴ ማኣር ሄሊሲ ዙሎና ዲማ ዲማ ቆልዓ ዓኣያ ማኣሪ ሹቸና ዒዚ ማዥ።

6 ዬያ ማኣርኮ ዓይፃ ሳዓ ማዥንቴ ማኣር ዳልጉማ ደንጎ ዋዳ፡ ሄሊሲ ዑፃ ማዥና ማኣርኮ ዳልጉማ ላሆ ዋዳ፡ ሃይሂሲ ዑፃ ማዥና ማኣርኮ ዳልጉማ ላንካይ ዋዳከ፤ ፔቴ ፔቴ ከኤዖኮ ጋራ ዓኣ ሳዓ ዴማ ዓኣ ከኤዖ ሳዓፓ ሻኣዥሲ ማዥና፤ ጌኤዥ ማኣር ዋላ ዓይሣሂ ማዥና ዘንጋላ ኮጮ ባኣኮ ዓኣዲዋጉዲ ጌኤዥ ማኣርኮ ኮጮ ዙላ ዒዚ ከኤሌ ከልቁሴ።

7 ጌኤዥ ማኣራ ማዥንቴ ሹጮ ዓርሲ ኮሾናሂ ሹጮ ጳሎና ቤዛከ፤ ዬያሮ ጌኤዥ ማኣራ ማዥንታ ዋዶና ሙቁሣንታ ሹጮ ዓርሲ ዓንጊንታ ሚሌ ዓይጎ ዓንጊኮዋ ዑኡሲ ዋይዘንቴባኣሴ።

8 ቤርታዲ ዓይፃ ማዥና ማኣርኮ ጌሎ ካራ ዶኦሎ ዛሊና ጌኤዥ ማኣርኮ ጎኦሰና ማዓዛ፡ ሄሊሲ ዑፃ ማዥንቴ ማኣርኮ ጋፒንፃ ማዥና ማኣር ከሰኮያ ሳናጉዲ ጌዳሲ ማዥና ባኣዚ ዓኣኔ።

9 ዬያይዲ ሴሎሞን ጌኤዥ ማኣር ማዥ ጋፒሴ፤ ከኤዖኮ ሳኮ ጋርሲና ሊባናኦሴ ሚፃፓ ኮሾና ዘንጋላና፡ ጊንሣ ሃሣ ዬያ ሚፃፓ ዓርሲ ኮሾና ዳልጊ ባኣዚና ጳርቂ ዓኣቺ ባይዘኔ።

10 ኩቤ ማሂ ማዥና ፔቴ ፔቴ ማኣርኮ ዴጉማ ደንጎ ደንጎ ዋዳ ማዔያከ፤ ዩንሂ ማኣርንሂ ዒዚ ዚቢቂ ዘንጋላና ዋላ ዓይሂ ማዥሴ።

11 ናንጊና ናንጋ ጎዳ ሴሎሞንም፡-

12-13 ታኣኮ ዋጎንታ ዓይሂዖንታ ዳምቦንታ ቢያ ኔ ካፔቴ ኔ ዓዶ ዳውቴም ታኣኒ ጫኣቁ ሃጊ ማዓንዳ ዋዘ ደዲሺ ታ ዳይሣንዳኔ፤ ታ ዴሮ፡ ዒሰራዔኤሌ ባኣካ ማዔ ሃያ ኔኤኒ ማዥ ጌኤዥ ማኣርይዳ ታ ናንጋንዳኔ፤ ፔቴታዖ ታ ዔያቶፓ ዲማዳባከ ጌዔኔ።

14 ሴሎሞን ይያይዲ ጌኤዡ ማኣሮ ማዢ ኩርሴኔ።

ጌኤዡ ማኣሮኮ ጋሮ ማዢና ጎይዖ
(2ዎኦሲ. ዓሃኬ 3:8-14)

15 ጌኤዡ ማኣሮኮ ሹጮና ማዢና ኮጫ ጋርሲና ሳዓፓ ዴንዲ ጋፓ ሳኮ ሄላንዳኣና ሊባኖኦሴ ሚዖ ዓርሲ ላሻሲ ኮሾናሢና ጳርቂ ጳርቂ ባይዘናያኬ፤ ጋሮኮ ሳዓኣ ሊባኖኦሴ ሚዖ ዓርሲ ሂኢሢ ኮሾናያኬ።

16 ጌኤዡ ማኣሮኮ ጋራኣ፣ ጊንዖ ዛላ ዑሣ ዓኣጳ ያኦሲም ዲማጳ ኬኤዖ ጌይንታ ፔቴ ቆልዓ ማዢንቴኔ፤ ዬኖ ቆልዖኮ ጋሮ ያዶሱማ ለማታሚ ዋዳ ማዓዛ ሳዓፓ ዴንዲ ጋፓ ሳኮ ሄላንዳኣና ሊባኖኦሴ ሚዖ ዓርሲ ላሻሲ ኮሾናሢና ማዢንቴያኬ፤

17 ዑሣ ዓኣጳ ያኦሲም ዲማጳ ማኣሮኮ ቤርቶ ዛላ ያኦሲም ዲማጳ ጋርሲ ዓኣኔ፤ ዬያ ጋሮኮ ያዶሱማ ያይዲታሚ ዋዳኬ፤

18 ሊባኖኦሴ ሚዖ ላሻሲ ዓርሲ ኮሾናሢና ዲኡቁ ቡኒ ማሊሲ ኮሾና ባኣዚ ዓኣኔ፤ ጋራ ጉቤ ሊባኖኦሴ ሚዖ ላሻሲ ዓርሲና ሚዖና ጳርቂንቴሢሮ ማኣሮ ማዢና ሹጮ ዴዲዋያኬ።

19 ጌኤዡ ማኣሮኮ ጋራ፣ ጊንዖ ዛላ ናንጊና ናንጋ ጎዳኮ ጫኣቁዋ ሳኣዲና ጌሢንታንዳ ቆልዓ ዔያታ ማዢኔ።

20 ዬኖ ኬኤጻሎኮ ጋሮ ያዶሱማ ለማታሚ ዋዳ፣ ዳልጉማ ለማታሚ ዋዳ፣ ሌካ ዔጳ ለማታሚ ዋዳ ማዓዛ ጋራ ጉቤ ጌኤሺ ዋርቁና ጳርቂንቴያኬ፤ ያኦሲም ዒንጎ ባኮ ሺኢሾ ቤዛ ሊባኖኦሴ ሚዖ ዓርሲ ላሻሶና ሚዖና ጳርቂ ኮሾናያኬ።

21 ሴሎሞን ጌኤዡ ማኣሮኮ ጋሮ ዛሎ ጌኤሺ ዋርቁና ጳርቂ ኮሺኔ፤ ጌኤዡ ማኣሮኮ ጋሮይዳ ዋርቁና ጉቤ ጳርቂ ኮሾና ቆልዖ ጌሎ ካሮ ያኣዚንዖይዳ ዋርቁና ኮሾና ካኒ ቢራታ ሱፃ ሚዛጲሴኔ።

22 ያኦሲም ዑሣ ዓኣጳ ዲማጳ ጋሮይዳ ናንጊና ናንጋ ጎዳም ዒንጎ ባኮ ሺኢሾ ቤዛንታ ጌኤዡ ማኣሮኮ ጋሮዋ ቢያ ዋርቁና ጳርቂ ሚዛጲሴ ዒ ኮሺኔ።

23 ፔቴ ፔቴሢኮ ዴጉማ ታጳ ዋዳ ማዔያ፣ ሪሚቲ ሚሢና ለምዖ ኪሩቤሌ ማሊሲ ማዢና ባኣዚ ያኦሲም ዑሣ ዓኣጳ ዲማጳ ጋሮይዳ ዒ ገኢጊሺኔ።

24-25 ለምዖ ኪሩቤላ ዋላ ሄኮ ማዔያኬ፤ ፔቴ ፔቴ ኪሩቤኤሎኮ ለምዖ ጋኣሲ ዓኣኔ፤ ፔቴ ፔቴ ጋኣዙኮ ያዶሱማ ደንጎ ዋዳ ማዓዛ፣ ፔቴ ጋኣዙኮ ጋፓፓ ዴንዲ ባጎ ጋኣዙኮ ጋፓ ሄላንዳኣና ያዶሱማ ታጳ ዋዳኬ፤

26 ሃሣ ፔቴ ፔቴ ኪሩቤኤሎኮ ሌካ ዔጳ ታጳ ዋዳኬ።

27 ኪሩቤኤሎ ያኑሲም ዑሣ ዓኣጳ ዲማጳ ጋርይዳ ዒዚ ዔቂሲሴኔ፤ ዬያር ዔያቶኮ ፒሺንቴ ላምዖ ጋኣዛ ጋርኮ ሄካሰካ ዎላ ካኣማዖ ባጎ ዛላ ዛላ ዓኣ ላምዖ ጋኣዛ ዔያታ ፒሺ ዔቁ ባንዖና ኮጮ ካኣማያኮ።

28 ዬንሣ ላምዖ ኪሩቤኤሎንሣ ዒዚ ዎርቁና ጳርቂ ኮሺሴኔ።

29 ዳልጎ ጋርና ጋራ ዓኣ ቆልዖኮ ኮጮይዳ ጉቤ ኪሩቤሌና ሜኤፃና፤ ሃሣ ዲኡቁ ቡኒያ ማሊሲ ማሊሲ ማዢ ዒዚ ሚዛጲሴኔ።

30 ዬያጉዲ ሃሣ ዒዚ ያኑሲም ዑሣ ዓኣጳ ዲማጳ ጋርኮ ሳዖንታ ጌኤዢ ማኣርኮ ጋር ሳዖንታ ዎርቁና ጳርቂ ኮሺኔ።

31 ሪሚቲ ዓርሲ ኮሾና ላምዖ ዎላ ካንሣ ዎዶ ካራ ያኑሲም ዑሣ ዓኣጳ ዲማጳ ጋርኮ ጊኢጊሴኔ፤ ዬኖ ካርኮ ዎላ ካኣማ ዶንጎ ቤሲ ዓኣያ ማዓዛ ቶኦኮ ፒዚዲ ኮሾና ባኣዚ ዓኣኔ።

32 ላምዖ ካር ዒዚ ኪሩቤሌንታ ሜኤፃንታ ዲኡቁ ቢኒንታ ጊዳ ዓኣያ ማሊሲ ማዢ ማዢ ሚዛጲሴኔ፤ ዒዚ ዬያ ካርንታ ኪሩቤኤሎንታ ሜኤፃ ማሊሲ ማሊሲ ማዢና ባኮንታ ዎርቁና ጳርቂ ሚዛጲሴኔ።

33 ኬኤፃ ጌሎ ጳኤፖ ካርኮ ሪሚቲ ዓርሲ ኮሾና ዖይዶ ዛላ ዎላ ካኣሜያ፣ ካራ ሪኤካጉዳ ባኣዚ ኮሺኔ።

34 ላምዖ ካራ ጳንጨንታ ዓንጊና ዎላ ዓይሦናያ ዒዚ ኮሺኔ።

35 ዬንሣ ካርንሣ ጉቤ ዒ ዎርቁና ጳርቂ ኪሩቤሌንታ ሜኤፃንታ፤ ሃሣ ዲኡቁ ቡኖዎ ማሊሲ ጊዳ ጊዳ ማዢ ሚዛጲሴኔ።

36 ጌኤዢ ማኣርኮ ቤርቶ ዛላ፣ ጌኤዢ ማኣራ ሙኪ ዓሲ ቡካንዳ ፔቴ ጳኦካ ዒዚ ኮሺኔ፤ ዬኖ ዓሳ ቡካ ቤዞኮ ዙሎ ሃይሦ ሺርሺ ሹቲ ጌሣ ጌሣ ኬልቂ ማዢ ዖይሳዖ ፔቴ ለባኖኦሴ ዓርሲ ላሻሲ ኮሾናያ ጊዳና ጊያያ ኬልቂ ማዢኔ።

37 ዬይ ጌኤዢ ማኣራ ማዢኒ ዓርቂንቴሣ ሴሎሞኔ ካኣታዳንቴ ዖይዳሳ ሌዖኮ ዚፔ ጌይንታ ላምዓሳ ዓጊኖናኮ።

38 ጋዓንቴ ዬይ ጌኤዢ ማኣራ ማዢንቴ ጉቤ ጋፔሣ ሴሎሞኔ ካኣታዳንቴ ታጳ ፔታሳ ሌዖኮ ቡሌ ጌይንታ ሳላሳ ዓጊኖና ማዢ ጋፒሳኒ ማሊንቴ፣ ዎዶማናኮ፤ ሴሎሞኔ ዬያ ጌኤዢ ማኣራ ማዢ ጋፒሴሣ ላንካይ ለዔይዳኮ።

7

ሴሎሞኔ ፔኤኮ ካኣቱሞ ማኣር ማዢሣ

6:28 ኬሲ. ማፃ 25:18-20።

1 ሴሎሞን ፔኤኮ ካኣቱሞ ማኣሮ ማዠኔ፤ ዬያ ማኣሮ ዒዚ ታጾ ሃይሠ ለዔይዳ ማዠኛ ጋፒሴ፤

2-3 «ሊባናኦሴ ዴኤሎ» ጌይንቴ ዳልጊ ማኣሪ ዒ ማዠኔ፤ ዬያ ማኣሮኮ ጋሮ ያደሱማ ጻኤታ ዋዳ፣ ዳልጉማ ደንጊታሚ ዋዳ፣ ለካ ዒጳ ሃይሠታሚ ዋዳ ማዒያኬ፤ ሃሣ ዬያ ማኣሮኮ ሃይሠ ቤሰካ ዋሊ ቤኤዚ ታጾ ደንጎ ደንጎ ደቆና ያይዲታሚ ደንጎ ቱርቱሪ ዓኣኔ፤ ዬያ ቱርቱሪይዳ ዘንጋላ ማሂ ጌሦና ሊባናኦሴ ሚያ ዓርሲ ላሻሲ ኮሽንቴይ ዓኣኔ፤ ዬያ ቱርቱሪ ዑፃ ሹቸና ማዠኛ ማሂ ጌሦ ማኣሪ ዓኣኔ፤ ዬያ ሚያ ጌሦ ማኣሮንሢኮ ሳካ ሊባናኦሴ ሚያና ማዠኛ፤

4 ዬንሢ ማኣሮኮ ፑልቶ ካራ ዳጊዲ ማዠኛ ዋሊኮ ሆታ ማዒያ ሃይሠ ሃይሠ ማሂ ኮሽና፤

5 ካሮንታ ፑልቶ ካሮንታኮ ዓጮይዳ ቢያ ያይደ ዛሎ ዋላ ካንሢ ጳርቆና ላሽ ሚሢ ዓኣኔ፤ ፔቴ ፔቴ ሹጮና ማዠኛ ማኣሮንሢኮ ዋሊ ቤኤዚ ማዠኛ ሃይሠ ሃይሠ ፑልታ ካራ ዓኣኔ።

6 «ሚርጌ ቱርቱሪ ዓኣ ማኣሮ» ጌይንቴ ዳልጊ ማኣሪ ሴሎሞን ሃሣ ማዠኔ፤ ዬያ ማኣሮኮ ጋሮ ያደሱማ ደንጊታሚ ዋዳ፣ ዳልጉማ ሃይሠታሚ ዋዳ፤ ዬያ ኬኤዎኮ ቤርቶ ዛላ ሳኪና ማዠኛ ቱርቱሪና ሬኤኪ ዓይሠና ኬሰኪ ዠባሪ ዔኮ ማኣሪ ዓኣኔ።

7 ሃሣ ጌንሣ ዒዚ ዴዒ ዋጎ ዋጋንዳ ካኣቲ ዴዒ ያይታ ጌሢንታ ማኣሪ ማዠኔ፤ ዬያ ኬኤዎኮ ሳዒፓ ዴንዲ ጋርሲና ሳኮ ሄላንዳኣና ሊባናኦሴ ሚያ ዓርሲ ላሻሶናና ጳርቂ ኮጮ ባይዘና፤

8 ዬኖ ማኣሮኮ ጌንያ ዛሊና ዓኣ ጳኦኮይዳ ዒዚ ናንጋንዳ፣ ሹቸና ማዠኛ ማኣሪ ሃንጎ ማኣሮ ጎይያ ማዠኔ፤ ዒዛኮ ማቶ፣ ጌብጻ ካኣቲ ናዎማኣ ዬኖጉዴ ማኣሪ ዒዚ ማዠኔ።

9 ዬያ ማኣሮ ቢያሢንታ ቢያፓ ባሽ ዳልጎ ማኣሮንታ ዓይፃፓ ዴንዲ ጋፒንያ ሄላንዳኣና ሚዛጲ ደዲ ደዲ ሹቸና ኮሽ ማዠኛ፤ ዬያ ሹጮ ጳሊ ዔኮና ቤዘይዳ ዓኣንቴ ቤርቶ ዛሎንታ ጌንያ ዛሎንታ ቢያ ዓርሲ፣ ሃሣ ቃንቂ ጌኢጊሽ ዔኪ ዬያና፤

10 ማኣሮ ማዠኛ ዓዓርቃፓ ጌሦና ሹጮ ዒኣካ ጳሎና ቤዛ ጌኢጊሽ ዔኪ ሙኮና ዴኤፒ ዴኤፒ ሹቸኬ፤ ዬያ ዴኤፖ ሹጮኮ ፔቴ ዓርሲንቴ ሹጮ ያደሱማ ዛሎኮ ታጾ ዋዳ፤ ዛሎኮ ሃሣ ሳሊ ዋዳ።

11 ዬያ ዴኤፖ ሹጮ ዑያይዳ ጌሢ ማዠኛ ማሊ ሹቸንታ ሊባናኦሴ ሚያ ዓርሲ ላሻሶናሢንታ ዓኣኔ።

12 ካኣቱሞ ማኣሮኮ ዓሳ ቡካ ጳኦኮንታ ጌኤዠ ማኣሮኮ ጋራ ዓሳ ቡካ ቤዘንታ ጌኤዠ ማኣሮ ጌሎ ካሮንታኮ ዓጮይዳ ሃይሠ ማዠኛ

ሸርሽ ከልቆና ዓርሲንቴ ሹቺና ጊዳ ገንሣ ፔቴ ሸርሽ ከልቆና ሊባኖኦሴ ሚያ ዓርሲ ላሻሲ ኮሾና ሚሢ ዓኣያክ።

ሁራሜ ማዳንዳጉዲ ዓይሢንቴ ባኮ

13 ሴሎሞኔ ሁራሜ ጌይንታ ዓሲሰኬያ ዓርሴ ካታማፓ ዔኤሊሴኔ፤

14 ሁራሜ ሞኦኖ ዓንጎ ሸኤሽ ዲይ ኮሻ ዔራቶ ዓኣያክ፤ ቤርታ ሃይቄ፣ ዒዛኮ ዓዴያ ዓርሴ ካታማ ሸይንቴያ ማዓዛ ዒዚያ ሞኦኖ ዓንጎ ሸኤሽ ዲይ ዔራ ዓሲኬ፤ ዒንዳ ዒዛኮ ኒፕታኦሌኤሜ ዜርፃፓ ሸይንቴያክ፤ ሁራሜ ኮሾ ባኣዚ ኮሽ ዔራ ሃኦሚ ዓሲኬ፤ ሴሎሞኔ ዒዛ ዔኤሊሢሮ ሙኪ ዒ ማዳንዳጉዲ ጌይንቴ ሞኦኖ ዓንጎ ኮሽያ ማዳ ቢያ ዒዚ ማዳኔ።

ሞኦኖ ዓንጎና ኮሾና ላምፖ ቱርቱር (2ፆኦሲ. ዓሃኬ 3:15-17)

15 ሁራሜ ፔቴ ፔቴ ቱርቱርኮ ዔጳ ታጳ ሳሊ ዋዳ፣ ዓንዲርሙማ ታጳ ላምፖ ዋዳ ጋራ ጉሪ ዔቴ ማዔያ ላምፖ ቱርቱሪ ሞኦኖ ዓንጎና ኮሾኔ።

16 ሃሣ ዒዚ ቱርቱር ዑፃ ዔቂሶያ ፔቴ ፔቴሢኮ ያዶሱማ ዶንጎ ዋዳ ማዓ ሙሰኩሌጉዴ ላምፖ ባኣዚ ሞኦኖ ዓንጎና ማገፎኔ።

17 ፔቴ ፔቴ ቱርቱር ዑፃ ዓኣ ሙሰኩሌ ማላ ባኮ ሚዛጲ ሳንዳጉዲ ርኦጩ ሱሲ ጎይሢ ካኒ ቢራታና ላምፖ ባኣዚ ዒ ኮሾኔ፤ ዩንሢኮ ፔቴዞ ሙሰኩሌ ማላ ባኮሎኮ ፔቴማይዳ ባጌሎ ሃሣ ሙሰኩሌ ማላ ባኮኮ ባጎ ዛሎይዳ ጌሢኔ።

18 ቱርቱርኮ ቶኦካ ዓኣ ሙሰኩሌ ማላ ባኮ ሚዛጲ ሳኒ ርኦማኣኔ ሚያ ዓኣፖ ማሊሲ ዋሊ ቤኤዚ ላምፖ ቤሲዳ ኮሾኔ። ፔቴ ፔቴ ሙሰኩሌ ማላ ባኮይዳ ዩኖጉዴ ባኣዚ ኮሽ ዒ ጌሢኔ።

19 ከሰከ ዠባሮ ዔኮ ከኤያኮ ቱርቱር ቶኦካ ዓኣ ሙሰኩሌ ማላ ባኮኮ ሌካ ዔጳ ያይዶ ዋዳ ማዓዛ፣ ሱኡፖ ቡኒ ማሊሲ ኮሾናያክ፤

20 ዩንሢ ባኮንሢ ርኦጩ ሱዞ ማሊሲ ማዠና ካኖ ቢራቶኮ ዑፃ ማሃንቴ ቤዞይዳ ጌሢንቴኔ፤ ፔቴ ፔቴ ሙሰኩሌ ማላ ባኮ ዙሎ ሸርሽ ዋሊ ቤኤዚ ላምፖ ቤሰካ ኮሾና ላምፖ ዪኤታ ርኦማኣኔ ሚሢ ዓኣፕ ማላ ባኣዚ ዓኣኔ።

21 ሁራሜ ሞኦኖ ዓንጎና ኮሾንቴ ላምፖ ቱርቱርንሢ ጌኤዠ ማኣሮ ጌሎ ካርኮ ቤርቶ ዛሎይዳ ዔቂሴኔ፤ ጌሎ ካርኮ ዶኦሎ ዛሎይዳ

ዔቂሶና ቱርቱራሢኮ ሱንፃ፡- «ያከኔ»* ጌይንታዛ፡ ኬዶ ዛሎና ዔቂሶናሢኮ ሱንፃ፡- «ቦዔዜ»† ጌይንቱኔ።

22 ቱርቱሮንሢኮ ቶኦኮይዳ ሱኡፖ ቡኒ ማሊሲ ሞኦኖ ዓንጎና ኮሺንቱ ሙሰኩሌ ማላ ባኣዚ ዓኣኔ።
ቱርቱሮ ኮሺፃ ያዲዲ ማዲንቱ ጋፔኔ።

ሞኦኖ ዓንጎና ኮሾና ዳልጎ ደኦሎ
(2ፆኦሲ. ዓሃኬ 4:2-5)

23 ሁራሜ ዒማና ዔታዲፃ ደንጎ ዋዳ፡ ዳልጉማ ታጳ ዋዳ፡ ሺሪ ዴንዳ ዙላ ሃይሢታሚ ዋዳ ማዔ ዳልጊ ደኦላ ሞኦኖ ዓንጎና ኮሾኔ።

24 ዬያ ደኦላሢኮ ዳንጎ ዴማ ደኦሎና ዋላ ዓይሢ ጉሲ ማሊሲ ሞኦኖ ዓንጎና ላምፆ ሺርሺ ማዦና ባኣዚያ ኮሾኔ።

25 ዬይ ደኦላ ሞኦኖ ዓንጎና ታጳ ላምፆ ጌማይ ማሊሲ ኮሾና ባኣዚኮ ፀ-ፃ ዴይሦናያኬ፤ ዬንሢ ጌማቶንሢ ፔ ዛሎና ዛሎና ቶኦኮ ሴካ ሺርሺ ሃይሣሢ ኬዶ ዛሎ፡ ሃይሣሢ ደኦሎ ዛሎ፡ ሃይሣሢ ዓባ ኬሰካ ዛሎ፡ ሃይሣሢ ጊንሣ ዓባ ጌላ ዛሎ ዛጋያ ማሃ ዔቂሶናያኬ።

26 ዬያ ደኦሎኮ ባጩ ዓንዲርሙማ ኬኤላ ዋዳ ማዓያ ማዓዛ ዬያኮ ዓጩ ቡኒ ማላያኬ፤ ጊንሣ ሃሣ ዳንጋ ቤጩ ካራ ማላያኬ፤ ዬይ ደኦላሢ ያይዲታሚ ላምፆ ሺያ ደሎዜ ማዓንዳ ዋኣሢ ዓርቃያኬ።

ሞኦኖ ዓንጎና ኮሾና ሜሆ ጌሦ ባኮ

27 ሁራሜ ሃሣ ፔቲ ቤዛፓ ሜሌ ቤሲ ሂዒ ዔኪ ዓኣዲንታኒ ዴንዳዓ ሺሺራያ፡ ሜሄ ጌሦ ታጳ ባኣዚ ሞኦኖ ዓንጎና ኮሾኔ፤ ዬያ ፔቲ ፔቲ ባኮኮ ያደሱማ ያይዶ ዋዳ፡ ዳልጉማ ያይዶ ዋዳ፡ ሌካ ዔጳ ሃይሦ ዋዳ ማዓያኬ።

28 ሜሆ ጌሦ ባካ ማዦንቱሢ ያይዶ ዛሎና ሄኮ ማዔያ ላሻሲ ሞኦኖ ዓንጎና ኮሾናያኬ፤ ፒዝ ጌዔ ዓንጊናኣ ዓይሢንቱያኬ።

29 ዬያ ላሻሲ ኮሾና ሞኦኖ ዓንጎይዳ ዙቢንታ ጌማይንታ ከሩቤሌንታ ማሊሲ ማዦና ባኣዚ ዓኣኔ፤ ዙቢንታ ጌማቶንታ ማሊሲ ማዦና ባኮኮ ኬዶ ዛሎና ደኦሎ ዛሎናይዳ ቡኒ ዋላ ቱኪ ኮሾናያ ማላ ባኣዚ ዓኣኔ፤

30 ፔቲ ፔቲ ሜሆ ጌሦ ባኮኮ ያይዶ ሺራ ቶከና ቶካ ዒኣካ ሺራንዳጉዲ ሞኦኖ ዓንጊና ኮሾና ሙሊሢ ዓንጊያ ዓኣኔ፤ ዬያ ሜሆ

* 7:21 ያከኔ ጌይፃ፡- ዔብሪ ዓሶ ሙኡቹና «ፆኦሲ ቃያያኬ» ጌይሢኬ። † 7:21 ቦዔዜ ጌይፃ፡- ዔብሪ ዓሶ ሙኡጮና «ፆኦሲ ዋልቄና» ጌይሢኬ።

ጌሆ ባኮኮ ካኣማ ካር ያይዳሢዳ ማሰቶ ዋኣዖ ቆ። ጌሆ ከኢያ ደኣላሢ ጌኤቁንሢ ጌሆና ባኣዚ ዓኣኔ፤ ዩንሢ ባኮንሢ ቡኒ ዋላ ቱኪ ኮሾናና ማላ ባኣዚና ሚዛጲሶናያኬ።

31 ዩኖ ማሰቶ ዋኣዖ ጌሆ ጋባዴሎኮ ከኢያ ፔቲ ዋዳ ማዓያ ሙሊሢኬ፤ ጋባዴሎኮ ሌካ ዔጳ ፔቲ ዋዳና ዛላና ማዓያኬ፤ ዩያ ከኢያ ሚዛጲሶኒ ኮሾና ባኣዚ ዓኣኔ፤ ዩያ ማሰቶ ዋኣዖ ጌሆ ጋባዴኮ ሳዓ ዔቃ ቶካ ያይዶ ዛላ ዋላ ካኣሚያኬ፤ ሙሊሢቱዋሴ።

32 ሺራ ባኮኮ ሌካ ዔጳ ፔቲ ዋዳና ዛላናኬ፤ ዩና ሺራ ባካ ላሻሲ ኮሾና ሞኣኖ ዓንጎኮ ዴማ ዓኣያኬ፤ ዩያ ሺራ ባኮኮ ጋራ ዓኣ ሙሊያ ዓንጋ ዩያ ሚሆ ጌሆ ባኮና ፔቲ ማሂ ካንሢ ማዦናያኬ።

33 ዩያ ሚሆ ጌሆ ባኮኮ ሺራ ባካ ሳርጌሎ ያይቶሲ ማላያኬ፤ ሺራ ባኮኮ ሳዛ ዓኣ ሙሊያ ዓንጎንጎታ ዋላ ካንሢ ካንሢ ማዦና ዓንጎንጎታ ዩያ ባኮ ካንቃ ባካኣ ቢያ ሞኣኖ ዓንጎ ሸኤሺ ኮሾናያኬ።

34 ፔቲ ፔቲ ሚሆ ጌሆ ባኮኮ ዋላ ካኣማ ያይዶ ዛሎኮ ደኣሎ ዛሎይዳ ዛሎይዳ ዩያና ዋላ ካንሢ ፔቲ ማሂ ሞኣኖ ዓንጎና ኮሾና ጌኤቁሶ ባኣዚ ዓኣኔ፤

35 ፔቲ ፔቲ ሚሆ ጌሆ ባኮኮ ዓጮይዳ ዋዳኮ ዛላ ማዓያ ያይሱሞ ዓኣ ጉኡሪ ማሂ ኮሾና ባኣዚ ዓኣኔ፤ ጌኤቁሲ ጌሆ ባኮንጎ ሞኣኖ ዓንጎ ላሻሢንጎ ሚሆ ጌሆ ባኮና ፔቲ ማሂ ማዦናያኬ።

36 ዩንሢ ጌኤቁሲ ጌሆ ባኮንሢና ሞኣኖ ዓንጎ ላሻሢናኮ ባኣካ ዓኣ ጉሮ ቤዘይዳ ቢያ ከሩቤሌንጎ ዞቢንጎ ሚኤፄ ሚሢንጎ ማሊሲ ጊዳ ጊዳ ኮሺ ሚዛጲሶናያኬ፤ ዩያጉዲ ሃሣ ዓጮ ዔያቶኮ ቢያ ቡኒ ቱኪ ኮሾናና ማላ ባኣዚና ሚዛጲሶናያኬ።

37 ዓካሪ ዩንሢ ሚሆ ጌሆ፣ ታጳ ባኮንሢ ኮሺንጎቲሢ ዩያይዲኬ። ዔያታ ኮሺንጎቲ ጎይፃ ሂኮ ማዔሢሮ ቢያሢ ዋሊ ማላያኬ።

38 ሁራሜ ፔቲ ፔቲ ሚሆ ጌሆ ባኮሞ ማሰቶ ዋኣሢ ጌሆ ታጳ ጋባዳ ኮሺኔ፤ ዩያ ጋባዶ ፔቲ ፔቲሢኮ ዳልጉማ ያይዶ ዋዳ ማዔያ ሳሊ ጃኤታ ደሎዜ ኩማ ዋኣሢ ዓርቃያኬ።

39 ሁራሜ ሚሆ ጌሆ ባኮኮ ደንጎንሢ ጌኤዦ ማኣሮኮ ደኣሎ ዛላ፤ ሃንጎ ደንጎንሢ ጌኤዦ ማኣሮኮ ኬዶ ዛላ ጌሣኔ፤ ዋኣዖ ዓርሣያ ጋባዶጉዴ ዳልጎ ደኣላሢ ደኣሎ ዛሎኮ ዓባ ኬሰካ ባንፃ ጌሣኔ።

**ጌኤዦ ማኣሮይዳ ማዲንቶ ሚሆ
(2ፆኦሲ. ዓሃኬ 4:11—5:1)**

‡ **7:30** ማሰቶ ዋኣዖ ጌይንጎቲ፡- ማሰቲሢ ሌሊ ማሰቶያቱዋንጎቲ ያኦሲሞ ሚቺ ዓንጋጌ ሹኮ ቆልሞኮ ዓሽኮዋ ማሰኮያኬ። **7:38** ኬሲ. ማፃ 30:17-21።

40 ሁራሜ ሺልዔንታ ታሞ ካአሾ ባኮንታ ዓንጎ ሳአኖ ዔቶንታ ኮሺኔ፤ ዩያይዲ ካአቲ ሴሎሞኔም ዒ ማዣኒ ዓርቄ፥ ናንጊና ናንጋ ጎዳኮ ጌኤዡ ማአሮይዳ ማዲንቶ ሜሆ ኮሺ ጋፒሴኔ፤ ዒ ማዳ ባኮይዳፓ ዳኤፒ ዳኤፒ ጌይንታ ባካ ሃካፓ ሊካ ፓይዲንታ ባኮኬ፡-

41 ላምዖ ቱርቱራ፥ ቱርቱሮ ዑፃ ኮሺንቱ ሙሰኩሎ ማላ ባካ፥ ዩያ ሙሰኩሎ ማላ ባኮ ካንቁ ሚዛጲ ሳ ሮኦጮ ሱዞ ማላ ባካ፥

42 ፔቲ ፔቲ ሙሰኩሎ ማላ ባኮ ዑፃ ሮኦጮ ሱዞ ማላሲ ኮሾና ካኖ ቢራታ፥

ፔቲ ፔቲ ሙሰኩሎ ማላ ባኮይዳ ዋሊ ቤኤዚ ያኤታ ያኤታ ሺርሺ ኮሾና ሞኦኖ ዓንጎና ኮሺንቱ ዖይዶ ያኤቶ ሮኦማኦኖ ሚዖ ዓኣፖ ማላ ባካ፥

43 ሺራ ቶካ ዓኣ ሚሆ ጌሆ ታጾ ባካ፥

ዋኣዖ ማሰቶ ታጾ ጋባዳ፥

44 ዋኣዖ ዓርሆያ ጋባዶጉዳ ዳልጎ ዶኦላ፥

ዩያ ዓንጎ ከልቁ ዓርቃ ጌማቶ ማላሲ ማዡና ታጾ ላምዖ ባካ፥

45 ሺልዔ፥ ታሞ ካአሾ ባኮንታ ዓንጎ ሳአኖ ዔቶሲንታኬ፤

ጌኤዡ ማአሮይዳ ማዳ ማዲንታንዳጉዲ ሁራሜ ዩያ ቢያ ሚሆ ሴሎሞኔም ኮሺሢ ሞኦና ዓንጊ ጌኤሺናኬ።

46 ካአቲ፥ ሴሎሞኔ ዩያ ቢያ ኮሺሴሢ ሮርዳናሴ ዶኦጮይዳ ሱኩቴና ፃርታናኮ ባኣካ ዓኣ ዓንጎ ሺኤሾ ቤዛኬ።

47 ሞኦኖ ዓንጎና ኮሺንቱ ዩይ ሚሃ ቢያ ዑሣ ዓኣዳ ዲቢታሢሮ ሴሎሞኔ ዩያ ዓንጎ ዳኤሠሞ ዔሮ ባኮይዳ ጌሢ ዛጊባኣሴ፤ ዩያሮ ዳኤሠሞ ዎማዲታቴያ ዔርቲባኣሴ።

48 ጌኤዡ ማአሮይዳ ማዳ ማዲንታንዳጉዲ ሃካፓ ሊካ ፓይዲንታ ሚሆ ሴሎሞኔ ጌኤሺ ዎርቄና ኮሺሴኔ፤ ዩያታ፡- ያኦሲም ዒንጎ ባኮ ዒንጎ ዎርቆና ኮሾና ቤዛ፥ ናንጊና ናንጋ ጎዳም ሺኤሾ ካሣ ጌሢንታ ዎርቆና ኮሺንቱ ሎኦዡ ዖይታ፥

49 ያኦሲም ዑሣ ዓኣዳ ዲማዳ ኬኤዖኮ ቤርቶ ዛላ ዶንጋሢ ዶኦሎ ዛሊና ዶንጋሢ ሃሣ ኬዶ ዛሊና ጌሢንታ ዎርቄና ኮሺንቱ ታጾ ሻርና፥ ቡና፥ ፖዓ ባኮ ጊዳ ጌሢ ፖዒሶሢ፥ ታሞ ጋውጫ፥

50 ዑዡ ዑሽኮ ዓንጋ፥ ዲቢንዖ ቆንቺ ቆንቺ ጌሆ ባካ፥ ዓንጎ ሳአኖ ዔቶሲ፥ ዑንጅ ጩቢሾ ባኮንታ ያኦሲም ዑሣ ዓኣዳ ዲማዳ ማአሮኮ ካሮንታ ጌኤዡ ማአሮ ካሮንታም ማዓ ጳንጨንታ ዓንጎንታኬ። ዩይ ባካ ቢያ ዎርቄና ኮሺንቱያኬ።

7:48 ኬሲ. ማፃ 25:23-30፤ 30:1-3። 7:49 ኬሲ. ማፃ 25:31-40።

51 ካእቲ፥ ሴሎሞን ጌኤዥ ማኣሮ ማዢ ጋፔስካፓ ዒዛኮ ዓዴ ዳውቲ ናንጊና ናንጋ ጎዳኮ ማኣሮ ማዢፆሞ ዲማሴ ቢሮንታ ዋርቆንታ፤ ዬያጉዲ ሜሌ ሜሌ ሜሆ ቢያ ጌኤዥ ማኣሮኮ ሜሆ ጌሦ ከኤፃ ጌሣኔ።

8

ጫኣቁሞ ሳኣፂኖ ጌኤዥ ማኣሮ ዔኪ ሙኮናሢ
(2ፆኦሲ. ዓሃኬ 5:2—6:2)

1 ዬካፓ ሴሎሞን ናንጊና ናንጋ ጎዳኮ ጫኣቁሞ ሳኣፂኖ ዳውቲ ካታሞ ማዔ፥ ፂዮኔፓ ዔኪ ሙኪ ጌኤዥ ማኣሮ ጌልዛኒ ዒሰራዔኤሌ ፃጰ ፃጰኮ ሱኡጎና ቶኦኮ ቶኦኮኮ ሱኡጎ ቢያ ዒዚ ዓኣ ቤዞ ዬሩሳላሜ ቡካንዳጉዲ ዔኤሌኔ፤

2 ዉልሾ ዴማ ዴዒ ቦንቾ ቦንቻ ቦንቹንታ ዒታኒሜ ጌይንታ ላንካሳ ዓጊኖና ዒሰራዔኤሌ ዓሶኮ ዓቲንቃ ቢያ ሴሎሞን ኮይላ ሙኪ ቡኬኔ።

3 ሱኡጋ ቢያ ሙኪ ቡካዛ፡- ቁኤሳ ጫኣቁሞ ሳኣፂኖ ሳዓፓ ዔኪ ኬዴኔ።

4 ዬያ ዔኪ ጌኤዥ ማኣሮ ዔያታ ጌልዜኔ፤ ዬያጉዲ ሃሃ ሌዋ ዓሶንታ ቁኤሶንታ ናንጊና ናንጋ ጎዳ ዴሮና ካኣማ፥ ዓፒሎና ማዢና ማኣሮይዳ ማዲንቶያ ፆኦሲም ዲማዴ ሜሆ ቢያ ዔኪ ጌኤዥ ማኣሮ ጌልዜኔ።

5 ዒማና ካእቲ፥ ሴሎሞንና ዒሰራዔኤሌ ዴሮ ቢያሢና ጫኣቁሞ ሳኣፂኖ ቤርታ ቡኪ ሚርጉማፓ ዔቁያና ፓይዲንታኒ ዳንዳዑዋ ዲቢ ማራይና ባይና ፆኦሲም ሹኪ ዒንጌኔ።

6 ዬካፓ ቁኤሳ ጫኣቁሞ ሳኣፂኖ ኬዲ ጌኤዥ ማኣሮ ዔኪ ዴንዲ ጌልዛፆ ዑሣ ዓኣዴ ፆኦሲም ዲማዴ ከኤፆይዳ ጌሢንታንዳጉዲ ኮሾና ቤዛ ከሩቤኤሎኮ ጋኣዛ ዴማ ጌሣኔ።

7 ፒሺንቲ ዓኣ፥ ከሩቤኤሎ ጋኣዛ ጫኣቁሞ ሳኣፂኖና ዬያ ከዶና ዛጳሢ ሚፆ ጴዲዋጉዲ ዓኣቻኔ።

8 ዛጳሢ ሚፆ ፆደሲታሢሮ ከዶና ደኦሎ ዛሎናይዳ ዓኣ ሚፆኮ ጊንፃ ጊንፃ ጌኤዥ ማኣሮኮ ጋራ፥ ፆኦሲም ዑሣ ዓኣዴ ዲማዴ ቤዞኮ ቤርቶ ዛላ ዔቁ ዓሲም ቢያ ፔጋዲ ጴዳኔ፤ ሜሌ ዛላና ዔቁ ዓሲም ጋዓንቲ ጴዲዋሴ፤ ዬይ ዛጳሢ ሚፆ ሃኖ ሃላኒ ዒኢካ ዓኣኔ፤

7:51 2ሳሙ. 8:11፤ 1ፆኦሲ. ዓሃኬ 18:11። 8:1 2ሳሙ. 6:12-16፤ 1ፆኦሲ. ዓሃኬ 15:25-29። 8:2 ሌዊ. ዓኬ 23:24።

9 ዲሰራዔኤሌ ደራ ጊብጃፓ ኬሰካኣና ሃሣ ናንጊና ናንጋ ጎዳኣ ዔያቶና ዎላ ጫኣቁሞ ጫኣቃኣና ሙሴ ሲና ዲኮይዳ ጫኣቁሞ ሳኣዲኖ ጋራ ጌሣ፤ ዎጎ ፃኣፖና ላምዎ ዓርሲንቴ ሹጮንሢፓ ዓታዛ ሳኣዲኖ ጋራ ዓኣ ባኣዚ ባኣሴ።

10 ቄኤሳ ጌኤዡ ማኣራፓ ከኬሰካማና ጌኤዡ ማኣሮ ዔርቲባኣንቴ ሻኣሬ ሙኪ ኩሜኔ፤

11 ዬያ ሻኣሮ ባኣካ ዓኣ ናንጊና ናንጋ ጎዳኮ ቦንቾ ፖዓ ጋሮ ኩሜሢሮ ቄኤሳ ጋሮ ጊንሣ ጌሊ ማዶዎ ማዳኒ ዳንዳዒባኣሴ።

12 ሴሎሞኔ ዒማና፡- «ናንጊና ናንጋ ጎዳሢዮ!

ኔኤኒ ሻኣሮኮ ዲሞይዳ ታ ናንጋኔ ጌዔኔ፤

13 ሃይሾ ሃሢ ታ ኔኤሞ፡

ኔኤኒ ናንጊና ናንጋንዳ ዴኤፒ ማኣሪ ማዡኔ

ሂዚ ጌይ ሺኢቄ። »

ሴሎሞኔ ዴርሞ ኬኤዜ ባኮ
(2ዖኦሲ. ዓሃኬ 6:3-11)

14 ደራ ዒኢካ ዔቁ ዓኣንቴ ካኣቲ፡ ሴሎሞኔ ዔያቶ ባንሢ ሺራዎ ዖኦሲ ዔያቶ ዓንጃንዳጉዲ ሂዚ ጌዒ ሺኢቄ፡-

15 «ናንጊና ናንጋ ጎዳ ማዔ ዲሰራዔኤሌ ዖኦዛሢ ጋላቲንቶም! ዒዚ ታ ዓዶ ዳውቴም ጫኣቁ ጫኣቁሞ ዶዲ ካፒ ኩንሣኔ፤ ዬይ ጫኣቁማ፡-

16 ታኣኮ ዴሮ ጊብጃፓ ታኣኒ ከሴማፓ ዓርቃዎ ታኣኒ ካኣሽኪንታንዳ ጌኤሺ ማኣሪ ማዡንታንዳያ ዲሰራዔኤሌ ዓጮ ጉቤይዳ ዓይጎ ካታማኣ ታ ዶኦሪባኣሴ፤ ጋዓንቴ ታ ዴሮ ዲሰራዔኤሌኮ ካኣቲ ማዓንዳጉዲ ዳውቴ ታኣኒ ዶኦሬኔ » ጋዓያኬ።

17 ሃሣ ሴሎሞኔ ሺኢቃዎ፡- «ታ ዓዴ፡ ዳውቴ ናንጊና ናንጋ ጎዳ ማዔ ዲሰራዔኤሌ ዖኦዛሢም ጌኤሺ ማኣሪ ማዡኒ ማሌኔ፤

18 ጋዓንቴ ናንጊና ናንጋ ጎዳ ዒዛም፡- ታኣኒ ካኣሽኪንታንዳ ማኣሪ ማዡኒ ኔኤኮ ማሊዖ ቃራኬ።

19 ዬያ ማኣሮ ማዡንዳሢ ኔ ናዖኬ ኔናቱዋሴ፤ ኔ ሾዓንዳ ናዓሢ ታኣኮ ጌኤዡ ማኣሮ ማዡንዳኔ ጌዔኔ።

8:9 ላሚ. ዎማ 10:5። **8:11** ኬሲ. ማፃ 40:34-35። **8:12** ዓይኑ. 18:11፤ 97:2። **8:16** 2ፋሙ. 7:4-11፤ 1ዖኦሲ. ዓሃኬ 17:3-10። **8:18** 2ፋሙ. 7:1-3፤ 1ዖኦሲ. ዓሃኬ 17:1-2። **8:19** 2ፋሙ. 7:12-13፤ 1ዖኦሲ. ዓሃኬ 17:11-12።

20 «ሃይሾ ናንጊና ናንጋ ጎዳ ዒንጌ፥ ሃጊ ማዓንዳ ዎዞ ቃኣሎ ካፒ ኩንሣይ፤ ዩያር ታኣኒ ታ ዓዶ ቤዛ ጌሊ ዒሰራዔኤሌኮ ካኣቲ ማዔይ፤ ናንጊና ናንጋ ጎዳ ማዔ ዒሰራዔኤሌ ጾኦሲም ጌኤሺ ማኣሪ ታኣኒ ማገኘኔ፤

21 ናንጊና ናንጋ ጎዳ ጊብፄ ዓጫፓ ዔያቶ ኬሴ ዎዶና ኦኦኮ ቤርታኣ ዓዶንሢና ጫኣቁ ዎጋ ጻኣፒንቴ ዓርሲንቴ ሹጫ ዓኣ፥ ሳኣዲኖ ጌሦንዶ ቤሲ ጌኤዦ ማኣሪዔዳ ታ ኮሼኔ» ጌዔኔ።

ሴሎሞን ጾኦሲ ሺኢቁ ሺኢጲያ
(2ጾኦሲ. ዓሃኬ 6:12-42)

22 ዬካፓ ሴሎሞን ዳር ቤርታ፤ ጊንሣ ሃሣ ናንጊና ናንጋ ጎዳም ዒንጎ ባኮ ዒንጎ ቤዘኮዎ ቤርታ ዔቁ፥ ኩጮ ሌካ ጫሪንጮ ባንሣ ዔቁሳዎ፡-

23 ሂዚ ጌዔኔ፤ «ናንጊና ናንጋ ጎዳ ማዔ ዒሰራዔኤሌ ጾኦዛሢዮ! ሌካ ጫሪንጮዔዳ ዳማ ሳዎይዳ ኔጉዳ ጾኦሲ ፔቴታዎ ባኣሴ! ኔኤኮ ዳራ ጎኔ ዒናፓ ኔኤም ዓይሢንቴ ዎዶና ኔ ዔያቶና ዎላ ጫኣቁ ጫኣቁዎ ዶዲሺ ካፓኔ፤ ኔኤኮ ናሹሞዎ ፔጋሲ ኔኤኒ ዔያቶም ዳዎኔ።

24 ታ ዓዶ፥ ዳውቴም ኔኤኒ ዒንጌ ሃጊ ማዓንዳ ዎዞ ዶዲሺ ኔ ካፔ፤ ዩይ ኔ ኬኤዜ ባካ ቢያ ሃኖ ማዲንቴ ኩሜኔ፤

25 ሃሢያ ናንጊና ናንጋ ጎዳ ማዔ ዒሰራዔኤሌ ጾኦዛሢዮ! ታ ዓዶ፥ ዳውቴም፡- ኔ ማዲ ጎይዎ ኔ ናኣታ ዓይሢንታዎ ማዔቴ ታ ቤርቶይዳ ፒዙሞና ሃንቴቴ ቢያ ዎዳ ኔ ዜርፃፓ ዒሰራዔኤሌይዳ ካኣታዲንዳ ናይ ታ ባይዛዓኬ» ጌዒ ኬኤዜ ቃኣሎ ማዲ ኩንሣ፤

26 ናንጊና ናንጋ ጎዳ ማዔ ዒሰራዔኤሌ ጾኦዛሢዮ! ታ ዓዶ ዳውቴም ኔ ዒንጌ ሃጊ ማዓንዳ ዎዞ ቃኣሎ ቢያ ማዲ ኩንሣ።

27 «ጾኦሲዮ! ሳዓ ኔኤኒ ናንጋንዳጉዲ ኔኤም ጊዳንዳ ቤሲዳ? ጫሪንጮንታ ጫሪንጮኮ ዑፃ ዓኣ ጫሪንጫ ኔኤም ናንጊኮ ጊዳዎያኬ፤ ታኣኒ ማገኛ ሃኖ ጌኤዦ ማኣራሎንሣ ሙዳ ዎማዲ ዳካንዳይ?

28 ናንጊና ናንጋ ጎዳ ማዔ ታ ጾኦዛሢዮ! ኔ ዓይላሢኮ ሺኢጲያ ዛጌ፤ ሃኖ ኔ ዓይላሢ ኔ ቤርታ ሺኢቃ ሺኢጲያና ኔና ዔኤላ ዔኤሊዮ ዎይዜ።

29 ኔ ካኣሽኪንታኒ ዶኦሬ፥ ሃያ ጌኤዦ ማኣሪ ሮኦርና ዎንቶና ጉቤ ዛጌ፤ ታኣኒ ታ ዓኣፖ ካር ሃያ ጌኤዦ ማኣሪ ባንሣ ሺርሺ ሺኢቃ ሺኢጲያ ታኣሲ ዎይዜ።

30 ኩኤኒ ኑ ዓአፖ ካሮ ሃያ ጌኤዡ ማአሮ ባንሢ ሺርሺ ሺኢቃ ዎድታአና ኔ ዳርናኮ ሺኢጲያ ዎይዜ፤ ኔ ናንጋ ቤዞ፤ ጫሪንጫ ዓአያ ዎይዜ፤ ዓቶንጎ ኑም ጌዔ።

31 «ፔቲ ዓሲ ፔ ለጋሢም ፑርታ ባአዚ ማዳም ዎጌና ዓርቂንቲ ሃያ ጌኤዡ ማአሮ ጋራ ዓአ ጾኑሲም ዒንጎ ባኮ ዒንጎ ቤዞ ሺኢኪ ደቢንቲባአያ ፒዜ ማዒያ ጫአቄ ዎድና።

32 ጫሪንጫ ዓአያ ዎይዜ፤ ኔ ዓይሎም ኔኤኒ ዎጌ፤ ዬይያ፡- ፑርቶ ማዳሢ ፑርቶ ማዳ ጎይያና ኮይሳ ባኮ ዔካንዳጉዲ ፒዜሢያ ፒዜ ማሂ ኔኤኒ ጌኤሹ።

33 «ኔኤኮ ዳራ፡ ዒሰራዔኤሌ ደቢንቲ ኔና ያዩሴሢሮ ዔያቶኮ ሞርካ ዔያቶ ያሊ ባሹ ዎድና ዔያታ ፔኤኮ ደቢንቶ ዔሪ ሃያ ጌኤዡ ማአሮ ሙኪ ኔጊዳፓ ማአሪሢ ዔካኒ ፔና ሂርኪዲ ሹሌዑሞና ኔና ሺኢቄቲ።

34 ኔኤኒ ጫሪንጫ ዓአያ ሺኢጲያ ዔያቶኮ ዎይዜ፤ ዲዒንቲ ዴንዲ ዓአ ዳርኮ ደቢንቶ ዓቶንጎ ጌዒ ዔያቶኮ ቤርታአ ዓድንሢም ኔ ዒንጌ ዓጮ ዔኪ ዔያቶ ማሃ።

35 «ዳራ ደቢንቲ ኔና ያዩሴሢሮ ዒርዚ ሞርቁዎጉዲ ላአጊ ኔ ዔያቶ ሚታሳ ዎድና ዔያታ ማዳ ደቢንቶ ዔሪ ፔኤኮ ዓአፖ ካሮ ሃያ ጌኤዡ ማአሮ ባንሢ ሺርሺ ሹሌዑሞና ኔና ሺኢቄቲ።

36 ጫሪንጫ ዓአያ ሺኢጲያ ዔያቶኮ ዎይዜ፤ ኔ ዓይሎ ዒሰራዔኤሌ ዳርኮ ጎሞ ዓቶንጎ ጌዔ፤ ፒዜ ባአዚ ዔያታ ማዳንዳጉዲ ዔያቶ ዔርዜ፤ ናንጊና ናንጋ ጎዳሢያ! ዬካፓ ናንጊና ኔ ዔያቶ ዓጪ ማዓንዳጉዲ ኔ ዳርም ኔ ዒንጌ፡ ሃሮ ሳዖይዳ ዒሮ ሞርቁሴ።

37 «ሳዔሎይዳ ሉማንታ ዲማ ዲማ ደርዖንታ ሙካ ዎድና ዬያጉዲ ሃሃ ባቃሌ ሃአኮ ዎዳ ዲማ ዲማ ባአዚንታ ሙዓ ዓቢሢንታ ማኮንታ ኬዳ ዎድና፤ ሃሃ ጊንሣ ሞርካ ዔያቶ ያላ ዎድና፡ ኔ ዳርይዳ ዲማ ዲማ ደርዓ ኬዳ ዎድና።

38 ዔያታ ሺኢቃ ሺኢጲያ ዎይዜ፤ ኔኤኮ ዳራ፡ ዒሰራዔኤሌ ባአካ ዲቃሢ ዔያቶኮ ካራ ባይዚ ያዩሳ ባአዚ ዔያቶ ሄሌም ኩጮ ዔያታ ሃያ ጌኤዡ ማአሮ ባንሢ ቤኤዚ ሺኢቃ ዎድና።

39 ሺኢጲያ ዔያቶኮ ዎይዜ፤ ኔኤኒ ናንጋ፡ ጫሪንጫይዳ ዓአያ ዔያቶኮ ሺኢጲያ ዎይዚ ደቢንቶ ዔያቶም ዓቶንጎ ጌዔ፤ ዔያቶ ማአዳ፤ ዓሲ ዒናይዳ ዓአ ማሊሢ ዴንቄ ዔራሢ ኔና ሌሊኩ፤ ዬያሮ ፔቲ ፔቲ ዓሶ ዔያታ ማዳሢጉዳያ ማሂ ዔያቶም ዒንጌ፤

40 ዬያይዲ ኔኤኮ ዴራ ኑ ዓድገህም ዔያቶ ዓጪ ማሂ ኔ ዒንገ፡ ሳይይዲ ናንጋ ዎድና ቢያ ኔኤም ዓይህንታያ ማዓንዳጉዲ ሃህ ኔና ቦንቻያኣ ማሂ።

41-42 «ሃኩ፡ ማሌ ዓጪዳ ናንጋ ዓሲ ኔኤኮ ዴኤፑሞና ኔ ዴሮም ኔኤኒ ማዴ ዲቃህ ዓኮ ባኮ ቢያ ዎይዚ ሃያ ጌኤዢ ማኣሮይዳ ኔና ካኣሽካኒና ሺኢቃኒ ሙኩቱ፡

43 ዒዛኮ ሺኢጲያ ዎይዜ፤ ኔኤኮ ዴራ፡ ዒሰሪዔኤሌ ማዴ ጎይያ ዓጮ ቢያይዳ ናንጋ ዴራ ኔና ዔሪ ኔኤም ዓይህንታንዳጉዲና ቦንቻንዳጉዲ ማሂ፤ ኔኤኒ ናንጋ፡ ጫሪገጮይዳ ዓኣያ ዬያ ዓህኮ ሺኢጲያ ዎይዜ፤ ኔ ማዳንዳጉዲ ሺኢቃ ባኮ ቢያ ዒዛም ኩንህ፤ ያዲ ማዓዛ ሃይ፡ ታኣኒ ማዜ ጌኤዢ ማኣራ ኔኤኒ ካኣሽኪንታ ማኣሪታሂ ዬይ ዓሳ ዔራንዳኔ።

44 «ፔኤኮ ዔያታ ሞርኮ ያላንዳጉዲ ኔኤኮ ዴሮ ኔ ኩሳ ዎድና ዓንኮ ቤሰካኣ ዓኣያ ሃያ ኔኤኒ ዶኦሬ ካታሞና ታኣኒ ኔኤም ማዜ ጌኤዢ ማኣሮ ባንሂ ዓኣፖ ካሮ ሺርሺ ሺኢቁቱ፡

45 ጫሪገጫ ዓኣያ ሺኢጲያ ዔያቶኮ ዎይዚ ያሎና ዔያቶ ባሺሴ።

46 «ዳቢንቱዎ ዓሲ ባኣሂሮ ኔኤኮ ዴራ ጎሜ ማዲ ኔና ያዩሴያ ማዔም ኔኤኒ ዳጋዲ ሞርካ ዔያቶ ባሻንዳጉዲ፡ ሃህ ማሌ ዓጪ ዲዒ ዔያቶ ዔኪ ዓኣዳንዳጉዲ ማሂ ዎድና ዬና ዓጫ ዎዚ ሃኬ ማዔቲያ፡

47 ዲዒንቲ ዴንዲ ዔያታ ናንጋ ዬኖ ዓጩሎይዳ ዓኣያ ጎሜ ኑ ማዴኔ፤ ዳቤኔ፤ ዎይዚያ ኑ ዒፄኔ። ጌዒ ቡኡዲ ዳቢንቶ ፔኤሲ ዔሪያ ማዔቲ፡

48 ዔያቶ ዲዒ ዔኪ ዴንድና ሞርኮ ዓጫ ዓኣያ ጉቤ ዒናፓ ጎኑሞና ሃህ ፒዙሞና፡- ኩ ዳቤኔ። ጌይ ቡኡዲ ኔኤኒ ኩኡኮ ቤርታኣ ዓድገህም ዒንገ፡ ሃኖ ዓጮንታ ኔኤኒ ዶኦሬ ሃኖ ካታሞንታ ታኣኒያ ኔኤም ማዜ፡ ጌኤዢ ማኣሮ ባንሂ ዓኣፖ ካሮ ሺርሺ ዔያታ ሺኢቁቱ፡

49 ኔኤኒ ናንጋ፡ ጫሪገጫ ዓኣያ ሺኢጲያ ዔያቶሲ ዎይዚ ዔያቶም ዎጌ፤

50 ዔያቶኮ ጎሞና ኔና ዔያታ ያዩሲ ማዴ ዎይዜ ዒዲያ ዓቶንጎ ጌዔ፤ ዔያቶኮ ሞርካ ዔያቶ ሚጪንታዳጉዲ ማሂ፤

51 ዔያታ ጊልፖ ታሞጉዲ ሚቻ፡ ጊብፄ ዓጫፓ ኔኤኒ ኩሴ፡ ኔ ዴሮኬ።

52 «ዔያታ ኔና ዔኤላ ዎድና ቢያ ኔ ዔያቶም ዎይዛንዳጉዲ ኔ ዓይላሂና ኔ ዴሮና ሺኢቃ ሺኢጲያ ኔ ዓኣፓ ዛጋያ ማዖንጎ።

53 ናንጊና ናንጋ ጎዳ ማዕ ያኦዛሢ! ኩኩ ቤርታኦ ዓድንሢ ጊብፃ ዓጫፓ ኔ ኬሴ ዋዶና ዓጮ ዴሮ ቢያሢፓ ዲሰራዔኤሌ ኔ ዴራ ማሢ ኔ ዶኦሬያ ማዕሢ ኔ ዓይላሢ ሙሴ ዛሎና ኔ ኬኤዜኔ።»

ሺኢጲያኮ ጋፒንፃ ሴሎሞኔ ጌዔ ባኮ

54 ሴሎሞኔ ሺኢቂጋፔሰካፓ ኩጮ ሌካ ዔቂሲ ዓኦ ጎይሣ ዓኦፖ ናንጊና ናንጋ ጎዳም ዒንጎ ባኮ ዒንጎ ቤዘኮ ቤርታ ጉምዓቲ ዓኦሰካፓ ዔቂኔ።

55 ዒማና ዒዚ ዑኡዞ ጴጊዲ ዒኢካ ቡኪንቲ ዓኦ ዴሮ ቢያሢም ያኦሲፓ ዓንጅ ሙካንዳጉዲ ሂዚ ጌዒ ሺኢቂኔ፡-

56 «ሃጊ ማዓንዳ ዋዞ ዒንጌ ጎይፆና ፔኤኮ ዴሮም ኮሹሞ ዒንጌ ናንጊና ናንጋ ጎዳሢ ጋላቲንቶም፤ ዒዛኮ ዓይላሢ፣ ሙሴ ዛሎና ዒ ኬኤዜ <ሃጊ ማዓንዳኔ> ጌይንቲ ኮዦ ባካፓ ፔቲታፖ ዓቲ ባኦዚ ባኦሴ።

57 ናንጊና ናንጋ ጎዳ ማዕ ኩ ያኦዛሢ ኩኩ ቤርታኦ ዓድንሢና ዋላ ማዕሢጉዲ ኩኩና ዋላኦ ማፖንጎ፤ ዓይጎ ዋዶናኦ ማፖም ኩና ሃሾፓ፣ ኬኤርፓ፤

58 ኩኩ ቤርታኦ ዓድንሢም ዒዚ ዓይሢ ዓይሢያንታ ዳምቦንታ ዋጎንታ ካፒ ዒዚ ናሽካ ጎይፆ ኩ ናንጋዳጉዲ ዒዛም ዓይሢንታያ ዒ ማፓንጎ።

59 ታና ዒዛኮ ዓይላሢና ዒዛኮ ዴሮ ዒሰራዔኤሌናም ቢያ ኬሊ ኮይሳ ባካ ጊኢጋንዳጉዲ ሃንሢ፣ ታኦኒ ናንጊና ናንጋ ጎዳ ሺኢቂ ባኮንሢ ሮኦሮና ዋኦንቶና ቢያ ናንጊና ናንጋ ጎዳ ማዕ ያኦዛሢ ቤርቶ ሺኢካያ ማፖንጎ።

60 ያዲ ማዓዛ ዓጮ ዴራ ቢያ ናንጊና ናንጋ ጎዳ ሌሊ ያኦሲ ማዕሢና ዒዛይዳፓ ዓቲም ሜሌ ያኦሲባኦሢ ዔራንዳኔ፤

61 ዒንሢ ዒዛ ዴሮ ማዕ ዓሳ ሃሢ ዒንሢ ማዳ ጎይፆ ዒዛኮ ዋጎና ዓይሢያና ካፒ ናንጊና ናንጋ ጎዳ ማዕ ኩ ያኦዛሢም ጉሙርቂንታያ ማዑዋቲ።»

**ጌኤዦ ማኦራ ማዳ ዓርቃኒ ኩንሢንቲ ዳምቦ
(2ያኦሲ. ዓሃኬ 7:4-10)**

62 ዩካፓ ካኦቲ፣ ሴሎሞኔ ዒዛና ዋላ ዓኦ ዴሮና ቢያ ናንጊና ናንጋ ጎዳም ዒንጎ ቆልሞ ሹኪ ሺኢሼኔ፤

63 ሴሎሞኔ ዒማና ላማታሚ ላምፖ ሺያ ባይና ፔቲ ያኤታና ላማታሚ ሺያ ማራይ ፔቲሞና ዒንጎ ዒንጊሢ ማሢ ሺኢሼኔ፤ ዩያይዲ

8:56 ላሚ. ዋማ 12:10፤ ዒያ. 21:44-45።

ካእቲ ሴሎሞንና ዲሰራዔኤሌ ዳሮ ቢያሢና ጌኤዡ ማእሮ ናንጊና ናንጋ ጎዳም ዲማዴያ ማሄኔ።

64 ዬያጉዲ ሃሣ ዬኖ ከሎ ጌኤዡ ማእሮኩ ቤርቶ ዛላ ዓሳ ቡካ ቤዘኮ ሳዛ ዓኣ ቤዘ ናንጊና ናንጋ ጎዳም ዲማዴያ ዲዚ ማሄኔ፤ ሄሊሳፆ ሃሣ ጉቤ ሚቹ ዲንጊፆንታ ሃኣኮ ዲንጊፆንታ ፔቱሞና ዲንጎ ዲንጊፆንታ ቆልሞኮሞ ማሎ ጉቤ ናንጊና ናንጋ ጎዳም ሺኢሺ ዲንጌኔ፤ ዬያ ዲዚ ማዴሢ፡- ሞኦኖ ዓንጎና ኮሸና ፆኦሲም ዲንጎ ባኮ ዲንጎ ቤዘይዳ ዬይ ቢያ ሚቹንታኒና ዲንጊፆንታንዳጉዲ ዲንዳዑሞኣሢሮኩ።

65 ዲኢካ ጌኤዡ ማእሮይዳ ሴሎሞንና ዲሰራዔኤሌ ዳሮ ቢያሢና ለንካይ ከሊ ጉቤ ዉልሾ ዳማ ዳዲ ቦንቾ ከሎ ቦንቹ ዳዔኔ፤ ከዶ ዛሎና ሃማቲ ባንሢ ዳንዳ ጎይፆፓ ዓርቃፆ ዳንዲ ደኦሎ ዛሎ ጊብፆ ዓጮ ዛጶ ሄለንዳኣና ዓኣ ዓጮፓ ሙኩ ዳሮኮ ሚርጉማ ሃማዴኬ ጌይንቱሞኾ።

66 ሳላሳ ከሎና ዓሳ ፔ ቤዘ ቤዘ ዳንዳንዳጉዲ ዳሮ ቢያ ሴሎሞን ዳኬኔ፤ ዲማና ዳራ ቢያ ዲዛ ዓንጃኔ፤ ሃሣ ናንጊና ናንጋ ጎዳ ፔ ዓይላሢ ዳውቴና ዲዛ ዳሮ ዲሰራዔኤሌ ዓሰናም ማዴ ኮዡ ባኮና ቢያ ሞዛዲ ሞዛዲ ፔ ማኣሪ ማኣሪ ዓሳ ዳንዳኔ።

9

ናንጊና ናንጋ ጎዳ ሴሎሞንም ላሚ ጴዴሢ (2ፆኦሲ. ዓሃኬ 7:11-22)

1 ካእቲ፡ ሴሎሞን ጌኤዡ ማእሮንታ ዲዛኮ ካእቱሞ ማእሮንታ፤ ዬያጉዲ ዲ ማዳኒ ማሌ ባኮ ቢያ ማዲ ጋፒሴሰካፓ፡

2 ናንጊና ናንጋ ጎዳ ቤርታ ዲዛም ጌባፆኦይዳ ጴዴ ጎይፆ ሃሣ ላሚ ጴዴኔ።

3 ዲማና ናንጊና ናንጋ ጎዳ ዲዛም፡- «ኔ ታና ሺኢቄ ባኮና ፆኦጮፍ ባኮ ታኣኒ ሞይዜኔ፤ ታኣኒ ናንጊና ዲኢካ ካኣሽኪንታንዳጉዲ ኔኤኒ ማጤ፡ ጌኤዡ ማእሮ ታኣም ታኣኒ ዲማሴኔ፤ ቢያ ሞዴ ዬያ ማእሮ ዛጊ ታኣኒ ካፓንዳኔ።

4 ጋዓንቲ ኔኤኒ ኔ ዓዴ፡ ዳውቴ ማዴ ጎይፆ ፒዙሞና ጉሙርቁንቲሢና ታኣም ማዴቲ፡ ታኣኮ ሞጎና ዳሞቦና ኔኤኒ ካፔቲ፤ ሃሣ ታኣኒ ኔና ዓይሢ ባኮሞ ቢያ ኔኤኒ ማዲ ኩንሣቲ፡

9:2 1ካእቶ. ማ 3:5፤ 2ፆኦሲ. ዓሃኬ 1:7።

5 ኔ ዓድ ዳውቱም ታኣኒ <ኔ ዜርፃፓ ዒሰራዔኤሌሌዳ ካኣታዳንዳ ናይ ታኣኒ ባይዛባኩ> ገዒ ዒንገ ሃጊ ማዓንዳ ዎዞ ቃኣሎ ካፒ፡ ዒሰራዔኤሌሌዳ ኔኤኮ ካኣቱማ ዶዲ ናንጋንዳጉዲ ታ ማሃንዳኔ።

6 ጋዓንቴ ኔናኣ ማፃም ኔኤኮ ዜርፃ ታ ዓይሢፃንታ ዳምቦንታ ካፖ ዒዲ ማሌ ፆኦሲ ካኣሸኩቴ፡

7 ታኣኮ ዳር ዒሰራዔኤሌ ታኣኒ ዔያቶም ዒንገ ዓጫፓ ዳውሲ ባይዛንዳኔ፤ ታና ዔያታ ካኣሸካንዳጉዲ ታኣም ታኣኒ ዳማሴ ገኤዦ ማኣር ታ ሃሻንዳኔ፤ ዩያር ዓጮ ቢያይዳ ናንጋ ዳራ ቢያ ዒሰራዔኤሌ ዓሶ ሃይሶ ኬኤዚ ኬኤዚ ማኢጪ ዓማላንዳኔ።

8 ዳኤፒ ማዒ ዳዴ ገኤዦ ማኣራ ሻሂንቴ፡ ሻሆናሢ ኩሎና ቤሲ ማዓንዳኔ፤ ዩይና ዓኣዳ ዓሳ ቢያ ዩያ ዳንቃፃ፡ <ናንገና ናንጋ ጎዳ ሃያ ዓጮና ሃያ ገኤዦ ማኣርና ዓይጎሮ ሃያይዳይ> ጋዓንዳኔ።

9 ዩያ ገዒጋፓ ገንሣ፡- <ዒሰራዔኤሌ ዳራ ዔያቶኮ ቤርታኣ ዓድንሢ ጊብፃ ዓጫፓ ዔኪ ኬሴ፡ ናንገና ናንጋ ጎዳ ማዔ ዔያቶኮ ፆኣዛሢ ሃሽሢሮኬ፤ ዩያ ሌሊቱዋንቴ ናንገና ናንጋ ጎዳም ዔያታ ጉሙርቁንታያ ማዒ ናንጋ ናንጎ ሃሺ ማሌ ፆኦዞ ዚገ ካኣሸኩኔ፤ ናንገና ናንጋ ጎዳ ሃያ ባይሲንቶ ዔያቶይዳ ዔኪ ሙኩሢ ዩያርኬ፡ ጋዓንዳኔ» ገዒኔ።

**ሴሎሞን ኪራሜም ዒንገ ባኮ
(2ፆኦሲ. ዓሃኬ 8:1-2)**

10 ሴሎሞን ገኤዦ ማኣርና ዒዛኮ ካኣቱም ማኣርና ላማታሚ ሌዔናኬ ማዢ ጋፒሴሢ፤

11 ፃሮሴ ካኣቱ፡ ኪራሜ ዩያ ቢያ ዒ ማዢ ማኣርኮ ሴሎሞንም ኮይሳ ሊባኖኦሴ ሚፆንታ ዚቢቆንታ ሃሣ ማርጌ ዎርቁያ ዒንገኔ፤ ዩይ ማዳ ቢያ ጋፒሰካፓ ሴሎሞን ገሌላ ዓጮይዳ ዓኣ ላማታሚ ዳካ ዳካ ካታማሰኬንሢ ኪራሜም ዒንገኔ፤

12 ኪራሜ ዒማና ዳንዲ ካታሞንሢ ዛገኔ፤ ጋዓንቴ ዒዛ ዩይ ዎዛሲባኣሴ፤

13 ዩያር ዒዚ ሴሎሞን ኮራ፡- «ታ ዒሻሦ! ኔ ታኣም ዒንገ ካታማ ዩይ ዓይጎ ካታማዳይ?» ገዒኔ፤ ሃኖ ሄላኒ ዩና ቤዛ «ካቡሌ»* ገይጎንታ፤

14 ኪራሜ ሴሎሞንም ቤርታ ዳኬ ዎርቃ ያይዶ ሺያ ኪሎ ጊራኣሜ ማዓያኩ።

9:5 1ካእቶ. ማ 2:4። 9:8 2ካእቶ. ማ 25:9፤ 2ፆኦሲ. ዓሃኬ 36:19። * 9:13 ካቡሌ ገይፃ፡- ዔብሪ ዓሶ ሙኡቕና «ፓሡዋ ባኣዚ» ገይሢኩ።

ሴሎሞን ማዳ ዲማ ዲማ ማዳ
(2ፆኦሲ. ዓሃኬ 8:3-18)

15 ጌኤዠ ማኣሮንታ ዒዛኮ ካኣቱሞ ማኣሮንታ ዩሩሳላሚ ካታሞኮ ዙሎ ኬኤሎ ዲፆ ማዢ ዓሲንታ ካታሚሎኮ ዓባ ኬሰካ ባንፃ ዓኣ ሚሎ ጌይንታ ደኦጫዳ ቤዛ ሲንሢ ኮሼያ፡ ሞልቄና ዓይሢ ማዳ ማዲሽ ዓሲ ሴሎሞንኮ ዓኣኔ፤ ዬያ ዓሶና ሃሣ ዒዚ ሃፆሬንታ ሚጌዶኔንታ ጌዜሬ ጌይንታ ካታማኣ ማዢሴኔ።

16 ዬያኮ ቤርታ ጌዜሬ ካታሞይዳ ጊብፃ ካኣቲ ዖልዚ ቡሊ ዒኢካ ናንጋ ካኣና ናሶ ሞዲ፡ ካታሚሎሞ ታሚና ሚቺ ፔ ዓጪ ማሂ ዓኬያኬ፤ ዬካፓ ዒዚ ፔኤኮ ናሞ ሴሎሞንም ዒንጋኣና ጌዜሬ ካታሞ ዒዘም ዒንጌኔ፤

17 ሴሎሞን ጌዜሬ ካታሞንታ ደኦሎ ዛላ ዓኣ ቤትሆሬንታ ጊንሣ ማዢሴኔ፤

18 ሃሣ ባዕላቲንታ ዪሁዳኮ ዓሲ ናንጉሞ ዳውሎይዳ ዓኣ ታሚሬ ጌይንታ ካታሞንሢንታ ላሚ ማዢሴኔ፤

19 ዬያይዲ ዒዚ ዩሩሳላሚይዳ፡ ለባኖኦሴይዳ፤ ሃሣ ዒዛ ዓጪ ማዔ ዲማ ዲማ ዓጮይዳ ዒዚ ማዢ ኮዔ ካታማ፡- ሙዖ ባኣዚ ጌሆያ፡ ፓራሢንታ ሳርጌሎ ዖይቶንታ ጌሢንታያ ማሂ ማዢኔ።

20-21 ሞልቄና ዓይሢንቲ ሴሎሞንም ማዳ ማዳ ዓሳ ዒሰራዔኤሌ ዓሳ ዔያቶ ዓጮ ፔ ዓጪ ማሂ ዔኬ ሞዶና ሞዶሞ ሃሼ ካኣና ናሶ ዜርፆኬ፤ ዬና ዜርፃ ሃኖ ሄላንዳኣና ዓይሌ ማዒ ማዲያ ዓሞራ ዓሶንታ ሂኢታ ዓሶንታ ፔርዜ ዓሶንታ ሂሞዌ ዓሶንታ ዒያቡሳ ዓሶንታኩ።

22 ሴሎሞን ዒሰራዔኤሌ ፃጲፓ ዖናኣ ካራሚ ማሂ ማዲሽባኣሴ፤ ዔያታ፡- ቢታንቶ ዓኣ ዓሲ፡ ፖኦሊሴ፡ ፖኦሊሶኮ ሱኡጌ፡ ዖሎ ዓሶ ዓይሣያ፡ ሳርጌሎ ዖይቶ ዒሻ ዓሶ ቢያሢኮ ሱኡጌ፤ ሃሣ ፓራሢና ዖላ ዓሶ ማዒ ማዳ።

23 ሴሎሞን ማዢ ማኣሮ ማዢንዳጉዲ ዓይሢንቲ ዓሶኮ ሱኡጌ ማዒ ማዲሽንዳጉዲ ደኦሪንቲ ደንጎ ፃኤታና ደንጊታሚ ዓሲ ዓኣኔ።

24 ጊብፃ ካኣቲ ናሞ ማዔ፡ ሴሎሞንኮ ማቻ ዳውቲ ካታማፓ ዒዚ ፔኤር ዒዘም ማዢሴ ካኣቱሞ ማኣሮ ዴንዴሰካፓ ካታሚሎኮ ዓባ ኬሰካ ዛሎይዳ ዓኣ፡ ደኦጫዳ ቤዛ ሲንሢንቲ ጊኢጋንዳጉዲ ሴሎሞን ዓሶ ዓይሢ ማዲሹ።

25 ሴሎሞን ናንጊና ናንጋ ጎዳም ማዢሴ፡ ዒንጎ ባኮ ዒንጎ ቤዘይዳ ሚቺ ዒንጎ ዒንጊፆና ፔቱሞና ዒንጎ ዒንጊፆ ሌዔይዳ ሃይሢ

ማይንቲ ሺኢሻኔ፤ ዬያና ዋላ ናንጊና ናንጋ ጎዳሞ ዑንጃያ ጩቢሻኔ፤ ዬያይዲ ሴሎሞኔ ጌኤዠ ማኣሮ ማዢያ ማዶ ማዲ ጋፒሴኔ።

26 ዬያጉዲ ሃሣ ካአቲ፣ ሴሎሞኔ ዔዶኦሚ ዓጮይዳ ዘቄ ባዞ † ኮይላ ዓኣ ዔላቴ ኮራ ዓኣ ዔደዮንጋብሬይዳ ዋኣሢ ካአሚሌ ኮሺኔ።

27 ካአቲ ኪራሚ ሴሎሞኔ ዓሶና ዋላ ዬናይዳ ማዳንዳ፣ ዋኣሢ ካአሚሌይዳ ማዲ ዔሬ ዓሲ ዳኬኔ፤

28 ዬያታ ዋኣታ ካአሚሎ ቶጊ ያፔሬ ዓጮ ዴንደሰካፓ ማዒ ካአቲ፣ ሴሎሞኔ ኮራ ሙካዖ ታጳ ያይዶ ሺያ ኪሎ ጊራኣሚፓ ዑሣ ማዓ ዋርቄ ዔኪ ዒዛሞ ሙኬኔ።

10

ሳኣባ ዓጮ ካአቲላ ሴሎሞኔ ዛጋኒ ዬሩሳላሚ ሙኬሢ (2ያኦሲ. ዓሃኬ 9:1-12)

1 ሳኣባ ዓጮ ካአቲላ ሴሎሞኔም ናንጊና ናንጋ ጎዳ ዒንጌ፣ ዲቃሢ ሄርሺሳ ዔራቶ ዛሎ ኬኤዚንታ ሃይሶ ቢያ ዋይዜኔ፤ ዬያሮ ዒዛ ሚርጌና ማታሳ ያኦጪሢ ያኦጪ ዒ ዋዚ ጌላ ማሃቴያ ዋይዛኒ ዬሩሳላሚ ሙኬኔ።

2 ዒማና ዒዛ ዒዛኮ ዶንዘ ማዓ ዲቢ ዓሲ ፔኤና ዋላ ዔኪ ጋኣሎና ሳሙቃ ቲሺ ጫኣኒ፤ ሃሣ ሚርጌና ሚዛጳ ሹቲንታ ዋርቄያ ዔኪ ሙኬኔ፤ ሴሎሞኔና ዒዛ ካአማዖ ፔ ዒኖና ያኦጫኒ ማሌ ባኮ ቢያ ያኦጩኔ፤

3 ዒዚያ ዒዛ ያኦጩ ባኮ ቢያ ማሂ ኬኤዜኔ፤ ዒዛም ዒ ቡሊ ኬኤዛኒ ባሺያና ዔርቶ ዒዲ ዓኣሺንቲ ዓቲ ያኦጪሢ ፔቴታዖ ባኣሴ።

4 ሳኣባ ዓጮ ካአቲላ ዔራቶና ሴሎሞኔ ጌሰታ ጌኤዠ ዋይዜኔ፤ ሃሣ ዒዚ ማዢ፣ ዒዛኮ ካአቲሞ ማኣሮዋ ዛጌኔ፤

5 ጊንሣ ሃሣ ሴሎሞኔ ሙዓንዳጉዲ ካሢንቲ ሺኢካ ሙዖና ዒዚ ቢታንቶ ዒንጌ ዓሳ ናንጋ ቤዘና ዒዛኮ ካአቲሞ ማኣራ ማዲ ዓሳ ፔ ማዶ ማዶ ዓርቄ ማዲ ጎይዖና ዬያ ማዶሮ ጋዓዖ ዔያታ ማኣዓ ማኣዓሢና ዓሶም ካሦ ሺኢሺ ሙኡዛ ዓሶንታ ጌኤዠ ማኣሮይዳ ያኦሲም ዒንጎ ባኮዋ ቢያ ዛጌኔ፤ ዬያ ዒዛ ዛጋኣና ዒዛ ዋንዴ ማሌሢፓ ዑሣ ዓኣዳ ዲቃሢ ዒዛ ሄርሺሴኔ።

6 ዬካፓ ዒዛ ካአቲ፣ ሴሎሞኔ ኮራ፡- «ኔ ማዴ ባኮና ኔ ዔራቶኮ ዴኤፑሞ ታ ዓጫ ዓኣዖ ታኣኒ ዋይዜሢ ቢያ ጎኔኬ!

9:25 ኬሲ. ማፃ 23:17፤ 34:23፤ ላሚ. ዋማ 16:16። † 9:26 ዘቄ ባዞ ጋዓዛ፡- ዘቄ ባዞኮ ኬዶ ዛሎና ዓባ ኬሰካ ባንዖ ማዓዛ «ዓቃባ» ጌይንታያ ባዞ ሳዞ ጌሌ ዓጪኬ።

7 ጋዓንቴ ሃይካ ሙኪ ታኣኒ ታ ዓኣፒና ዛጋንዳያ ሄላንዳኣና ዬያ ኬሌዚንቴ ባኮ ጎኔኬ ታ ጌይባኣሴ፤ ዋዮና ታኣኒ ዋይዘህህ ዓኣፖና ታኣኒ ዛጌህኮ ሄካህታዎ ማዒባኣሴ፤ ጎኔ ኔኤኮ ዔራቶና ዖርጎቹሞና ታ ዓጫ ዓኣዎ ታኣኒ ዋይዘሰካፓ ዑሣ ዓኣጳ ባሼኬ።

8 ኔ ቤርቶ ቢያ ዋዴ ሙኪ ሙኪ ኔኤኒ ኔ ዔራቶና ጌሰታ ጌኤዞ ዋይዘ ዓሶና ኔኤኮ ዶንዘና ዋዚ ባሊቲና ዓኣያዳይ!

9 ናንጊና ናንጋ ጎዳ ማዔ ኔኤኮ ያኦዛህ ጋላቲንቶም! ዒዚ ኔና ዶኦሪ ዒሰራዔኤሌኮ ካኣቲ ማህያና ኔኤና ዒ ዋዛጴህ ፔጋሲ ጳዌኔ፤ ሃሣ ዒዚ ዒሰራዔኤሌ ዓሶ ናሽካ ናሹማ ናንጊና ጋቹዎ ማዒህሮ ጂሊሞና ፒዜ ዋጊህና ባይቁዎ ናንጋንዳጉዲ ዒሰራዔኤሌኮ ኔና ዒ ካኣቲ ማህ ዶኦሪ» ጌዔኔ።

10 ዒማና ዒዛ ዒንጋኒ ዔኪ ሙኬ ባኮ ቢያ ካኣቲ፡ ሴሎሞንም ዒንጌኔ፤ ዒዛ ዒንጌ ባካ፡- ያይዶ ሺያ ኪሎፓ ባሻ ዋርቄ፡ ሚርጌ ዲቢ ሳውቃ ቲሺና ሚዛጲ ሹቲናኬ፤ ዒዛ ሴሎሞንም ዒንጌ ሳውቃ ቲዠ ሚርጌማፓ ባሻያ ማዔ ሳውቃ ቲሺ ዬካፓ ጊንፃ ዒዛም ዔኪ ሙኪንቲ ቤቁባኣሴ።

11 ያፔሬ ዓጫፓ ሴሎሞንም ዋርቆ ዔኪ ሙኬ፡ ኪራሚኮ ዋኣዎ ካኣሚላ ዒኣካፓ ዲቢ ዚቢቂና * ሚዛጲ ሹጮና ዔኪ ዬዔኔ።

12 ሴሎሞን ዬያ ዚቢቆ ሚያና ጌኤዠ ማኣርንታ ዒዛኮ ካኣቲሞ ማኣርንታኮ ኮጮ፡ ያኦሲ ቦንቶም ዓይናዳ ናኣቶኮ ጎኦሎንታ ፔቲ ሻሺና ዋርቆ ጎኦሎዎ ኮሼኔ፤ ዬይ ዚቢቆ ሚፃ ዒሰራዔኤሌ ዓጪ ዔኪ ሙኪ ጌልዘና ዚቢቆፓ ቢያ ባሼኬ፤ ዬማፓ ዬያጉዴ ዚቢቂ ፔቲታዎ ጴዲቤቁባኣሴ።

13 ካኣቲ፡ ሴሎሞን ዒንጋ ዒንጊያይዳ ቃሲ ሳኣባ ዓጮ ካኣቲላ ያኦጮ ባኮ ቢያ ዒዚ ዒዛም ዒንጌኔ፤ ዬካፓ ዒዛ ፔ ዓሶና ዎላ ፔ ዓጮ ማዒ ዴንዴኔ።

ካኣቲ ሴሎሞንኮ ቆሎ ሚርጌሞ
(2ዎኦሲ. ዓሃኬ 9:13-29)

14 ካኣቲ፡ ሴሎሞን ሌዓ ሌዓ ላማታሚ ሃይህ ሺያ ኪሎ ማዓ ዋርቄ ዔካኔ፤

15 ዬይ ዋርቃ ኮርሞ ኮርማ ዓሳ ዒዛም ጨጋህንታ ኮርማዎ ዒ ሸይዢ ዴንቃህንታ፤ ዬያጉዲ ሃሣ ዓሪቦ ዓጮ ካኣቶንታ ዒሰራዔኤሌኮ ዴማ ዴማ ፓቆና ዓጮ ዎይህ ዓሳ ጊኢራ ጌዒ ጨጋህንታ ቃሱዎንቲኬ።

10:10 ማቲ. 12:42፤ ሉቃ. 11:31። * 10:11 ዚቢቂ ጋዓዙ፡- ፔቲ ፔቲ ማፃአፓ «ሳንዴሌ ሚህ» ጋዓኔ።

16 ሴሎሞን ላምዎ ጭኦታ ጳኤፒ ጳኤፒ ገቲማ ኮሺሲ ዬያ ገቲሞ ፔቴ ፔቴሢኮ ዑዖ ላንካይ ኪሎ ማዓ ዎርቁና ጳርቁ ኮሺኔ።

17 ዬያጉዲ ሃሃ ሃይሃ ጭኦታ ዳካ ዳካ ገቲማ ኮሺሲ ፔቴ ፔቴ ገቲሞኮ ዑዖ ላምዎ ኪሎ ማዓ ዎርቁና ጳርቁ ኮሺኔ፤ ዬያቶ ቢያ «ለባኖኦሴ ዳኤሎ» ጌይንቴ፣ ዳልጎ ማኣራ ጌህኔ።

18 ሃሃ ዒዚ ዳርሲ ዓቸና ፔቴ ጳኤፒ ካኣታ ዴዓ ያይታ ኮሺ ጌኤሺ ዎርቁና ዑዖ ጳርቁ ሚዛጲሴኔ፤

19 ዬያ ካኣቲሞ ያይታ ኬሰኪ ዴዓኒ ጌዴጉዲያ ላሆ ገዒ ኬሰኮ ባኣዚ ዓኣኔ፤ ዬያ ካኣታ ዴዓ ያይቶኮ ገንዖ ዛሎ ቶካ ጉኡሪ ማሆናኖኬ፤ ያይቶኮ ሚዛቆና ሻውሎ ዛሎናይዳ ኩቺ ጌሃ ባኣዚ ዓኣኔ፤ ኩጮ ጌሃሢኮ ኮይላ ኮይላ ፔቴ ፔቴ ዘቢ ማሊሲ ማኮና ባኣዚ ዔቁ ዓኣኔ።

20 ፔቴ ፔቴ ገዒ ኬሰኮ ባኮኮ ላምዎ ዛሎይዳ ፔቴ ፔቴ ዘቢ ማሊሲ ማኮና ዎሊ ዑዓ ታጳ ላምዎ ዘቢ ዔቁ ዓኣኔ። ካኣቲ ዴዓ ያይታ ዬያጉዴይ ማሌ ዓይጎ ዓጪዳኣ ባኣሴ።

21 ሴሎሞን ዎዶና ቢራ ዓንገ ፓሡዎያ ማዒ ዛገንታሢር ዒዚ ዑዠ ዑሸካ ዓንጋ ቢያ፤ ሃሃ «ለባኖኦሴ ዳኤሎ» ጌይንታ ዳልጎ ማኣርይዳ ዓኣ ሜሃ ቢያ ኮሺንቴሢ ጌኤሺ ዎርቁናኬ፣ ቢራ ዓንገናቲዎሴ፤

22 ኪራሜኮ ዎኣዖ ካኣሚሎና ዎላ ጳኤፖ ዎኣዖ ዑዓ ሃንቲ ቲርሴሴ ዴንዳ ዎኣሢ ካኣሚሌ ሴሎሞንኮ ዓኣኔ፤ ዬያታ ዎኣዖ ካኣሚላ ሃይሃ ለዔይዳ ፔቴና ዴንዲ ዎርቁንታ ቢራ ዓንገንታ ዳርሲ ዓቸንታ ቃኣራንታ ቲኢኪያ ዔኪ ዔኪ ሙካኔ።

23 ካኣቲ፣ ሴሎሞን ሳይዳ ዓኣ ካኣቶፓ ቢያ ባሺ ያርጎቺ ሃሃ ዔራ ዓሲኬ፤

24 ዓጮ ቢያይዳ ዓኣ ዓሳ ቢያ ያኣሲ ዒዛሞ ዒንጌ ዔራቶና ዒ ጌሰታ ጌኤዘ ዎይዛኒ ዒዛ ኮይላ ሙካኒ ኮዓኔ፤

25 ዒዛ ባንሢ ሙካ ዓሳ ቢያ፡- ቢራ ዓንገ፣ ዎርቁ፣ ማኣዓ፣ ያልዚ ዓንጋሞ፣ ሳውቃ ቲሺ ፓርንታ ባቁሎንታ ዒንገኒ ዔኪ ሙካኔ፤ ዬያ ዓሳ ዔኪ ሙካሢ ለዓ ለዓኬ።

26 ሴሎሞን ዒዛኮ ሳርጌሎ ያይቶና ፓራሢና ዔኪ ሙኪ ቡኩሳዛ ፔቴ ሺያና ያይዶ ጭኦታ ያልዚ ያላ ሳርጌላ ያይታና ታጳ ላምዎ ሺያ ፓርና ማዔኔ፤ ዬያቶይዳፓ ዛሎ ዒዚ ዒዛና ዎላ ዬሩሳላሜይዳ ዴዓንዳጉዲ ዛሎ ገንሃ ዴማ ዴማ ካታሞይዳ ፓቁንቲ ዴዓንዳጉዲ ጌህኔ፤

10:26 1 ካእቶ. ማ 4:26።

27 ዒዚ ካኣታዲ ዋይህ ዋደና ሹዋ ቢራ ዩሩሳላሜይዳ ቃንጾጉዲ፤ ሊባኖኦሴ ሚጾኮዋ ሚርጉማ ዪሁዳ ጌሚር ዴማ ቢያ ቤዛ ባቃላ ሻኣቦጉዲ ማዔኔ፤

28 ሴሎሞኔ ፓራህ ጊብፃና ቁዌናይዳፓ ዔኪ ዩይሲሳኔ፤ ዩያ ፓራህ ሚኢሹና ሻንቁ ዒዛም ቁዌፓ ዔኪ ሙካህ ዒዛኮ ኮርሞ ኮርማ ዓሶኬ።

29 ዔያታ ሳርጌሎ ጾቶ ጊብፃ ዓጫፓ ዔኪ ሙኡሳኔ፤ ዔያታ ፔቴ ፔቴ ሳርጌሎ ጾቶኮ ላሆ ጄኤታ ሹቺ ቢራ፥ ፔቴ ፔቴ ፓራህኮ ጄኤታና ዶንጊታሚ ሹቺ ቢራ ጨጊ ሻንቃጾ ዩያ ዔኪ ሂኢታ ዓሶና ሶኦሪያ ዓሶናኮ ካኣቶም ሻንቻኔ።

11

ሴሎሞኔ ጾኦሲም ጌኤታፎ ጌኤቱሞ

1 ሴሎሞኔ ማሌ ዓጪ ዓሲ ማዔያ ሚርጌ ላኣሊ ናሽኬኔ፤ ዩያር ዒዚ ጊብፃ ካኣቲ ናዎይዳ ሂታ ዓሶፓ፥ ሞዓኣቤ ዓሶፓ፥ ዓሞኦኔ ዓሶፓ፥ ዔይኦሚ ዓሶና ሲዶና ዓሶናፓ ሚርጌ ላኣሊ ዔኬኔ።

2 ዩያቶ ሚሌ ዓጮ ላኣሎ ዒዚ ዔኬህሂ ሃህ ዒዚ ዔያቶ ናሽኬህሂ፡- «ዔያቶ ካኣኩ ዒንህሂ ዔያታ ካኣሽኪሳንዳህረ ማሌ ዴርፓ ላኣሊ ዔኪፖቴ» ጌዒ ናንጊና ናንጋ ጎዳ ዒሰራዔኤሌ ዓሶ ላኣጌህሂ ዋይዞ ዒጂኬ።

3 ሴሎሞኔ ካኣቶ ናይ ማዔያ ላንካይ ጄኤታ ላኣሊ፤ ሃህ ጊንፃኣ ማቸንህሂ ማዓያ ሃይሃ ጄኤታ ላኣሊ ዔኬኔ፤ ዩያታ ላኣላ ሴሎሞኔ ጾኦሲፓ ሃኪሴኔ፤

4 ዒዚ ጋርቻዛ ዩያታ ላኣላ ዒዛ ማሌ ጾኦዞ ካኣሽኪሴኔ፤ ዩያር ሴሎሞኔ ዒዛኮ ዓዶ ዳውቴጉዲ ናንጊና ናንጋ ጎዳ ማዔ ዒዛኮ ጾኦዛህም ጉሙርቁንታያ ማዒባኣሴ።

5 ዒዚ ዒማና ሲዶና ዓሶ ጾኦዜሎ ማዔ፥ ዓሰታሮቴንታ ሞሎኬ ጌይንታ ሻኣካያ ማዔ ዓሞኦኔ ዓሶ ጾኦዞ ዚጊ ካኣሽኬኔ።

6 ዩያና ዒዚ ዳቢንቲ ናንጊና ናንጋ ጎዳ ጾዩሴኔ፤ ዒዚ ፔኤኮ ዓዶ፥ ዳውቴጉዲ ፒዙሞና ናንጊና ናንጋ ጎዳ ካኣሽካያ ማዒባኣሴ።

7 ዩሩሳላሜኮ ዓባ ኬሰካ ዛሎይዳ ዱኮ ዑፃ ዓኣ፥ ሻኣካያ ማዔ፥ ኬሞሹ ጌይንታ ሞዓኣቤ ዓሶ ጾኦሲና ሞሎኬ ጌይንታ ዓሞኦኔ ዓሶ ጾኦዞ ዚጊ ካኣሽኮ ቤሲ ዒ ኮሼኔ።

10:28 ላሚ. ዋማ 17:16። 11:1 ላሚ. ዋማ 17:17። 11:2 ኬሲ. ማፃ 34:16፤ ላሚ. ዋማ 7:3-4።

8 ዩያጉዲ ሃሣ ዒዚ ማሌ ዓጫፓ ዔኬ ላኣላ ዔያቶኮ ያኦዞ ማግጃ ጩቢሳንዳ ቤሲያ ገኢጊሼኔ።

9-10 ናንጊና ናንጋ ጎዳ ማዔ ዒሰራዔኤሌ ያኦዞህ ላምዒ ማይንቲ ፔጋዲ ጴዲ ሴሎሞኔ ማሌ ያኦዞ ካእሽኩዋጉዲ ላኣጌያ ማዔቴያ ዒዚ ናንጊና ናንጋ ጎዳም ዓይህንቲባኣሴ፤ ዒዚ ናንጊና ናንጋ ጎዳም ዋይዞ ዒፃህረ ናንጊና ናንጋ ጎዳ ዒዛይዳ ዳጋዴ፤

11 ዩያሮ ናንጊና ናንጋ ጎዳ፡- «ታኣና ዋላ ኔ ጫኣቄ ጫኣቄሞ ዔሬያ ሃሺ ታኣኮ ዓይህያዎ ኔ ኩንህረባኣህረ ኔኤኮ ካኣቱሞ ኔኤፓ ታ ዔኪ ኔኤም ማዳ ዓሶኮ ፔቴያም ታ ዒንጋንዳ።

12 ያዲ ማዔቴያ ኔ ዓደ ዳውቴ ጋይቴ ጌዒ ዩያ ታ ማዳንዳህ ኔ ዋደናቱዋንቴ ኔ ናዓ ካኣታዲ ዓኣንቴኬ፤

13 ሃሣ ኔኤኮ ናኣቶይዳፓ ካኣቱሞ ቢያ ታ ዔካዓኬ፤ ታ ዓይላህ፡ ዳውቴና ታኣሮ ማዓንዳጉዲ ታኣኒ ደኦሬ ዩራሳላሚ ካታሞናሮ ጌዒ ፔቴ ዜርህ ታ ዒዛም ሃሻንዳ።» ጌዔ።

ሴሎሞኔይዳ ሞርኬ ማዒ ዓቄ ዓሶ

14 ናንጊና ናንጋ ጎዳ ዔደኦሚ ካኣቶ ማኣራፓ ማዔያ፡ ሃዳዴ ጌይንታሰኬያ ሴሎሞኔይዳ ሞርኬ ማሂ ዔቁሴኔ፤

15 ዳውቴ ካኣታዲ ዓኣፖ ዔደኦሚ ዓሶ ያለኣና ዳውቴኮ ያሎ ዓሶ ዓይህህ፡ ዒዮዓቤ ሃይቄ ዓሶ ዱኡካኒ ሙካፖ ዔደኦሚ ዓሶኮ ዓቲንቆ ቢያ ዋዲ ኩርሴ፤

16 ዒዮዓቤንታ ዒሰራዔኤሌ ዓሶኮ ሱኡጎንታ ዔደኦሚ ዓሶኮ ዓቲንቆ ኩርሴ ዋዳንዳያ ሂላንዳኣና ላሆ ዓጊኒ ዒኢካ ዴዔ።

17 ሃዳዴና ሴሎሞኔኮ ዓደም ማዳ ማዳ ዳካ ዔደኦሚ ዓሶ ጊብፃ ዓጮ ዓኣሽንቲ ዴንዲ ሃይባፓ ዓቲ፤ ሃዳዴ ዒማና ዳካ ናይኬ፤

18 ዔያታ ሚዲያሚ ዓጫፓ ዔቄ ፓኣራኣኔ ዴንዴ፤ ዒኢካ ዳካ ዓሶ ዔያቶ ባኣኮ ጌሌ፤ ዩካፓ ዔያታ ጊብፃ ዓጮ ዴንዲ ጊብፃ ካኣቲ ቤርቶ ሺኢኬ፤ ሃዳዴም ሳዓና ዒዚ ናንጋንዳ ማኣሪና ሙዓንዳ ባኣዚያ ዒንጋንዳጉዲ ካኣቲ ፔ ዓሶ ዓይህ፤

19 ካኣቲ ዒናፓ ሃዳዴ ናሽኬ፤ ዒዚ ዒዛም ፔኤኮ ማቾ ፀፕኤሶኮ ጌሮ ዒንጌ፤

20 ዒዛ ሃዳዴም ጌኮባቴ ጌይንታ ዓቲንቄ ናይ ሾዔ፤ ጌኤሻ ዩያ ናዓህ ዔኪ ካኣቱሞ ማኣሮይዳ ዲቼ፤ ዩይ ናዓህ ካኣቲኮ ዓቲንቆ ናኣቶና ዋላ ናንጌ።

21 ሃዳዴ ጊብፃይዳ ዓኣፖ ካኣቲ ዳውቴንታ ዳውቴኮ ፖኦሊሶ ዓይህ፡ ዒዮዓቤንታ ሃይቄህ ዋይዚ፡- «ታኣኒ ታ ዓጮ ማዒ ዴንዳንዳጉዲ ታና ዳኬ» ጌይ ካኣቲ ያኦጩ።

22 ካአቲ ዒዛ ኮራ፡- «ዓይጋ ኔ ዳንዳኒ ጋዓይ? ኔ ዓጮ ኔ ዳንዳኒ ኮዔህ ዓይጌ ኔኤም ፓጩምዳይ?» ጌዔኔ።

ሃዳዴ ማሃዖ፡- «ፔቴታፖ ታአም ፓጩ ባአዚ ባአሴ፤ ታአኒ ሾይጎቴ ዓጮ ዓአዳኒ ኮኮዔኔ፤ ታና ዳኩቴራ» ጌዔኔ።

23 ናጎገና ናጎጋ ጎዳ ገንህ ሃህ ሬዞኔ ጌይጎታ ዔለዓዳ ናአዚ ሴሎሞኔይዳ ሞርኬ ማሂ ዔቁሴኔ፤ ሬዞኔ ያባ ዓጮ ካአቲ ማዔ፤ ዓዛ ወይህ፤ ሃዳድዔዜሬ ኮይለፓ ቤተ ዳንዳ፡

24 ካይዚ ጌሌ ዲቢ ሱላኮ ሱኡጌ ማዒ ዓአኔ፤ ዬይ ያዲ ማዔህ ዳውቴ ሃዳድዔዜሬ ያሊ ባሺ ዒዛና ዋላ ማዒ ያላ ሶኦሪያ ዓሶዋ ቢያ ኩርሴህኮ ገንፃፓኬ፤ ሬዞኔ ዒማና ፔ ዓሶ ዔኪ ዳማሰቆይዳ ዳንዳ ዒአካ ናጎጋጎቴ ዓሳ ዒዛ ሶኦሪያ ዓጮይዳ ካአታህኔ፤

25 ሴሎሞኔ ካአታዲ ናጎጌ ዋደና ቢያ ሃዳዴ ያሊ ማታሳህ ዓአጎቴ ሬዞኔ ዒሰራዔኤሌ ዓሶኮ ሞርኬ ማዔኔ፤ ሬዞኔ ሶኦሪያ ፔ ዳማ ማሂ ወይህኔ፤ ዒሰራዔኤሌ ዓሶኮ ሞርኬ ማዒ ዳዔኔ።

ያኦሲ ዒዮርቢዓሜ ካአታህንዳያ ማዒያ ኬኤዜህ

26 ሃህ ሴሎሞኔም ዓይህንቶ ዒዳ ዓሲ ዓአኔ፤ ዬይ ዓህ ዓፕሬኤሜ ዓጮኮ ያሬዳ ጌይጎታ ቤዛ ሾይጎቴያ፤ ናባዳ ናአዚ፤ ዒዮርቢዓሜኬ፤ ሴሎሞኔ ቢታንቶ ዒንጌ ዓሶፓ ዒዚ ፔቴህኬ፤ ዒዛኮ ዒንዳ ዳራዓ ጌይጎታያ ዜኤሪንዶ ማዔሰኩኖኬ።

27 ዒዮርቢዓሜ ሴሎሞኔም ወይዘ ዒዳ ጎይያ ያዲኬ፡- ዒማና ሴሎሞኔ ዬሩሳላሜኮ ዓባ ኬሰካ ባንያና ሚሎ ጌይጎታ፤ ደአጫዳ ቤዘ ሲንህ ኮሺሲ ኮሺሲ፤ ሃህ ዒዛኮ ዓደ፤ ዳውቴ ካታሞ ማዔ ዬሩሳላሜኮ ዙሎ ኬልቂ ዲርቂሲ ዲርቂሲ ዓአኔ።

28 ዒዮርቢዓሜ ማዶ ማዲህኮ ዳኤፕ ዔራቶ ዓአ ዳጌኬ፤ ሴሎሞኔ ዬይ ዳጌህ ቤልፃዲዋ ደዲ ዓሲ ማዔህ ዛጋያ ሚናአሴና ዓፕሬኤሜ ዜርያ ዓጮይዳ ቢያ ዋልቁና ማዲሾ ዓሶኮ ሱኡጌ ማሂ ዒዛ ደኦሬኔ፤

29 ፔቴ ኬሊ ዒዮርቢዓሜ ዬሩሳላሜፓ ፔኤር ዳንዳጎቴ ጎይያይዳ ዓኪ ዓፒላ ማይጎቴ፤ ሴኤሎፓ ሙኬ፤ ያኦሲ ማሊህ ኬኤዛያ፤ ዓኪያ ጌይጎታሰኬይ ካታሞ ዙላ ካአሜኔ፤

30 ዓኪያ ዒማና ማአዒ ዓአ፤ ዓኮ ዓፒሎ ፔ ዑፃፓ ዔኪ ታጳ ላምፖ ቤሲ ቲቃያ፤

31 ዒዮርቢዓሜም፡- «ታጳ ቲቁያንህ ኔኤር ማሂ ዔኬ፤ ዓይጎር ጌዔቴ ናጎገና ናጎጋ ጎዳ ማዔ ዒሰራዔኤሌ ያኦዛህ ሳሴሎሞኔፓ ካአቱሞ ታአኒ ዔኪ ታጳ ዜርያ ኔኤም ዒንጋንዳኔ፤

32 ታ ዓይላሢ፣ ዳውቴና ሃንጎ ዒሰራዔኤሌ ዓጫፓ ታኣሮ ማሃ ታኣኒ ዶኦሬ ዩሩሳላሜ ካታሞናሮ ጌዒ ሴሎሞንም ፔቴ ዜርሢ ታ ሃሻንዳኔ።

33 ዬያ ታ ማዳሢ ሴሎሞን ታኣም ዋይዞ ዒዲ ሜሌ ያኦዞ ማዔ፣ ዓሰታሮቴ ጌይንታ ሲዶና ዓሶ ያኦዜሎ፤ ሃሣ ካሞሼ ጌይንታ ሞዓኣቤ ዓሶ ያኦዞና ሞሎኬ ጌይንታ፣ ዓሞኦኔ ዓሶ ያኦዞ ካኣሽኬሢረኬ፤ ሴሎሞን ታኣም ዓይሢንቲባኣሴ፤ ዒዚ ዒዛኮ ዓዴ፣ ዳውቴ ታኣም ዓይሢንቲ ጎይያ ታኣኮ ዋጎና ዓይሢያና ካፖ ዒዲ ደቢንቲ።

34 ያዲ ማዔቴያ ሴሎሞን፣ ካኣቱሞ ቢያ ታ ዔካዓኬ፤ ሹምፔና ዒ ዓኣንቲ ዒዛኮ ቢታንታ ዓኣያ ታ ማሃንዳኔ፤ ዬያ ታ ማዳንዳሢ ታኣኮ ዋጎና ዓይሢያና ካፔ፣ ታኣኒ ዶኦሬ፣ ታ ዓይላሢ፣ ዳውቴሮ ጌይኬ።

35 ዬያሮ ካኣቱሞ ሴሎሞን ናኣዚፓ ታኣኒ ዔኪ ታጾ ዜርያ ኔኤም ዒንጋንዳኔ፤

36 ያዲ ማዔቴያ ታኣኒ ካኣሽኪንታንዳጉዲ፣ ታኣኒ ዶኦሬ ዩሩሳላሜይዳ ታ ዓይላሢ ዳውቴኮ ፔቴ ዜርሢ ዓኣያ ማዓንዳጉዲ ዒዛኮ ናኣዚም ፔቴ ዜርሢ ታ ዒንጋንዳኔ፤

37 ዒዮርቢዓሜ! ታ ኔና ዒሰራዔኤሌይዳ ካኣታሣንዳኔ፤ ኔኤኒያ ናሽኬ ዓጮኮ ቢያ ሱኡጌ ማዓንዳኔ፤

38 ታኣኮ ዓይላሢ ዳውቴ ማዳ ጎይያ ጉቤ ዒናፓ ኔ ዓይሢንቲ ታኣኮ ዋጎና ዓይሢያና ካፒ ዶዲ ኔ ናንጌቴ፤ ሃሣ ፒዜ ማዔ ማዳ ኔ ማዳቴ ቢያ ዋዴ ታ ኔኤና ዋላ ማዓንዳኔ፤ ዒሰራዔኤሌይዳኣ ታ ኔና ካኣታሣንዳኔ፤ ዳውቴሞ ታ ማዳ ጎይያ ኔ ዜርያ ኔ ቤዛ ታኣኒ ካኣታሣንዳሢ ታ ኔኤም ጋፒ ኬኤዛኔ።

39 ሴሎሞን ማዳ ጎሞሮ ዳውቴ ዜርያ ማቶይዳ ታ ዓጋንዳኔ፤ ጋዓንቲ ታኣኒ ዔያቶ ሜታሴ ጎይሣ ናኣናና ናንጋዓኬ፣ ጋዓኔ» ጌዔ።

40 ዬያሮ ሴሎሞን ዒዮርቢዓሜ ዋዳኒ ሜሌኔ፤ ጋዓንቲ ዒዮርቢዓሜ ገብፄ ካኣቲ ሺሻቄ ኮይላ ቤቲ ዴንዲ ቶሌኔ፤ ሴሎሞን ሃይቃንዳያ ሄላንዳኣና ዒኢካ ዒ ዴዔ።

ሴሎሞንኮ ሃይቦ
(2ያኦሲ. ዓሃኬ 9:29-31)

41 ሴሎሞን ሜሌ ማዳ ባካ ዓይጎዳይ ጌዔቴ፡- ዒዚ ማዳ ባኮ ዛሎና ዒዛኮ ዔራቶ ዛሎ ሃይሳኣ ዒዛ ማፃአፖይዳ ያኣፒንቲ።

42 ሴሎሞን ዩሩሳላሜይዳ ዴዒ ዒሰራዔኤሌ ዓጮ ጉቤይዳ ያይዲታሚ ሌዔ ካኣታዴኔ፤

43 ዩካፓ ሴሎሞን ሃይቁ፣ ፔ ዓዶ ዳውቴ ካታዎይዳ ዲኡቴም
ዒዛኮ ናኣዚ ርቢዓሜ ዒዛ ቤዛ ካኣታጰ።

12

ኬዶ ዛሎይዳ ናንጋ ዒሰራዔኤሌ ዜርጾኮ ጌኤታዲዖ
(2ጾኦሲ. ዓሃኬ 10:1-19)

1 ርቢዓሜ ካኣታህኒ ኮዓ፣ ኬዶ ዛሎይዳ ናንጋ፣ ዒሰራዔኤሌ
ዴራ ሴኬሜይዳ ቡኪንቲ ዒዛ ካፓህረ ርቢዓሜ ዒኢካ ዴንዴ።

2 ካኣቲ፣ ሴሎሞን ፑኒ ጊብፄ ዓጮ ዴንዲ ዒኢካ ዓኣ ናባፄ
ናኣዚ ዒዮርቢዓሜ ዩያ ዋይዚ ማዒ ሙኬን፤

3 ዒማና ዒሰራዔኤሌ ዓጮኮ ኬዶ ዛላ ናንጋ ፃጰ ከኢታ ዳኪ
ዒዛ ዓኤሊሲ ዒዛና ዋላ ርቢዓሜ ኮይላ ሙካዖ፡-

4 «ኔ ዓዴ፣ ሴሎሞን ኑና ሃርቁ ዎይህ ሜታሴን፤ ሃህ ኔኤኒ ዩያ
ኑም ሹሌዒሲ ናንጎ ኑኡኮ ኔ ጊኢጊሹቴ ኔኤም ኑ ዎርቃንዳ።» ጌዔ።

5 ርቢዓሜ ዔያቶም፡- «ሃህ ዴንዲጋፓ ሃይህሳ ኬሎና ማዒ
ሙኩዎቴ» ጋዓዛ፣ ዴራ ዴንዴ።

6 ዩካፓ ርቢዓሜ ዒዛኮ ዓዶ፣ ሴሎሞን ዘራ ዶንዞ ፔቴይዳ
ዔኤሊሲ፡- «ታኣኒ ዴርም ዎዚ ጌይ ኬኤዛንዳቴያ ዒንህ ታኣም
ኬኤዛ ባኣዚ ዓኣ?» ጌይ ዖኦጮ።

7 ዶንዛ ማሃዖ፡- «ኔኤኒ ዴርም ዓይህንቲ ዔያቶም ማዲያ ማዒ፣
ሃህ ዔያታ ዖኦጮ ባኮኮ ጊኢጋ ማሃህ ኔ ማሄቴ ዔያታ ቢያ ዎዴ
ጉሙርቁንቲ ኔኤም ዎርቃያ ማዓንዳ።» ጌዔ።

8 ርቢዓሜ ጋዓንቴ ዶንዛ ዘሬ ዘር ቦሃ ዒዛና ዋላ ዲጮ፣ ዒዛኮ
ላጌ ማዒ ዒዛ ዘራ ዴጌዞንህ ኮይላ ዴንዲ፡-

9 «ታ ዎዳንዳቴያ ዒንህ ታኣም ኬኤዛ ባኣዚ ዓኣ? ዎይህዖ
ሹሌዒሲ ዎይህንዳጉዲ ታና ዖኦጮ ዴርም ታ ዎዚ ጌዒ
ማሆንዶይ?» ጌይ ዖኦጮ።

10 ዔያታ ማሃዖ፡- «ዔያቶም ታኣኮ ኬኤሎ ናዖማ ታ ዓዶኮ
ኬርናፓ ባሹ ዓንዲርቃያ ማዓንዳ፤!

11 ታ ዓዴ ዒንህ ሃርቁ ሜታሴ ዎይህን፤ ታኣኒ ሃህ ዩያይዳፓ
ባሹ ዒንህ ሃርቁ ዎይህንዳ፤ ታ ዓዴ ዒንህ ዠራፓና ጳርቁ፤ ታኣኒ
ጋዓንቴ ዒንህ ጉማራና ጳርቁ ሜታሳንዳ፤!» ጌዔ» ጌኤ።

12 ዩካፓ «ሃይህሳ ኬሎና ዒዮርቢዓሜንታ ዴርንታ ቢያ ርቢዓሜ
ሙኩዎቴ» ጌዔ ኬሎና ማዒ ሙኬን፤

13 ዒማና ካኣቲ፣ ርቢዓሜ ዶንዛ ዒዛ ዘሬ ዘር ሃሺ ዴርም ፑርታ
ሃይሴ ጌሰቲህሂ ዓርቁ፤

14 ዒዛኮ ላጋ ዒዛ ዘሬ ጎይዖ፡- «ታ ዓዴ ዒንሢ ሄርቂ መታሲ ወይሄኔ፤ ጋዓንቴ ታኣኒ ዬያፓ ባሼ ዒንሢ ሄርቂ መታሲ ወይሣንዳኔ፤ ታ ዓዴ ዒንሢ ዠራፓና ጳርቄኔ፤ ታ ዒንሢ ጋዓንቴ ጉማሬና ጳርቂ መታሳንዳኔ!» ጌዔኔ።

15 ዬይ ያዲ መዓሢ ሴኤሎይዳፓ ሙኩ፤ ያኦሲ ማሊያ ኬኤዛ፤ ዓኪያ ዛሎና ናባፄ ናኣዚ ዒዮርቢዓመ ዛሎ ናንጊና ናንጋ ጎዳ ኬኤዜ ባካ ኩማንዳጉዲኬ፤ ካኣቲ፤ ርቢዓመ ዴሮኮ ማሊያ ቦሂ ሃሼሢ ናንጊና ናንጋ ጎዳ ዬይ ያዲ ሜሌያታሢሮኩ።

16 ዒማና ካኣቲ፤ ርቢዓመ ዴራ ያኦጩ ያኦጩ ቦሂ ሃሼሢ ዴራ ዔራዖ፡- «ዳውቴንታ ዒዛ ማኣሮ ዓሶንታ ባይቆም! ዔያታ ኑም ፔቴታዖ ማዴ ባኣዚ ባኣሴ! ዒሰራዔኤሌ ዴሬዮቴ! ዒንሢ ማኣሪ ማኣሪ ማዒ ዴንዲዋቴ! ርቢዓመ ፔ ማሌ ጎይዖ ማዶንጎ!» ጌዔኔ።

ዬይ ያዲ ዒሰራዔኤሌ ዴራ ርቢዓመም ዋይዘ ዒዲ ፔ ማኣሪ ማኣሪ ዴንዳኔ።

17 ዬያሮ ርቢዓመ ዪሁዳ ዓጮይዳ ዓኣ ዴሮ ዑፃ ሌሊ ካኣታዴኔ።

18 ዬካፓ ካኣቲ፤ ርቢዓመ ዋልቄና ማዲሾ ዓሶኮ ሱኡጋሢ ዓዶኒራመ ዒሰራዔኤሌ ዓሶ ኮይላ ዳኬኔ፤ ዔያታ ጋዓንቴ ሹቻ ዒዛ ዲይ ዋዴኔ፤ ዒማና ርቢዓመ ዑካዲ ሳርጌሎ ያይቶ ቶጊ ዬሩሳላመ ዴንዳዖ ቶሊ ዓቴኔ።

19 ዬማፓ ዓርቃዖ ኬዶ ዛሎ ዓጫ ናንጋ፤ ዒሰራዔኤሌ ዓሳ ካኣቲ ዳውቴ ማኣሮም ዋይዘ ዒዲ ማዓኔ።

20 ዒሰራዔኤሌ ዓሳ ዒዮርቢዓመ ጊብፄፓ ማዒ ሙኩሢ ዔራዖ ዔያታ ቡኬ ቤዘ ዒዛ ዔኤሊሲ ዔኪ ዬዒ ካኣታሢኔ፤ ዒማና ዳውቴ ፃጶም ጉሙርቁንታዖ ማዒ ዓቴማ ዪሁዳ ፃጶ ሌሊኩ።

**ሼማዒያ ኬኤዜ ያኦሲ ማሊያ
(2ያኦሲ. ዓሃኬ 11:1-4)**

21 ርቢዓመ ዬሩሳላመ ሄላዖ ዪሁዳና ቢኢኒያመ ፃጶፓ ዶኦሪ ዶኦሪ ኬሶና ፔቴ ፄኤታና ሳሊታሚ ሺያ ያልዚ ያላንዳ ጎኡባ ዓሲ ዔኪ ፔቴይዳ ቡኩሴኔ፤ ዬያ ዒ ማዴሢ ዒሰራዔኤሌ ፃጶ ያሊ ዓጮ ቢያ ፔ ዴማ ማሃኒ ማሊኩ።

22 ጋዓንቴ ያኦሲ ማሊያ ኬኤዛ፤ ሼማዒያም ያኦሲ፡-

23 ርቢዓመም፤ ዬያጉዲ ሃሣ ዪሁዳና ቢኢኒያመ ፃጶ ቢያሢም፡ ሃሣ ሃንጎ ዴሮማኣ ቢያ፡-

24 «ዒንሢኮ ዒጊኖ፤ ዒሰራዔኤሌ ዓሶ ያላኒ ዴንዲፖቴ፤ ቢያሢ ዒንሢ ማኣሪ ማኣሪ ዴንዲዋቴ፤ ዬይ ባካ ያዲ ማዓሢ ታኣኒ ማዖም

ጌዔምኬ ጌዒ ከኤዛንዳጉዲ ዓይሣኔ።» ዩያር ዩያታ ቢያሢ ናንጊና ናንጋ ጎዳ ጌዔ ባኮ ዋይዚ ፔ ማኣሪ ማኣሪ ዳንዴኔ።

ዒዮርቢዓሜ ያኦሲ ሃሺ ሜሌ ያኦዞ ካኣሸኬሣ

25 ዒሰራዔኤሌኮ ካኣቲ፣ ዒዮርቢዓሜ ጌሜራ ሚርጌ ዓኣ ዔፕሬኤሜ ዓጮይዳ ዓኣ ሴኬሜ ካታሞ ዙሎ ከልቂ ደዲሺ ዲርቂ፣ ዒኢካ ዳካ ዋዳ ዳዔኔ፤ ዩካፓ ሃሣ ፔኦዔሌ ካታሞኮዋ ዙሎ ከልቂ ደዲሺ ዲርቂ ኮሼኔ፤

26-27 ዒማና ዒዮርቢዓሜ ፔ ዒኖና ማላዎ፡- «ታ ዳሪ ዩሩሳላሚ ዳንዲ ዳንዲ ናንጊና ናንጋ ጎዳኮ ጌኤዦ ማኣሪይዳ ያኦሲም ዒንጎ ባኮ ዒንጋያ ማዔቲ፣ ዔያታ ዪሁዳ ካኣቲ ርቢዓሜም ጉሙርቂንታያ ማዒ ዒዛ ገንጾ ሺሪጋፓ ታና ዋዳንዳኔ፤ ካኣቲማ ገንሣ ዳውቴ ማኣሪ ባንሢ ሺራንዳኔ» ጌዔኔ።

28 ዩካፓ ዒዚ ዞር ዔካዎ ላምዎ ናኣሪ ማሊሲ ዋርቄና ኮሺ ዳርም፡- «ሃያኮ ቤርታ ዒንሢ ማዳ ጎይዎ ያኦሲ ካኣሸካኒ ዩሩሳላሚ ዳንዲፃ ዓቶንጎ፤ ዒሰራዔኤሌ ዳሬዮቴ! ጊብፄ ዓጮፓ ዒንሢ ዔኪ ከሴ ያኦዞ ሃኣዛጉዋቲ፣ ሃኣቶኬ!» ጌዔኔ።

29 ዩካፓ ዋርቆና ኮሸና ላምዎ ናኣሪንሢኮ ፔቴማ ቤኤቴኤሌይዳ፣ ሃንጎማ ዳኣኔይዳ ማዢ ዔቂሴኔ፤

30 ዳሪ ዒማና ያኦዞ ማሂ ኮሸና ባኮ ዳኣኔ ዔኪ ዓኣዳዋኣና ዩያኮ ቤርታ ዋሊ ሄሊ ሄሊ ዳንዴኔ፤ ዩያይዲ ሜሌ ያኦዞ ካኣሸኪዎና ጎሜ ማዳኔ፤

31 ዩያጉዲ ሃሣ ዒዮርቢዓሜ ጌሚሮይዳ ካኣሸኮ ቤሲ ኮሺ፣ ሌዊ ቶኦኪ ማዒባኣ ዓሲ ዚቲ ጋዓዎ ቁኤሴ ማሂ ደኦሬኔ።

32 ዒዮርቢዓሜ ዒማና ዪሁዳይዳ ቦንቾ ቦንቾ ጎይዎ ሳላሳ ዓጊኖኮ ታጶ ደንጋሳ ከሎ ሜሌ ያኦዞኮ ቦንቾ ከሌ ማዓንዳጉዲ ጌሣኔ፤ ዋርቆና ዒዚ ናኣሪ ማሊሲ ኮሺሴ ያኦዞም ቤኤቴኤሌይዳ ዒንጎ ባኮ ዒንጎ ቤዞይዳ ዒንጎ ባኣዚ ሺኢሹኔ፤ ዒኢካ ቤኤቴኤሌይዳ ካኣኦም ዒዚ ገኢጊሹ ቤዛ ማዳንዳ ቁኤሴያ ጌሣኔ፤

33 ቦንቾ ከሎ ማዓንዳጉዲ ዒዚ ፔኤር ጌሣ፣ ሳላሳ ዓጊኖኮ ታጶ ደንጋሳ ከሎና ቤኤቴኤሌ ዒ ዳንዴኔ፤ ዒኢካ ዒሰራዔኤሌ ዓሳ ቦንቻንዳጉዲ ዒዚ ዓይሣ ጎይዎና ቦንቾ ቦንቻኒ ያኦዞም ዒንጎ ባኮ ዒንጎ ቤዛ ዒንጎ ባኣዚ ዒዚ ሺኢሹኔ።

12:28 ከሲ. ማፃ 32:4። 12:33 ሌዊ. ዓከ 23:33-34።

13

ዪሁዳ ዓጫፓ ሙኬ ጾኦሲ ዓሢ

1 ዒዮርቢዓሜ ዒንጎ ባኮ ዒንጎሊ ዒንጎ ቤዞ ኮይላ ዔቁ ዓኣንቴ ጾኦሲ ዳኬም ሙኬ፣ ፔቴ ጾኦሲ ማሊሢ ኬኤዛ ዓሲሰኬይ ዒኢካ ሙኬኔ፤

2 ዬይ ጾኦሲ ማሊያ ኬኤዛሢ ናንጊና ናንጋ ጎዳ ዒዛ ዓይሢ ጎይጾና ዬይ ዒንጎ ባኮ ዒንጎ ቤዞም፡- «ሃይ ኔኤኒ ዒንጎ ባኮ ሸኢሾ ቤዛሢዮ! ናንጊና ናንጋ ጎዳ ጋዓ ባኮ ዋይዜ፡- «ዳውቴ ማኣሮይዳ ዒዮሲያሴ ጌይንታ ናይ ሸይንታንዳኔ፤ ጌሜሮይዳ ኮሸንቴ፣ ሜሌ ዴራ ፔ ጾኦዞም ዒንጋ ባኮ ዒንጋ ቤዞይዳ ማዳያ ማዒ ኔ ጊዳ ዒንጎ ባኮ ሸኢሾ ቁኤሶ ኔ ጊዳ ጌሢ ዒዚ ሹካንዳኔ፤ ዓሶኮ ሜጌጾዋ ኔ ጊዳ ጌሢ ዒ ሚቻንዳኔ።

3 ጾኦሲ ማዳንዳ ባካ ያዲኬ፡- ናንጊና ናንጋ ጎዳም ዒንጎ ባኮ ዒንጎ ቤዞ፣ ሃይ ፃሂ ዲኡቃንዳኔ፤ ዒኢካ ዓኣ ቢዲንፃኣ ላኣሊንታንዳኔ፤ ሃያ ማሊያ ታኣና ማዒ ኬኤዜሢ ናንጊና ናንጋ ጎዳታሢ ዬይ ያዲ ማማዓማና ኔ ዔራንዳኔ» ጌዒ ጾኦሲ ማሊሢ ኬኤዜኔ።

4 ካኣቲ፡ ዒዮርቢዓሜ ዬያ ዋይዞጾ ጾኦሲ ማሊያ ኬኤዛሢ ባንሢ ኩቻ ዳዋ፡- «ሃያ ዓርቁዋቴ!» ጌይ ዓይሢኔ፤ ዒማና ካኣቲኮ ኩጫ ዒማካ ሜሊ ዋቢ ዓቲሢሮ ዒ ፒሼ ኩጫ ጊንሣ ማሃኒ ዳንዳዒባኣሴ።

5 ጾኦሲ ማሊያ ኬኤዛሢ ናንጊና ናንጋ ጎዳ ሱንፃና ኬኤዜ ጾኦሲ ማሊያ ኬኤዚንቴ ጎይጾ ጾኦሲ ጌዔ ማላታ ማዳንቴኔ፤ ዋዋይቴይ ጌዔቴ፡- ናንጊና ናንጋ ጎዳም ዒንጎ ባኮ ዒንጎ ቤዞ ቤዞማና ፃሂ ዲኡቁም ቢዲንፃኣ ሳዓ ላኣሊንቴኔ።

6 ዬያሮ ካኣቲ፡ ዒዮርቢዓሜ፡- «ሃዳራ ታኣኮ ኩጫ ዳቃንዳጉዲ ናንጊና ናንጋ ጎዳ ማዔ ኔ ጾኦዛሢ ታኣም ሸኢቁ!» ጌዒ ጾኦሲ ማሊያ ኬኤዛሢ ሸኢቁኔ።

ጾኦሲ ማሊያ ኬኤዛሢ ዒማና ሸኢቃዛ ካኣቲኮ ኩጫ ዳቁ፣ ቤርታኣሲ ጎይጾ ማዔኔ።

7 ዬካፓ ካኣቲ ጾኦሲ ማሊያ ኬኤዛሢ ኮይላ፡- «ሃኒ ሙኪ ታኣና ዋላ ታ ማኣሪ ጌሊ ሙጾ ባኣዚ ሙዔ፤ ታ ኔኤም ኔ ማዔ ባኮ ዛሎ ኮይሳ ባኣዚ ዒንጋንዳኔ» ጌዔኔ።

8 ጾኦሲ ማሊያ ኬኤዛሢ ጋዓንቴ፡- «ኔኤኮ ዓኣ ቆሎኮ ሄካሢታዎ ኔ ታኣም ዒንጋያ ማዔቴያ ኔ ማኣሪ ታ ዴንዲንዳዋሴ፤ ኔኤና ዋላ ታ ዴንዲ ሙጾ ባኣዚ ሙይ ዋኣሢያ ዑሽካዓኬ።

13:2 2ካኣቶ. ማ 23:15-16።

9 ፔቲታዎ ታኣኒ ዔኤቢ ሙይ ዋኣሢያ ዑሽኩዋጉዲ፣ ሃሣ ታኣኒ ታ ማኣሪ ማዒ ዴንዳዎ ቤርታ ታኣኒ ሙኩ ጎይዖና ዴንዳዋጉዲ ናንገና ናንገ ጎዳ ታና ላኣኔኔ» ጌዔኔ።

10 ዬያር ዬይ ያኦሲ ማሊዎ ኬኤዛሢ ሙኩ ጎይዎ ሃሺ ማሌ ጎይሢና ማዒ ዴንዳኔ።

በኤቴኤሌይዳ ያኦሲ ማሊሢ ኬኤዛ ጋርቻ ዓሲ

11 ዒማና በኤቴኤሌይዳ ናንጋያ፣ ያኦሲ ማሊሢ ኬኤዛ ፔቲ ጋርቻ ዓሲሰከይ ዓኣኔ፤ ዒዛኮ ዓቲንቆ ናኣታ ዒዛ ኮይላ ሙካዎ ዪሁዳይዳፓ ሙኩ፣ ያኦሲ ማሊዎ ኬኤዛሢ በኤቴኤሌይዳ ማዳ ባኩና ካኣቲ ዒዮርበዒማም ጌዔ ባኮ ቢያ ኬኤዜኔ፤

12 ዬያቶ ናኣቶኮ ዓዳሢ፡- «ሂዳዎ ዬይ ያኦሲ ማሊዎ ኬኤዛሢ ዋና ጎይዎ ዓኣዳይ?» ጌዒ ዔያቶ ያኦጫዛ፣ ዔያታ ዒ ዴንዳ ጎይዎ ዳዌኔ፤

13 ዬካፓ ዒዚ፡- «ሃር ታኣም ኮኣሩዋቴ!» ጋዓዛ፣ ናኣታ ሃር ኮኣሪም ሃር ቶጊ፤

14 ዪሁዳይዳፓ ሙኩ፣ ያኦሲ ማሊዎ ኬኤዛ ዓሢ ዴንዳ ጎይዎ ኮጲሲ ዴንዳኔ፤ ያኦሲ ማሊዎ ኬኤዛሢ ሻኣቢ ዴንካ ዴዒ ዓኣንቴ ሙኩ ዒዛና ካኣማኔ፤

ዬይ ጋርቻሢ፡- «ዪሁዳይዳፓ ሙኩ፣ ያኦሲ ማሊዎ ኬኤዛሢ ኔናዳ?» ጌዒ ያኣጩኔ።

ዒዚያ፡- «ሂዮ፣ ታናኩ» ጌዔኔ።

15 ጋርቻሢ ዒዛም፡- «ታ ማኣሪ ሙኩ ታኣና ዋላ ሙኡዚ ሙዔ» ጌዔኔ።

16 ዪሁዳይዳፓ ሙኩ፣ ያኦሲ ማሊዎ ኬኤዛሢ ጋዓንቴ ማሃዎ፡- «ኔኤና ዋላ ዴንዲያ ዴንዲኒ ሃሣ ሙኡዚያ ሙዒኒ ታ ዴንዳዑዋሴ፤ ሃይካ ኔኤና ዋላ ሙኡዚ ሙዒ ዋኣሢያ ታኣኒ ዑሽካዓኬ፤

17 ዓይጎር ጌዔቴ ፔቲታዎ ታኣኒ ሙኡዚ ሙዑዋጉዲ፤ ሃሣ ታኣኒ ሙኩ ጎይዖና ማዒ ዴንዳዋጉዲ ናንገና ናንገ ጎዳ ታና ላኣኔኔ» ጌዔኔ።

18 በኤቴኤሌይዳፓ ሙኩ፣ ያኦሲ ማሊዎ ኬኤዛ ጋርቻሢ፡- «ታኣኒያ ኔጉዲ ያኦሲ ማሊሢ ኬኤዛያኩ፤ ታኣኒ ኔና ታ ማኣሪ ዔኪ ዓኣዳ ሙኡዚ ሙኡዛንዳጉዲ ናንገና ናንገ ጎዳ ዳኬ ፔቲ ከኢታንቻ ታኣም ኬኤዜኔ» ጌዔኔ፤ ጋዓንቴ ዬይ ያኦሲ ማሊዎ ኬኤዛ ጋርቻሢ ሉሉቁሢ ዒዚ ዔሪባኣሴ።

19 ዬያር ዪሁዳይዳፓ ሙኩ፣ ያኦሲ ማሊዎ ኬኤዛሢ ጋርቻሢና ዋላ ዴንዳ፣ ካሣኣ ሙዔኔ።

20 ዔያታ ሺኢሺንቴ ካሦ ሙዒ ጎይሣ ዓኣንቴ ያኦሲ ማሊዎ ኬኤዛ ጋርቻሢም ናንገና ናንገ ጎዳ ኬኤዛዛ።

21 ዪሁዳይዳፓ ሙኩ ምስ ማሊያ ኬኤዛሚም ዒዚ፡- «ናገረና ናገጋ ጎዳ ሂዚ ጋዓ፤ ናገረና ናገጋ ጎዳ ማዔ ኔ ምዛሚ ኔና ዓይሚ ዓይሚያ ኔኤኒ ኩጎሚባኣሴ፤ ናገረና ናገጋ ጎዳ ጌዔ ባኩ ኔኤኒ ቦንቹባኣሴ።

22 ዒኢካ ፔቲታ? ሙኡዚ ሙዒ ዋኣሚያ ዑሽኩዋጉዲ ላኣጌ ቤዛ ገንሣ ማዒ ዳጎዲ ኔ ሙዔኔ፤ ዬያሮ ኔኤኒ ዋዲንታጎዳ፤ ሌዛ ኔኤኩ ኔ ዓድጎሚ ዲኡቲ ቤዛ ዲኡታዓኩ» ጌይ ዒላቲ ኬኤዜኔ።

23 ዔያታ ሙዒ ጋፔሰካፓ ምስ ማሊያ ኬኤዛ ጋርቻሚ ጎይፃፓ ዋጎዴ ዒ ማሂ ዔኪ ሙኩ ምስ ማሊያ ኬኤዛሚም ሃሮ ኮኦሬ፤

24 ዬያሮ ዪሁዳፓ ሙኩሚ ቶጊ ዳጎዳጎቲ ጎይፃይዳ ዘቢ ዳጎቃፃ ዒዛ ዋዳ፤ ሌዛ ዒዛኩ ጎይፃ ላሂ ዓኣጎቲ ሃራሂና ዘባሂና ሌዛ ኮይላ ዔቄ።

25 ፔቲ ፔቲ ዓሲ ዬይና ዳጎዳፃ ዘባሚ ጎይፃ ላሂ ዓኣ ሌዛ ኮይላ ዔቄ ዓኣጎቲ ዳጎቄ፤ ዬካፓ ዬይ ዓሳ ምስ ማሊያ ኬኤዛ፡ ጋርቻሚ ናገጋ ቤኤቲኤሌ ካታዎ ሙኪ ሃይሶ ኬኤዜኔ።

26 ምስ ማሊያ ኬኤዛ ጋርቻሚ ዬያ ዋይዛፃ፡- «ዬይ ዓሚ ናገረና ናገጋ ጎዳኩ ዓይሚያ ዋይዛ ዒዳያ፡ ምስ ማሊሚ ኬኤዛ ዓሲኬ! ዬያሮ ናገረና ናገጋ ጎዳ ዒዛ ዘቢም ዓኣሚ ዒጎጌኔ ጌይሚኬ» ጌዔ።

27 ዬካፓ ዬይ ጋርቻሚ ፔኤኮ ናኣቶ፡- «ሃሮ ታኣም ኮኦሩዋቲ» ጌዔም ዔያታ ዒዛም ኮኦራዛ።

28 ሃሮ ቶጊ ዳጎዳ፤ ዒማና ዒ ምስ ማሊያ ኬኤዛሚኩ ጎይፃ ላሂ ሌዛ ኮይላ ሃሮጎታ ዘባሚጎታ ዔቄ ዓኣ ጎይሂ ዓኣጎቲ ሙኪ ዳጎቄ፤ ዘባሚ ጋዓጎቲ ዬያ ምስ ማሊያ ኬኤዛሚኩ ሌዛ ሙዒባኣሴ፤ ሃራሚያ ዔኤቢ ዋኦቲባኣሴ።

29 ጋርቻሚ ዒማና ሌዛ ዔኪ ሃሮ ዑፃ ጫኣኔ፤ ዬካፓ ዓሳ ዒዛ ዬኤኪ ዲኡካጎዳጉዲ ቤኤቲኤሌ ዔኪ ዳጎዳ፤

30 ዬይ ምስ ማሊያ ኬኤዛ ጋርቻሚ ፔ ማኦሮ ዓሶ ዲኡፖ ቤዛ ሌዛ ዲኡኬኔ፤ ዒማና ዒዛጎታ ዒዛኩ ዓቲጎቆ ናኣቶጎታ፡- «ታ ዒሼ! ታ ዒሼ!» ጌይ ጌይ ዬኤኬኔ።

31 ዔያታ ዒዛ ዲኡኪ ማዔሰካፓ ምስ ማሊያ ኬኤዛ ጋርቻሚ ፔኤኩ ናኣቶም፡- «ታ ሃይቃዛ ሃይማ ዲኡፖ ዔታ ታና ዲኡኩዋቲ፤ ሌዛ ታኣኩ ዒዛ ሌዛ ኮይላ ላይሁዋቲ፤

32 ቤኤቲኤሌይዳ ናገረና ናገጋ ጎዳም ዒጎጎ ባኩ ዒጎጎ ቤዛና ሳማሪያይዳ ጌማራ ጌማራ ዓኣ ዳኩ ካታዎኩ ካኣዢ ቤዛናይዳ ናገረና ናገጋ ጎዳ ዓይሚም ሃይ ምስ ማሊያ ኬኤዛ ዓሚ ጌዔ ባካ ጎኔ ኩማጎዳ፤» ጌዔ።

ዲዮርቢዓሜኮ ዓጮይዳ ዎዳ ዶርዓሢ ጌልዜ ፑርቶ ጎሞ

33 ዬይ ቢያ ያዲ ማዔቴያ ዲሰራዔኤሌ ካአቲ፥ ዲዮርቢዓሜ ማዳ ፑርቶ ባኮ ቢያ ሃሽ ዲዳኔ፤ ዲዚ ዲማና ዲ ኮሺሴ ካአኸ ካአሸኮ ቤዛ ማዳንዳ ሌዊ ዜርሢ ማዒባኦ ማአሪፓ ዓይጎ ዓሲያ ዚቲ ጋዓዖ ዶኦሪ ዶኦሪ ቁኤሴ ማዒኒ ኮዓ ዓሲ ቢያ ጌልዛኔ፤

34 ዬይ ጎማ ዲዛ ካአቱሞኮ ባይቁዖና ጋፒ ዶዒዖኮዎ ካራ ማዔኔ።

14

ዲዮርቢዓሜ ናኣዚኮ ሃይቦ

1 ዲማና ካአቲ፥ ዲዮርቢዓሜኮ ናኣዚ፥ ዓቢያ ሃርጊንቲ ዓኣኔ፤

2 ዬይ ዲዮርቢዓሜ ማቸ ኮይላ፡- «ኔኤኒ ታ ላኣሌሎታሢ ዖኦኒያ ኔና ዔሩዋጉዲ ሜሌ ማኦ ማይንቲ፥ ሜሌ ላኣሊ ማሊጋፓ ታኣኒ ዲሰራዔኤሌይዳ ካአታዳንዳሢ ዛሎ ዖኦሲ ማሊዖ ኬኤዜ ዓኪያ ኮይላ ሴኤሎ ዴንዴ፤

3 ዲዛሞ ታጾ ላኣዳንታ ሙኦቃ ፃኣዛና ካዲሲ ካሃና ሙሊሢ ላኣዳንታ ፔቲ ዖቲ ዔኤሲያ ዔኪ ዴንዴ፤ ናዓሢ ዎዎይንታንዳቲያ ኔኤሞ ዲ ኬኤዛንዳኔ» ጌዔኔ።

4 ዬይ ዲዮርቢዓሜ ማቸ ዬይ ቢያ ጊኢጊሺ፥ ሴኤሎይዳ ዓኣ ዓኪያ ማኦ ዴንዴ፤ ዓኪያ ዲማና ኮሺ ጋርቹ ዓኣሢሮ ዓኣፓ ዲዛኮ ዴንቁዎያኮ፤

5 ያዲ ማዔቴያ ዲዮርቢዓሜ ማቸ ፔኤኮ ሃርጋ ናዓሢ ዛሎ ዖኦኤኒ ሙካንዳሢና ዲዚ ዲዛሞ ዎዚ ጋዓንዳቲያ ናንጊና ናንጋ ጎዳ ቤርታዲ ዲዛሞ ኬኤዜኔ።

ዲዮርቢዓሜ ማቸ ዲኣካ ሙኪ ሄላዖ ሜሌ ላኣሊ ማላኒ ኮዔኔ፤

6 ጋዓንቲ ዖኦሲ ማሊዖ ኬኤዛሢ፥ ዓኪያ ካራ ዲዛኮ ካኣኖ ዎይዚ፡- «ጌሌ! ኔኤኒ ዲዮርቢዓሜ ማቸታሢ ታ ዔሬኔ፤ ሜሌ ላኣሊ ማላኒ ኔኤኒ ዓይጋ ኮዔይ? ኔኤሞ ታ ኬኤዛንዳጉዲ ታና ዓይሃና ፑርታ ሃይሴ ዓኣኔ።

7 ሃሢ ዲዮርቢዓሜ ኮይላ ዴንዲ ናንጊና ናንጋ ጎዳ ማዔ ዲሰራዔኤሌ ዖኦዛሢ ጋዓ ባኮ ዲዛሞ ኬኤዜ፤ ዬይ ባካ ያዲኮ፡- «ኔኤኒ ካኣቶ ማኦ ሰሲቱዎንቲ ሜሌ ዓሶ ባኣካፓ ታ ኔና ዶኦሪ ታ ዴር ዲሰራዔኤሌኮ ሰኦጌ ማሄኔ፤

8 ካአቱሞ ዴውቲ ዜርፃፓ ዔኪ ኔኤሞ ታኣኒ ዲንጌኔ፤ ጋዓንቲ ኔኤኒ ታኣሞ ጉቤ ዲናፓ ጉሙርቁንታያ ማዒ ታኣኮ ዓይሢዖ ካፓያ፥ ሃሢ ታኣኒ ዎዛዳ ባኣዚ ቢያ ማዲ፥ ታ ዓይላሢ ዴውቴጉዲ ኔ ማዒባኣኤ፤

9 ኔኤኒ ኔኤኮ ቤርታኦ ሱኡጎ ማዔ ዓሶፓ ባሼ ፑርታ ጎሜ ማዕኔ፤ ኔኤኒ ታና ሃሺ ሜሌ ያኦዘንታ ዓንገና ኮሺንቴ ባኦዚያ ዘገ ካኦሽካኒ ኮሺያና ታኦኮ ዳጎ ዔቂሴኔ፤

10 ዬያር ሃይሾ ሃሢ ኔ ማኦርይዳ ፑርታ ባኦዚ ታ ዓጋንዳኔ፤ ኔ ማኦራፓ ዓይሌያ ማፖሞ ጉሪ ማዕ ማዕ ዓሲ፤ ዬያጉዲ ዓቲንቄ ጋዓ ባኦዚ ቢያ ዒሰራዔኤሌፓ ታኦኒ ባይዘንዳኔ፤ ቡኡራ ሚቺ ባይዘጉዲ ኔ ማኦራ ታ ባይዘንዳኔ።

11 ካታሞይዳ ሃይቃ ኔ ማኦራ ዓሶ ጉቤ ካኒ ሙዓንዳኔ፤ ካታሞቱዋ ቤዛ ሃይቃ ዓሶ ኔኤኮ ሃሞፑራ ሙዓንዳኔ፤ ዬያ ጋዓሢ ታና፣ ናንገና ናንጋ ጎዳኬ» » ጌዔኔ።

12 ዓኪያ ያኦሲ ማሊያ ሃሢ ኬኤዘያ ዒዮርቢዓሜ ማቾሞ፡- «ዓካሪ ሃሢ ኔ ማኦራ ማዒ ዳንዳ፤ ካታሞ ኔ ጌሌላማና ናዓ ኔኤኮ ሃይቃንዳኔ፤

13 ዒሰራዔኤሌ ዴራ ጉቤ ያዩ ዩኤኪ ዒዛ ዱኡካንዳኔ፤ ናንገና ናንጋ ጎዳ ማዔ ዒሰራዔኤሌ ያኦዘሢኮ ዒና ዋዘዳሢ ዒዘና ሌሊታሢሮ ዒዮርቢዓሜ ማኦራፓ ዳሞቤና ዱኡታንዳሢ ኔኤኮ ዬያ ናዓሢ ሌሊኬ፤

14 ናንገና ናንጋ ጎዳ ፔኤሮ ዒዮርቢዓሜ ማኦራ ባይዘንዳ ካኦቲ ሃሢ ካኦታሃንዳኔ።

15 ናንገና ናንጋ ጎዳ ዒሰራዔኤሌ ዓሶይዳ ሜቶ ዓጋንዳኔ፤ ዬያር ዒሰራዔኤሌ ዋኦሢዳ ባቃሊ ጎፒንታ ፒሌጉዲ ጎጋይቃንዳኔ፤ ዓሼራ ጌይንታ ላኦኡ ያኦዜሎ ማሊሲ ካኦሽኮ ባኦዚ ማዢ ዒዛ ዔያታ ዳጋሶሢሮ ዒሰራዔኤሌ ዴሮ ሃያኮ ቤርታ ዒዚ ዔያቶኮ ዓዳንሢሞ ዒንጌ ማሎ ዓጩሎፓ ዔፕራዒሴ ዋሮ ሱኮ ዳኪ ዔያቶ ዜርቃንዳኔ፤

16 ዒዮርቢዓሜ ጎሜ ማዕሢሮ፣ ሃሢ ዒሰራዔኤሌ ዓሶዋ ጎሜይዳ ዔኪ ጌልዜሢሮ ናንገና ናንጋ ጎዳ ዒሰራዔኤሌ ሃሻንዳኔ» ጌዔኔ።

17 ዩካፓ ዒዮርቢዓሜ ማቻ ማዒ ቲርፃ ሙኪ ፔ ማኦራ ካር ሄሄላማና ናዓ ዒዘኮ ሃይቄኔ።

18 ናንገና ናንጋ ጎዳ ፔ ዓይላሢ ማዔ፣ ዓኪያሞ ኬኤዜ ጎይያ ዒሰራዔኤሌ ዓሶ ያዩ ዩኤኪ ናዓሢ ዱኡኬኔ።

ዒዮርቢዓሜኮ ሃይቦ

19 ካኦቲ፣ ዒዮርቢዓሜ ማዕ ሜሌ ባኮ ቢያሢንታ ዒዚ ያልቲ ዮሎንታ ዒዚ ዋይሄ ዋይሢፃኦ ዋማዲታቲያ ቢያ ባካ ዒሰራዔኤሌኮ ካኦቶ ሃይሶ ኬኤዛ ማፃእፖይዳ ፃኦፕንቴኔ።

14:10 1ካእቶ. ማ 15:29።

20 ዲዮርቢዓሜ ካኣታዲ ላማታሚ ላምዖ ሌዔ ዴዔሰካፓ ሃይቂ ዲኡቴም ዲዛ ቤዛ ዲዛኮ ናኣዚ ናኣዳቤ ካኣታዴኔ።

**ዪሁዳ ካኣቲ ርቢዓሜ
(2ፆኦሲ. ዓሃኬ 11:5—12:15)**

21 ሴሎሞን ናኣዚ፣ ርቢዓሜ ዪሁዳይዳ ካኣታዳኣና ሌዓ ዲዛኮ ያይዲታሚ ፔቴኬ፤ ናንጊና ናንጋ ጎዳ ዲሰራዔኤሌ ዓጮ ጉቤሢፓ ዶኦሪ ዲዚ ካኣሽኪንታንዳጉዲ ጌዔ፣ ዬሩሳላሚ ካታሞይዳ ናንጊ ታጳ ላንካይ ሌዔ ርቢዓሜ ዎይሄኔ፤ ዲዛ ዲንዶኮ ሱንፃ ናዕማ ጌይንታያ ዓሞኣኔ ዜርሢኬ።

22 ዲማና ዪሁዳ ዴራ ናንጊና ናንጋ ጎዳ ቤርታ ፑርታ ማዶ ማዲ ናንጊና ናንጋ ጎዳ ያዩሴኔ፤ ቤርታ ዔያቶኮ ዓዶንሢ ማዴሢፓ ባሼ ፑርታ ባኣዚ ማዲ ናንጊና ናንጋ ጎዳኮ ዳጎ ዔያታ ዔቂሴኔ።

23 ዔያታ ሜሌ ያኦዞ ካኣሽኮ ቤሲያ ጊኢጊሹኔ፤ ሃሣ ጌሜርና ዴኤፖ ሚያ ሺቦ ዴማኣ ዔያታ ካኣሽካንዳ ሹቺ ዶቂ ጊኢጊሹናንታ ዓሽራኮዎ ማላሢ ማዢ ዶቂ፤

24 ዬያፓ ሃሣ ዑሣ ዓኣዴ ፑርታ ማዓሢ ዓይጎዳይ ጌዔቴ፡- ዩይ ዴራ ካኣሽካ ቤዞይዳ ዓቲንቁና ላሃ ዓቲንቁንታ ዞኦሰካ ኮኣማ ላኣሊያ ካኣዦር ጌሦናይ ዓኣኔ፤ ዲሰራዔኤሌ ዓሳ ዎንዴ ቤርታ ዓጮሎ ጌላኒ ሙካኣና ናንጊና ናንጋ ጎዳ ዔያቶኮ ቤርታፓ ዳውሲ ባይዜ ዴራ ማዳ ቦርሲሳ ማዶ ቢያ ዪሁዳ ዴራኣ ማዳያ ማዔኔ።

25 ርቢዓሜ ካኣታዴንቴ ዶንጋሳ ሌዖና ጊብፄ ካኣቲ ሺሻቂ ዬሩሳላሚ ያሊ፣

26 ጌኤዦ ማኣርና ካኣቱሞ ማኣርናይዳ ዓኣ ባኮ ቢያ፤ ሃሣ ሴሎሞን ዎርቆና ኮሺሴ ጊቲሞዎ ቡሪ ዔኪ ዴንዴኔ፤

27 ዩያ ዔውቴሢኮ ቤዛ ካኣቲ፣ ርቢዓሜ ጊቲማ ሞኣና ዓንጊና ኮሺሴ ካኣቱሞ ማኣር ካፓ ዓሶኮ ሱኡጎም ካፓንዳጉዲ ዲንጌኔ፤

28 ዲማና ካኣቲ ጌኤዦ ማኣሪ ሙኪ ጌላማና ጌላማና ጌኤዦ ማኣር ካፓ ዓሳ ጊቲሞ ዓርቂ ሙኪ ሞኦኪ ዔካኔ፤ ዲዚ ዴንዳዛ ካፓ ዓሳ ጊቲሞ ጊንሣ ማሂ ዔያታ ካፖ ካፓ ኬኤያይዳ ጌሣኔ።

29 ካኣቲ፣ ርቢዓሜ ማዴ ሜሌ ባካ ቢያ ዪሁዳ ካኣቶ ሃይሳ ፃኣፒንታ ማፃኣፖይዳ ፃኣፒንቴኔ፤

30 ዲማና ቢያ ዎዴ ርቢዓሜና ዲዮርቢዓሜና ዎላ ጋፑዎ ያልዚ ያልቲ ናንጋኔ፤

14:23 2ካኣቶ. ማ 17:9-10። 14:24 ላሚ. ዎማ 23:17። 14:26 1ካኣቶ. ማ 10:16-17፤ 2ፆኦሲ. ዓሃኬ 9:15-16።

31 ዩካፓ ርቢዓሜ ሃይቁ፥ ዳውቴ ካታሞይዳ ካኣታ ዱኡታ ቤዛ ዱኡቴኔ፤ ዒዛ ቤዘይዳ ዒዛኮ ናኣዚ ዓቢያ ካኣታዴኔ። ርቢዓሜኮ ዒንዶ ሱንፃ ናዕማ ጌይንታያ ዓሞኣኔ ዜርሢኡ።

15

ዪሁዳ ካኣቲ ዓቢያ
(2ፆኦሲ. ዓሃኬ 13:1—14:1)

1 ዒዮርቢዓሜ ዒሰራዔኤሌይዳ ካኣታዴንቴ ታጾ ሳላሳ ሌዖና ዓቢያ ዪሁዳይዳ ካኣታዴኔ፤

2 ዒዚ ዒማና ዩሩሳላሜይዳ ናንጊ ሃይሃ ሌዔ ካኣታዴኔ፤ ዒንዳ ዒዛኮ ማዕካ ጌይንታያ ዓቤሴሎሜ ናይኬ፤

3 ዓቢያ ዒዛኮ ቤርታኣ ማዓሢ ዳውቴጉዲ ናንጊና ናንጋ ጎዳ ማዔ ዒዛኮ ፆኦዛሚሞ ጉቤ ዒኔፓ ጉሙርቁንታያ ማዒያ ሃሺ ዒዛኮ ዓዴ፥ ርቢዓሜ ማዴ ጎሞ ቢያ ማዲሢ ሳርቁኔ።

4 ያዲ ማዔቴያ ዒዛኮ ጊንፃፓ ዩሩሳላሜይዳ ካኣታዳንዳጉዲና ዩሩሳላሜ ኮሺ ማሂ ካፓንዳጉዲ ናንጊና ናንጋ ጎዳ ማዔ ፆኦዛሢ ዳውቴሮ ጌዒ ዓቲንቁ ናይ ዓቢያሞ ዒንጌኔ፤

5 ናንጊና ናንጋ ጎዳ ዩያይዴሢ ዳውቴ ሂኢታ ዓሢ፥ ፆሪሞ ማዴ ጌና ማዴ ጎማፓ ዓታዛ ናንጊና ናንጋ ጎዳ ሞዳደ ባኣዚ ዒ ማዴሢሮ፤ ሃሃ ዓይሢያሞ ዒዛኮ ደዲሺ ካፔሢሮኬ።

6 ዓቢያ ካኣታዲ ዓኣ ሞዶና ቢያ ርብዔሜና ዒዮርቢዓሜና ሞሊ ዖላ ዖላ ጋፑሞ ያዔኔ፤

7 ዓቢያ ማዴ ሜሌ ባካ ቢያ ዪሁዳ ካኣቶኮ ሃይሳ ፃኣፒንታ ማፃኣፖይዳ ፃኣፒንቲ ዓኣኔ።

8 ዩካፓ ዓቢያ ሃይቁ፥ ዳውቴ ካታማ ዱኡቴኔ፤ ዒዛ ቤዛ ዒዛኮ ናኣዚ፥ ዓኣሳ ካኣታዴኔ።

ዪሁዳ ካኣቲ ዓኣሳ
(2ፆኦሲ. ዓሃኬ 15:16—16:6)

9 ዒዮርቢዓሜ ዒሰራዔኤሌይዳ ካኣታዴንቴ ላማታማሳ ሌዖና ዓኣሳ ዪሁዳይዳ ካኣታዴኔ፤

10 ዒዚ ዒማና ዩሩሳላሜይዳ ናንጊ ያይዲታሚ ፔቴ ሌዔ ዪሁዳ ዓጮ ሞይሢኔ፤ ዓሃ ዒዛኮ ማዕካ ጌይንታ ዓቤሴሎሜ ናሞኬ።

11 ዓኣሳ ዒዛኮ ቤርታኣ ማዓሢ ዳውቴ ማዴ ጎይያ ናንጊና ናንጋ ጎዳ ሞዳሳ ማዴ ማዴኔ።

12 ካአቲ፣ ዓአሳ ዓይሁዴ ማዒባአ ዴራ ካአሽካ ቤዘይዳ ካአዦር ጌሦና ዓቲንቆና ላሃ ዓቲንቆንታ ላአሎና ላሃ ላአሎንታ ቢያ ዓጫፓ ዳውሲ ባይዜኔ፤ ዒዛኮ ቤርታ ካአታዴ ካአታ ኮሼ፣ ሜሌ ያኦዘኮ ማላሣ ቢያ ቱጊ ቱጊ ላአሌኔ።

13 ዒዛኮ ዓሃ ማዕካ ዓሼራ ጌይንታ ላአሎ ያኦዘሎ ማላ፣ ሻአካ ባኮ ማዦሣሣር ጌኤሾ ማዒያፓ ዒዘ ዒ ኬይሴኔ፤ ዒዛ ማዦ ያኦዘኮ ማላሣያ ማንሣ ቁድሮኦኔ ዶኦጮይዳ ታሚና ሚቼኔ።

14 ዓአሳ ጌሚርይዳ ዓይሁዴ ማዒባአ ዓሳ ካአዦ ካአሽካ ቤዘ ቢያ ባይዘባአያ ማዕቲያ ዒዚ ሃይቃንዳያ ሄላንዳአና ናንጊና ናንጋ ጎደም ጉሙርቁንታያ ማዒ ናንጌኔ።

15 ዒዛኮ ዓዴ ያኦሲም ዲማዴያ ማዓንዳጉዲ ማሄ ባኮና ዒዚ ፔኤር ዎርቆና ቢሮ ዓንጎና ኮሺሲ ያኦሲ ማዳ ማዳንዳጉዲ ገአጊሼ ያኦሲም ዲማዴ ባኮ ቢያ ጌኤዦ ማኦራ ጌሣኔ።

16 ዪሁዳ ካአቲ ዓአሳና ዒሰራዔኤሌ ካአቲ ባዕሻና ዓጮ ዎይሣ ዎዶና ቢያ ዎሊ ያሌ ጎይሣ ናንጌኔ።

17 ባዕሻ ዪሁዳ ባላኒ ሙኪ ዲንኪ ዴዓዎ ራአማ ካታሞኮ ዙሎ ዶዲሺ ኬልቂ ዲርቂሲሣ ዓርቄኔ፤ ዬያ ዒዚ ማዴሣ ዪሁዳ ዓጮ ያኦኒያ ጌሎዎጉዲ፣ ሃሣ ዒኢካፓ ያኦኒያ ኬሰኩዎጉዲ ላአጋኒኬ።

18 ዬያሮ ካአቲ፣ ዓአሳ ጌኤዦ ማኦርና ካአቲም ማኦርናይዳ ቡሪንቱዎዎ ዓቲ ዎርቆና ቢሮ ዓንጎና ኬሲ ዴማሰቆይዳ ናንጋ ያብሪሞኦኔ ናአዚ ሃዘዮኔኮ ናአዚ ናዎ ማዔሣ፣ ሶኦሪያ ካአቲ፣ ቤንሃዳዴም ዒንጋንዳጉዲ ዒዛኮ ዶንዘ ዑዓ ዳኬኔ፤ ዬያ ዒዚ ዳኬ ባኮና ሂዚ ጋዓ ኪኢታአ ዎላ ዳኬኔ፡-

19 «ታ ዓዶና ኔ ዓዶና ማዴ ጎይያ ኦኡኒያ ዎላ ኮሺ ናንጋኒ ጫአቆም፤ ሃያ ታ ኔኤም ዳኬ ቢሮና ዎርቆና ታኦኒ ኔኤም ዒዒንጌኔ፤ ዬያሮ ዒሰራዔኤሌ ካአቲ፣ ባዕሻ ፔኤኮ ፖኦሊሶ ታ ዓጫፓ ኬሳንዳጉዲ ኔኤኒ ታና ማኦዲ ቤርታ ኔ ዒዛና ጫአቄ ጫአቄሞ ሃሻንዳጉዲ ታ ኔና ሺኢቃኔ።»

20 ካአቲ፣ ቤንሃዳዴ ዓአሳ ኬኤዜ ባኮ ዎይዛዎ ፔኤኮ ፖኦሊሶ ዓይሣ ዓሰና ፖኦሊሶና ዳኪ ዒሰራዔኤሌይዳ ዓአ ካታሞ ያሌኔ፤ ዔያታ ዒማና ዒዮኔንታ ዳኦኔንታ ዓቤልቲማዕካ ጌይንታ ካታሞንታ ጌሊላ ባዘ ጌይንታ ካታሞንታ፤ ሃሣ ጌሊላ ባዘ ኮይላ ዓአ ዓጮንታ ኒፕታኦኤላሜ ዓጮዎ ቢያ ያሊ ዓርቄኔ።

21 ካአቲ፣ ባዕሻ ዬያ ባኮ ቢያ ዎይዛዎ ራአማ ካታሞ ዙሎ ዶዲሺ ኬልቂ ዲርቂዎ ሃሺ ቲርፃ ዴንዴኔ።

22 ባዕሻ ራአማ ካታሞ ዙሎ ኬልቃኒ ቡኩሴ ሹጮና ሚያና ዒኢካፓ ዔካኒ ዴሬ ፔቲታዎ ዓቲዎዎ ሙካንዳጉዲ ዪሁዳ ዓጮ ቢያ ካአቲ ዓአሳ ኪኢታ ዳኬኔ፤ ካአቲ ዓአሳ ዒኢካ ዓአ ሹጮና ሚያና

ቢያ ዔኪ ሚዳጽንታ ቢኢኒያሚ ዓጮይዳ ዓኣ ገባዒኔ ካታሞንታኮ ዙሎ ደዲሺ ኬልቄኔ።

23 ካእቲ፥ ዓኣሳ ማዳ ሜሌ ባካ ቢያ፤ ያልዚ ዒዚ ጫርቁ ያሊ ባሽ ባሽ ያንታ ዙሎ ደዲሺ ደዲሺ ዒ ኬልቄ ካታሞንታኮ ሃይሳ ቢያ ዪሁዳ ዓጮኮ ካኣቶ ሃይሳ ፃኣፒንታ ማፃኣፓ ፃኣፒንቲ ዓኣኔ፤ ካእቲ ዓኣሳ ጋርቻዛ ቶኪ ዒዛኮ ሃርጋዖ ቶኮ ዎቢሼኔ።

24 ዬካፓ ዒዚ ሃይቁ፥ ደውቴ ካታሞይዳ ካእታ ዲኡታ ቤዛ ዲኡቴሞ ዒዛ ቤዛ ዒዛኮ ናኣዚ ዒዮሳፒዔ ካእታዳኔ።

ዒሰራዔኤሌ ካእቲ ናኣዳቤ

25 ዓኣሳ ዪሁዳይዳ ካእታዳንቲ ላሞዓሳ ሌዖና ዒዮርቢዓሚ ናኣዚ፥ ናኣዳቤ ዒሰራዔኤሌይዳ ካእታዲ ላሞዖ ለዔ ዎይህኔ፤

26 ዒዚያ ሃሃ ዒዛኮ ቤርታ ዓዴ ማዳ ጎይዖ ጎሜ ማዲ ዒሰራዔኤሌ ዳርዎ ጎሜይዳ ዔኪ ገልዘኔ።

27 ዪሳኮኦሬ ፃጲ ማዔህ፥ ዓኪያ ናኣዚ፥ ባዕሻ ናኣዳቤይዳ ፑርቱሞና ዔቃዖ ዒዛ ዎዳኔ፤ ዒማና ናኣዳቤና ዒዛኮ ፖኦሊሶና ፒሊሰጻኤሚ ዓጮይዳ ዓኣ፥ ገባቶኦኔ ካታሞ ማንገሂሂዳ ዓኣንቲኬ።

28 ዬይ ያዲ ማዔህ ዪሁዳ ካእቲ፥ ዓኣሳ ካእታዳንቲ ሃይሃሳ ሌዖናኬ፤ ዬያይዲ ባዕሻ ናኣዳቤ ቤዛ ገሊ ዒሰራዔኤሌይዳ ካእታዳኔ።

29 ዒማና ዒዚ ኔጉዎዖ ዒዮርቢዓሚ ማኣር ዓሶ ቢያ ዎዲ ጋፒሲህሂ ዓርቄኔ፤ ናንገና ናንጋ ጎዳ ዓይላህ፥ ሴኤሎይዳ ሾይንቲህ፥ ዓኪያ ዛሎና ናንገና ናንጋ ጎዳ ኬኤዜ ጎይዖ ዒዮርቢዓሚ ማኣር ዓሳ ቢያ ዎዲንቲኔ፤ ሽሞፔና ዓቴ ዓሲ ፔቲታዖ ባኣሴ።

30 ዬይ ያዲ ማዔህ ዒዮርቢዓሚ ፔኤር ማዳ ጎሞና ዒሰራዔኤሌ ዳርዎ ጎሜ ማዲሺ ናንገና ናንጋ ጎዳ ማዔ ዒሰራዔኤሌ ያኦዛሂኮ ዲሳ ዔቁሴህሂናሮኬ።

31 ናኣዳቤ ማዳ ሜሌ ባካ ቢያ ዒሰራዔኤሌኮ ካኣቶ ሃይሳ ፃኣፒንታ ማፃኣፓ ፃኣፒንቲኔ።

32 ዪሁዳ ካእቲ፥ ዓኣሳንታ ዒሰራዔኤሌ ካእቲ ባዕሻንታ ዓጮ ዎይህ ዎዶና ዎሊ ያሌ ጎይህ ናንገኔ።

ዒሰራዔኤሌ ካእቲ ባዕሻ

33 ዓኣሳ ዪሁዳይዳ ካእታዳንቲ ሃይሃሳ ሌዖና ዓኪያ ናኣዚ ባዕሻ ዒሰራዔኤሌ ዓጮ ጉቤይዳ ካእታዳኔ፤ ዒዚያ ቲርፃይዳ ናንገ ላማታሚ ያይዶ ለዔ ዒሰራዔኤሌ ዓጮ ዎይህኔ።

34 ዲዛኮ ቤርታ ካአታጅ ካአቲ ዲዮርቢዓሜጉዲ ባዕሻኣ ፔኤሮ ጎሜ ማዲ፤ ሃሣ ዲሰራዔኤሌ ዳሮዋ ጎሜይዳ ዔኪ ጌልዚ ናንጊና ናንጋ ጎዳ ያዩሴኔ።

16

1 ሃናኒ ናአዚ፥ ያኦሲ ማሊያ ኮኤዛ፥ ዲዩ ዛሎና ናንጊና ናንጋ ጎዳ ባዕሻሞ ሂዚ ጌዒ ኮኤዜኔ፡-

2 «ታኣኒ ኔና ሳዖ ሲላላፓ ዔኪ ታ ዳሮ፥ ዲሰራዔኤሌኮ ሱኡጌ ማሄኔ፤ ኔኤኒ ጋዓንጌ ዲዮርቢዓሜጉዲ ጎሜ ማዴኔ፤ ታ ዳሮዋ ዔኪ ኔ ጎሜይዳ ጌልዜኔ፤ ዔያቶኮ ጎሞ ሚርጉማ ታኣኮ ዳጎ ዔቁሴኔ፤

3 ዬያሮ ዲዮርቢዓሜ ታኣኒ ባይዜሢፕጉዲ ኔናንታ ኔ ማኣሮ ዓሶንታ ታ ባይዛንዳኔ።

4 ካታሞይዳ ካታሞይዳ ኔኤኮ ሃይቃንዳ ማኣሮ ዓሶ ካኒ ሙዓንዳኔ፤ ካታሞቱዋ ቤዘይዳ ሃይቃንዳ ዓሶ ሃሞፑራ ሙዓንዳኔ።»

5 ባዕሻ ማዴ ሜሌ ባኮና ጫርቂ ዲ ማዴ ባካ ቢያ ዲሰራዔኤሌኮ ካአቶ ሃይሳ ፃኣፒንታ ማፃአፓ ፃኣፒንቲኔ፤

6 ዬካፓ ባዕሻ ሃይቂ ቲርፃይዳ ዱኡቴኔ፤ ዲዛ ቤዛ ዲዛኮ ናአዚ፥ ዔኤላ ካአታጅኔ።

7 ያኦሲ ማሊያ ኮኤዛ፥ ዲዩ ዛሎና ናንጊና ናንጋ ጎዳ ባዕሻንታ ዲዛኮ ማኣሮ ዓሶንታሞ ማዓንዳ ባኮ ኮኤዜሢ ባዕሻ ማዴ ጎሞና ናንጊና ናንጋ ጎዳ ያዩሴሢሮኬ፤ ባዕሻ ናንጊና ናንጋ ጎዳ ዳጋሴሢ ዲዛኮ ቤርታ ካአታጅ ካአታ ማዴ ጎይያ ዲ ማዴ ፑርቶ ማዶሮ ሌሊቱዋንጌ ዲዮርቢዓሜ ማኣሮ ዓሶዋ ቢያ ዎዲሴሢሮንታ ዎላኬ።

ዲሰራዔኤሌ ካአቲ ዔኤላ

8 ዓኣሳ ዪሁዳይዳ ካአታጅንጌ ላማታሚ ላሃሳ ሌያና ባዕሻ ናአዚ ዔኤላ ዲሰራዔኤሌይዳ ካአታጅኔ፤ ዲዚ ዲማና ቲርፃይዳ ናንጊ ላምዖ ሌዔ ዲሰራዔኤሌ ዎይሄኔ።

9 ሳርጌሎና ያላ ዓሶ ሄካሢኮ ሱኡጌ ማዔሢ፥ ዚምሪ ጌይንታሢ ካአቲም ዎይዘ ዲዒ ካአቲ ዑፃ ዔቄኔ፤ ፔቲ ኮሊ ዔኤላ ቲርፃ ካታሞይዳ ካአቱም ማኣራ ማዳ ዓሶኮ ሱኡጋሢ፥ ዓርፃ ጌይንታ ደንዛሢ ማኣራ ሚርጌ ዑሽኪ ማሢንጌኔ።

10 ዲማና ዚምሪ ቃኣፂ ጋሮ ጌላዖ ዔኤላ ዎዴኔ፤ ዬያይዲ ዲዚ ዔኤላ ቤዛ ካአታጅኔ፤ ዬይ ያዲ ማዔሢ ዪሁዳ ካአቲ፥ ዓኣሳ ካአታጅንጌ ላማታሚ ላንካሳ ሌያናኬ።

11 ዚምሪ ካአታዳዖ ባዕሻ ማኣሮ ዓሶ ጉቤ ዎዴኔ፤ ባዕሻኮ ዲጊኖና ላጎ ማዔ ዓቲንቆዋ ቢያ ዎዴኔ።

12 ያኦሲ ማሊያ ኬኤዛ፣ ዒዩ ዛሎና ባዕሻም ናንገና ናንጋ ጎዳ ኬኤዜ ጎይያ ዚምሪ ባዕሻ ማኣሮ ዓሶ ጉቤ ዎዲ ጋፒሴ።

13 ዬይ ያዲ ማዔሢ ባዕሻና ናኣዚ ዔኤላና ማሌ ያኦዞ ካኣሽከ፤ ሃሣ ዒሰራዔኤሌ ዳሮዎ ጎሜይዳ ዔከ ጌልዚ ናንገና ናንጋ ጎዳ ማዔ ዒሰራዔኤሌ ያኦዞሢ ዳጎ ዔቂሴሢሮኬ።

14 ዔኤላ ማዳ ማሌ ባካ ቢያ ዒሰራዔኤሌኮ ካኣቶ ሃይሳ ፃኣፒንጎ ማፃኦፕ ፃኣፒንጎ።

ዒሰራዔኤሌ ካኣቲ ዚምሪ

15 ዓኣሳ ዪሁዳይዳ ካኣታዳንጎጎ ላማታሚ ላንካሳ ሌዖና ዚምሪ ዒሰራዔኤሌይዳ ካኣታዳ፤ ዒዚያ ቲርፃይዳ ዳዒ ዒሰራዔኤሌይዳ ላንካይ ኬሊ ሌሊ ካኣታዳ፤ ዒማና ዒሰራዔኤሌኮ ፖኦሊሳ ፒሊሰፃኤማይዳ ዓኣ ጌቤቶኔ ካታሞ ማንገሢዳ ዓኣ።

16 ዚምሪ ካኣቲ ዑፃ ፑርቲ ዔቂ ካኣቲ ዎዳሢ ዒሰራዔኤሌኮ ፖኦሊሳ ዎይዘያ ቤዘማና ዔያቶኮ ሱኡጋሢ፤ ያምሪ ካኣታሢ።

17 ዬካፓ ያምሪና ፖኦሊሶና ጌቤቶኔ ካታሞ ማንገሪ ሃሺ ዴንዲ ቲርፃ ካታሞ ማንገ፤

18 ካታሚላ ዓርቂንጎሢ ዚምሪ ዴንቃያ ካኣቱሞ ማኣሮኮ ጋራ ኬልቂ ደዲሺ ማኮና ኬኤያ ጌሊ ካኣቱሞ ማኣሮይዳ ታሚ ዓገ፤ ዬያ ታሞና ሙይንጎ ሃይቄ።

19 ዬይ ያዲ ማዔሢ ዒዚ ማዳ ጎሞና ናንገና ናንጋ ጎዳ ያዩሴሢሮኬ፤ ዒዚ ፔኤሮ ማዳ ጎሞና፣ ሃሣ ዒሰራዔኤሌ ዓሶዎ ጎሞይዳ ዔከ ጌልዚያና ዒዛኮ ቤርታ ካኣታዳ ዒዮርቢዓማጉዲ ዒዚያ ናንገና ናንጋ ጎዳ ዳጋሴ።

20 ዚምሪ ማዳ ማሌ ባኮ ቢያሢና ዒዚ ማዳ ጌኖ ማዳ ዒሰራዔኤሌ ዓሶኮ ካኣቶ ሃይሳ ፃኣፒንጎ ማፃኦፕ ፃኣፒንጎ።

ዒሰራዔኤሌ ካኣቲ ያምሪ

21 ዒማና ዒሰራዔኤሌ ዳራ ላምዖ ፓቂንጎ፤ ፔቲ ዛሎ ዓሳ ቲቢኒ ጌይንጎ ጌናቴ ናኣዚ ካኣታሢ ኮዓዛ፣ ሃንጎዎታ ጋዓንጎጎ ያምሪ ናሽካያ ማዔ።

22 ጋፒንፃይዳ ያምሪ ናሽካ ዓሳ ባሽሢሮ ቲቢኒ ዎዲንጎም ያምሪ ካኣታዳ፤

23 ዓኣሳ ዪሁዳይዳ ካኣታዳንጎጎ ሃይሢታሚ ፔታሳ ሌዖና ያምሪ ዬያይዲ ዒሰራዔኤሌይዳ ካኣታዲ ታጳ ላምዖ ሌዔ ዎይሢ፤ ዒዚ ቤርታሳ ላሆ ሌዖንሢ ቲርፃይዳ ናንገ ዎይሢ፤

24 ዬካፓ ዒዚ ሸማሪ ጌይንጎ ዓሲሰኬያፓ ሳማሪያ ጌማሮ ላንካይታሚ ከሎ ጌራኣማ ማዓ ሹቺ ቢራና ሻንቄ፤ ያምሪ ዒማና

ጌሜርኮ ዓጮ ደዲሺ ኬልቁስካፓ ካታማ ማገኘኔ፤ ካታሜሎኮ ሱንፆ ቤርታ ዬኖ ጌሜርኮ ዓዶ ሱንፆና «ሳማሪያ» ጌይ ጌህኔ።

25 ምሪ ዓዳኮ ቤርታ ካአታጅ ካአቶፓ ባሼ ጎሜ ማዲ ናንጊና ናንጋ ጎዳ ምደሴ።

26 ዒዚ ፔኤር ማዲ ጎሞና፣ ሃሃ ዒሰራዔኤሌያ ጎሜይዳ ዔኪ ጌልዚ ሜሌ ካአሺ ካአሽኪሴህኒናሮ ዒዳኮ ቤርታ ካአታጅ ዒዮርቢዓሜጉዲ ዒዚያ ናንጊና ናንጋ ጎዳ ማዔ ዒሰራዔኤሌ ምዳዛህኮ ዳጎ ዔቁሴ።

27 ምሪ ማዲ ሜሌ ባካ ቢያ፤ ሃሃ ዒዚ ጫርቂ ማዲ ማዲ ቢያ ዒሰራዔኤሌ ዓሰኮ ካአቶ ሃይሳ ፃአፒንታ ማፃአፓ ፃአፒንታ።

28 ዬካፓ ምሪ ሃይቂ ሳማሪያይዳ ዲኡቴ፤ ዒዛ ቤዛ ዒዳኮ ናአዚ ዓክዓቤ ካአታጅ።

ዒሰራዔኤሌ ካአቲ ዓክዓቤ

29 ዓአሳ ዪሁዳይዳ ካአታጅንቲ ሃይህታሚ ሳላሳ ሌዖና ምሪ ናአዚ፣ ዓክዓቤ ዒሰራዔኤሌይዳ ካአታጅ፤ ዒዚ ዒማና ሳማሪያይዳ ናንጊ ለማታሚ ለምዖ ሌዔ ዒሰራዔኤሌ ዓጮ ምይህኔ።

30 ዓክዓቤ ዒዳኮ ቤርታ ካአታጅ ካአቶፓ ቢያ ባሼ ፑርታ ጎሜ ማዲ ናንጊና ናንጋ ጎዳ ምደሴ፤

31 ዓክዓቤ ዒማና ካአቲ ዒዮርቢዓሜ ማዲ ጎሞ ሹሌዔ ባአዚ ማሂ ዛጊ ዒዚያ ፔኤር ዬያ ጎሞ ማዲ፤ ዬያ ሌሊቱዋንቲ ሲዶና ካአቲ፣ ዓትቤዓሌኮ ናዎ ዔልዛቤሎ ዔኬ፤ ሃሃ ባዓአሌ ጌይንታ ሜሌ ምዳዛዎ ዛጊ ካአሽኬ፤

32 ዒዚ ዒማና ሳማሪያይዳ ባዓአሌም ዲማዲ ማአሪ ማዢ፣ ዒንጎ ባአዚ ሺኢሾ ቤሲያ ጊኢጊሹ፤

33 ዓሹራ ጌይንታ ምዳሎ ማላ ባአዚያ ማዢ ዶቄ፤ ዒዳኮ ቤርታ ካአታጅ፣ ዒሰራዔኤሌ ካአቶፓ ባሼ ጎሜ ናንጊና ናንጋ ጎዳ ማዔ ዒሰራዔኤሌ ምዳዛህ ዳጋሳያ ዒ ማዲ።

34 ዓክዓቤ ካአታጅ ዓአ ምዶና ቤኤቲኤሌይዳ ሾይንቲያ ሂዔሌ ጌይንታ ዓሲሰኬይ ዒያርኮ ካታሞ ጊንሃ ማገኘኔ፤ ናንጊና ናንጋ ጎዳ ኔዊ ናአዚ፣ ዒያሱ ዛሎና ቤርታጅ ኬኤዜ ጎይፆ ሂዔሌ ዒያርኮ ማዢ ቤርታጅ ሹጮ ዶቃማና ዒዳኮ ቶይዶ ናዓሂ ዓቢራሚ ሃይቄ፤ ዬካፓ ዒዚ ካታሜሎኮ ጌሎ ካር ኮሻኣና ጋፒንፆ ናዓሂ፣ ሴጉቤ ሃይቄ።

16:34 ዒያ. 6:26።

17

ሉማ ሙካንዲያ ማዒያ ዔኤሊያሴ ኬኤዘህ

1 ጌሌዓዴ ዓጮይዳ ዓኣ፡ ቴሲቤይዳ ሸይንቴያ፡ ዔኤሊያሴ ጌይንታ ጾኦሲ ማለሂ ኬኤዛ ፔቴ ዓሲሰኬይ ካኣቲ ዓክዓቤ ኮይላ፡- «ታኣኒ ካኣሸካ፡ ናንጊና ባይቁዋ ማዔ ናንጊና ናንጋ ጎዳ ማዔ ዒሰራዔኤሌ ጾኦዛህ ሃይቆ! ታኣኒ ጌይባኣንቴ ሃይማፓ ሴካ ሙካንዳ ሌዎንሂዳ ዒርዚያ ማፖም ጾኦኪ ጳዲንዲዋሴ» ጌዔኔ።

2 ናንጊና ናንጋ ጎዳ ዔኤሊያሴም ኬኤዛ፡-

3 «ሃይካፓ ዔቁ ዓባ ኬሰካ ባንዎ ዴንዴ፤ ዒኢካ ዮርዳኖሴ ዋርኮ ዓባ ኬሰካ ባንዎይዳ ዓኣ ኬሪቴ ጌይንታ ዋር ዶኦጫ ፑኒንቲ ዴዔ፤

4 ኔኤኒ ዑሸካንዳ ዋኣሂ ዬኖ ዋራፓ ኔ ዴንቃንዳኔ፤ ቁራካ ኔኤም ሙኡዚ ዔኪ ዬዓንዳጉዲ ታኣኒ ዓይሄኔ» ጌዔኔ።

5 ናንጊና ናንጋ ጎዳ ዒዛ ዓይሄ ጎይዎ ዔኤሊያሴ ዴንዲ ኬሪቴ ዋር ዶኦጫ ዴዔኔ፤

6 ዬያ ዋራፓ ዋኣሂ ዑሸኬኔ፤ ቁራካኣ ቢያ ኬሊ ጉቴና ዒባኒና ካሣንታ ዓሸኪንታ ዒዛም ዔኪ ዔኪ ሙካኔ፤

7 ዒራ ባይቁ ዴዔሂር ዬይ ዋራ ዳካ ጋዓፖ ሚጨኔ።

ዔኤሊያሴና ሲራጲታይዳ ናንጋ ዜኤሮ ዒንዴሎና

8 ናንጊና ናንጋ ጎዳ ዬካፓ ዔኤሊያሴም፡-

9 «ዓካሪ ሃሂ ሃይፓ ዔቁ ዴንዲ ሲዶናይዳ ዓኣ ሲራጲታ ካታማ ዴዔ፤ ዒኢካ ናንጋ ፔቴ ዜኤሪንዶሰኬና ኔና ሙኡዛንዳጉዲ ታኣኒ ዓይሄኔ» ጌዔኔ።

10 ዬያር ዔኤሊያሴ ሲራጲታ ዴንዲ፡ ካታሚሎ ጌሎ ዲር ካር ሄላፖ ፔቴ ዜኤሪንዶሰኬና ሃንዲሌ ሃኣካንቴ ዴንቁ፡- «ሃዳራ ታኣኒ ዑሸካንዳ ዋኣሂ ታኣም ዔኪ ዬዔቴራ» ጌዔኔ።

11 ዒዛ ዋኣዎ ዔካኒ ዴንዳንቴ ኔጉዋፖ ጊንሃ ዒዛ ዒ ዔኤሊ፡- «ሃዳራ ዳካ ላኣዳኣ ታኣም ዔኪ ሙኬቴራ» ጌዔኔ።

12 ዒዛ ማሃ፡- «ናንጊና ናንጋ ጎዳ ማዔ ኔ ጾኦዛህ ሃይቆ! ታኣኮ ዲኢሎ ዓርሃ ጾቶይዳ ዓኣ ፔቴ ኩቺ ኩማንዳ ዲኢሊሰኬንሂና ዛይቶ ጾቶይዳ ዓኣ ዳካ ሪሚቲ ዛይቴሰኬንሂፓ ዓቴም ፔቴታፖ ዓኣ ባኣዚ ባኣሴ፤ ታኣኒ ሃይካ ሙኬሂ ዳካ ሃንዲሌ ሃኣኪ ማኣሪ ዴንዳፖ ዬንሂ ታኣኮ ዳኮ ዲኢሎንሂ ታኣና ታ ናፖናም ላኣዳኒኬ፤ ዬንሂ ሙዓፖ ማይ ኦኡኮ ሃይቢኬ» ጌዔኔ።

17:1 ያይ. 5:17። 17:9 ሉቃ. 4:25-26።

13 ዔኤሊያስ ዒዛ ኮይላ፡- «ሂርጊ መታዲፕ! ዴንዲ ሙዖ ጊኢጊሮ፤ ጋባንቲ ቤርታዲ ዩንሢ ኔኤኮ ባኣ ዲኢሎንሢፕ ዔከ ዲካ ላኣዳ ላኣዲ ታኣም ዔከ ዩዔ፤ ባቲዘንሢ ኔኤና ኔ ናዖናም ላኣዳ፤

14 ናንጊና ናንጋ ጎዳ ማዔ ዒሰራዔኤሌ ያኣዛሢ፡- ናንጊና ናንጋ ጎዳ ዒርዚ ዋርቁሳንዳያ ሄላንዳኣና ዲኢላ ኔኤኮ ያታፕ፡ ዛይታኣ ኔኤኮ ዛይቶ ያታፕ ጋፓባኤ» ጌይ ታኣም ከኤዘኔ» ጌዔ።

15 ዩያር ላኣሌላ ዴንዲ ዔኤሊያስ ጌዔ ጎይያ ማዴኔ፤ ዩያይዲ ዒዛንታ ዒዛኮ ማኣር ዓሰንታ ዔኤሊያስንታ ሚርጌ ከሊም ጊዳንዳ ሙኡዚ ዴንቁ።

16 ናንጊና ናንጋ ጎዳ ዔኤሊያስ ዛሎና ጌዔሢፕዲ ዲኢላ ያታፕ፡ ዛይታኣ ዛይቶ ያታፕ ጋፒባኣሴ።

17 ዩማፕ ዲካ ጋባዖ ዩኖ ዜኤር ዒንዴሎኮ ባቲንቁ ናይሰከማ ሃርጊንቲ፤ ሃርጋሢ ያይዲ ያይዲ ዴንዳዖ ጋፒንፃ ዎዴ፤

18 ላኣሌላ ዔኤሊያስ ኮይላ፡- «ያኢሲ ባሢዮ! ኔ ባይጋ ታኣም ሃያይዴይ? ኔኤኒ ሃይካ ሙከሢ ታኣኮ ጎም ያኢሲም ጸቂሢ ናዖ ታኣኮ ዎዲሻኒዳ?» ጌይ ያኡጮ።

19 ዔኤሊያስ ዒማና፡- «ናዖ ኔኤኮ ሃኒ ዔከ ዩዔ» ጌዔ። ዩካፓ ናዖ ዒዛ ኮንቁ ባኣንቲ ዒዛፕ ዔከ ዒዚ ናንጋ ኩቦ ከኤያ ከሰካዖ ዒ ላሃ ሻኣሎይዳ ላይሢ፡

20 ዑኡዘ ፔኤኮ ጴጊዲ፡- «ናንጊና ናንጋ ጎዳ ማዔ ታ ያኣዛሢዮ! ባይጎር ሃኖ ዜኤር ዒንዴሎይዳ ሃያፕዴ መቶ ኔ ባጌይ? ዒዛ ታና ሸኣቸንሢ ዎና ዴኤፒ ማዶ ታኣም ማዴ፤ ናዖ ኔ ዒዛኮ ባይጋ ዎዴይ?» ጌይ ሸኣቁ።

21 ዩያ ጋባዖ ዔኤሊያስ ናዖ ዑፃ ሃይሢ ማይንቲ ፔና ሃሺ፡- «ናንጊና ናንጋ ጎዳ ማዔ ታ ያኣዛሢዮ! ሃዳራ ሃያ ናባሢ ሶዩሴ!» ጌይ ሸኣቁ።

22 ናንጊና ናንጋ ጎዳኣ ዔኤሊያስኮ ሸኢጲ ያዎ ዎይዜም ናባሢ ሶዩ ዳቁ።

23 ዩካፓ ዔኤሊያስ ኩቦ ከኤያፕ ዴም ከኤያ ናባሢ ከይሲ፡ ዒንዶም ዒንጋዖ፡- «ሃኣዛጌ፤ ናባሢ ኔኤኮ ሶዩ ዳቁ፤!» ጌዔ።

24 ዒዛ ዒማና፡- «ጎኔ ኔኤኒ ያኢሲ ማሊሢ ከኤዛያ ማዔሢንታ ናንጊና ናንጋ ጎዳኣ ኔኤና ማዒ ከኤዛያ ማዔሢ ማይ ታኣኒ ዔሬ፤!» ጌዔ።

18

ዔኤሊያስ ጎኔ ያኢሲ ማሊሢ ከኤዛያ ማዒ ዔርዜሢ

17:21 2ካእቶ. ማ 4:34-35።

1 ዩካፓ ሚርጌ ዋርቁንቴ ሃይሣሳ ሌዖና ናንገና ናንጋ ጎዳ ዔኤሊያሴ ኮይላ፡- «ዳንዲ ካኣቲ፣ ዓክዓቤ ቤርታ ፔጋዲ ጳዴ፤ ታኣኒ ሳይይዳ ዒርዚ ዋርቁሳንዳኔ» ጌዔኔ፤

2 ዩያሮ ዔኤሊያሴ ዓይሢንቴ ጎይዖና ዓክዓቤ ኮራ ዳንዳኔ፤ ዒማና ሳማሪያ ዓጫ ሉማሢ ዶዲ ዓይ ዓኣኔ።

3 ካኣቲ ዓክዓቤ ካኣቱሞ ማኣሮይዳ ማዳ ዓሶኮ ሱኡጋሢ፣ ዓብዲዮ ዔኤሌኔ፤ ዩይ ዓብዲዮ ናንገና ናንጋ ጎዳ ዒጊጪ ካኣሽካ ዓሲኬ፤

4 ዔልዛቤላ ያኦሲ ማሊያ ኬኤዛ ዓሶ ዋዲሻ ዋዶና ዓብዲዮ ፔቴ ዌኤታ ማዓ፣ ያኦሲ ማሊያ ኬኤዛ ዓሶ ላምዖ ቤሰካ ዶንጊታሚ ዶንጊታሚ ማሢ ፓቂ ዴኔ ዔቴ ባኣካይዳ ዓኣቲ ካሣንታ ዋኣሢንታ ዒንገጊ ሙኡዜያኮ።

5 ዓክዓቤ ዓብዲዮ ኮይላ፡- «ፓራሢና ባቁሎና ኑ ዓይሳንዳያ፣ ጊዳ ማኣቲ ጎዖንቴ ኑ ዳንቃንዳያታቴ ዓልቃ ዋኣሢና ዋርዚ ዓኣ ቤሲና ሂንዳ ዳንዲ ሙሬ፤ ኩኡኒ ቆልሞ ሂዲ ዓውሳንዳያ ናንዳኔ» ጌዔኔ።

6 ዔያታ ዒማና ዓጮኮ ዶማ ዶማ ቤዛ ዳንዲ ኮዓኒ ኮይሳሢ ዋላ ጌሰቲ ጊኢጊሼሰካፓ ዓክዓቤና ዓብዲዮና ፔ ካራ ካራ ዳንዳኔ።

7 ዓብዲዮ ዓኣዳ ቤዛ ዳንዲያይዳ ዓኣዖ ዔኤሊያሴና ጎይካ ካኣሜኔ፤ ዒዚ ዔኤሊያሴ ማዔሢ ዔራዖ ሳዓ ላሂ ቦንቾ ዔኤሊሢ ዔኤሌሰካፓ፡- «ታ ጎዳ፣ ዔኤሊያሴ! ጎኔ ሃይ ኔናዳ?» ጌይ ያኦጩኔ።

8 ዔኤሊያሴ ማሃዖ፡- «ሂዮ! ታናኬ፤ ታኣኒ ሃይካ ዓኣሢ ዳንዲ ኔ ጎዳሢሞ ኬኤዜ» ጌዔኔ።

9 ዓብዲዮ ዒማና፡- «ካኣቲ፣ ዓክዓቤ ታና ዋዳንዳጉዲ ዒዛም ኔ ታና ዓኣሢ ዒንጋሢ ዓይጎ ታ ኔኤኮ ፑርቲሴይ?»

10 ናንገና ባይቁዋ ጎዳ ማዔ ያኦዛሢ ሃይቆ! ካኣቲ ኔና ዳንቃኒ ከኢታ ዓሲ ዳኪባኣ ዓጪ ባኣሴ፤ ፔቴ ዓጪኮ ሱኡጌ ኔኤኒ ዩያ ዓሢ ዓጮይዳ ባኣሢ ካኣቲሞ ኬኤዜቴያ ካኣቲ ጎኔ ኔ ባኣያ ማዔሢ ጫጫኣቁሳኔ።

11 ዩያሮ ሃሢ ኔኤኒ ሃይካታሢ ዳንዲ ዋዲ ኔታና ኬኤዛም ጋዓይ?

12 ታኣኒ ሃይፓ ዳንዳዛ ናንገና ናንጋ ጎዳኮ ዓያና ኔና ዔርቲባኣ ቤሲ ዔኪ ዳንዴቴ ታ ዋይታንዳይ? ኔኤኒ ሃይካ ዓኣሢ ዓክዓቤም ታ ኬኤዛዛ ዒዚ ኔና ዳንቁባኣቴ ታና ዋዳንዳኔ፤ ናኣቶፓ ዓርቃዖ ታኣኒ ናንገና ናንጋ ጎዳ ዒጊጪ ካኣሽካያታሢ ኔ ዔራኔ።

13 ሃሢ ዔልዛቤላ ያኦሲ ማሊያ ኬኤዛ ዓሶ ዋዲሻ ዋዶና ፔቴ ዌኤታ ማዓ ያኦሲ ማሊሢ ኬኤዛ ዓሲ ላምዖ ቤሰካ ዶንጊታሚ

ደንገታሚ ማሃ ፓቂ ዴ ኤ ቤይዳ ታኣኒ ዓኣቲ ሙኡዚንታ ዋኣሢያ ዒያቶም ዒንገሢ ኔኤኒ ዋይዚባኣዓዳ?

14 ዓኣቲ ሃሢ ኔኤኒ ሃይካታሢ ዴንዲ ካኣቲ ዓክዓቤም ዋይቲ ታና ኔ ከኤዘም ጋዓይ? ታ ዩያይዴቲ ካኣቲ ታና ዋዳንዳኔ!» ጌዔኔ።

15 ዔኤሊያሴ ዒዛም፡- «ቢያ ባኣዚ ዳንዳዓ ጎዳ ሃይቆ! ሃኖ ታኣኒ ታኣሮ ካኣቲ ቤርታ ከሰኪ ዶዳንዳኔ!» ጌዔኔ።

16 ዩካፓ ዓብዲዮ ዴንዲ ካኣቲ ዓክዓቤም ከኤዛዛ፡ ዓክዓቤ ዔኤሊያሴና ካኣማኒ ዴንዳኔ፤

17 ዒማና ዓክዓቤ ዔኤሊያሴ ዴንቃዖ፡- «ዒሰራዔኤሌ ዓሶይዳ ሃያፑዴ ዴኤፖ ሜቶ ዔኪ ሙኩሢ፡ ሃይሾ ሃይ ኔኤኒ ሃይካኩ?» ጌዔኔ።

18 ዔኤሊያሴ ማሃዖ፡- «ናንገና ናንጋ ጎዳኮ ዓይሢያ ሃሺ ባዓኣሌ ጌይንታ ያኦዞ ማሊሲ ኮሾና ባኮ ዚገ ካኣሽኪ ዒሰራዔኤሌይዳ ዴኤፖ ሜቶ ዔኪ ዩዔሢ ኔናንታ ኔ ዓደ ማኣሮ ዓሶንታኩ፡ ታናቲዋሴ!

19 ሃሢ ኔ ዋዳንዳይ ጌዔቲ ዒሰራዔኤሌ ዓሶ ጉቤ ቁርሜሎሴ ዲካ ቡኩሴ ጎኣና ካንሢ፤ ዔልዛቤላ ሙኡዛ፡ ያይዶ ጃኤቶና ደንገታሚ ባዓኣሌ ማሊያ ከኤዛ ዓሶንታ ያይዶ ጃኤቶ ዓሽራ ማሊያ ከኤዛ ዓሶዋ ቢያ ዔኪ ዩዔ» ጌዔኔ።

20 ዩያሮ ዓክዓቤ ዒሰራዔኤሌ ዓሶ ቢያሢና ሜሌ ያኦዞ ማሊያ ከኤዛ ዓሶ ቢያሢ ዔኤሊሲ ቁርሜሎሴ ዲካ ቡኩሴ።

21 ዒኢካ ዔኤሊያሴያ ሙካዖ ዴሮ ኮይላ፡- «ዓይዴ ሄላንዳኣና ዒንሢ ላምዖ ማሊሢና ሴካ ሃንጋ ጌይ ጌይ ናንጋንዳይ? ናንገና ናንጋ ጎዳ ጎኔ ያኦሲታቲ ሂንዳ ዒዛ ካኣሽኩዋቲ! ሃንጎ ባዓኣሌ ጎኔ ያኦሲታቲ ባዓኣሌ ካኣሽኩዋቲ!» ጋዓዛ፡ ዴራ ፔቲታዖ ዔኤቢ ጌይባኣሴ።

22 ሃሢ ዔኤሊያሴ፡- «ናንገና ናንጋ ጎዳ ማሊያ ከኤዛ ዓሶፓ ዓቲ ዓኣሢ ታና ሌሊኩ፤ ጋዓንቴ ባዓኣሌ ማሊያ ከኤዛ ያይዶ ጃኤታና ደንገታሚ ዓሲ ሃይካ ዓኣኔ፤

23 ዩያሮ ላምዖ ጌማይ ዔኪ ሙኩዋቲ፤ ባዓኣሌ ማሊያ ከኤዛ ዓሳ ፔቲማ ዔኪ ሹኪጋፓ ዓሽኮ ቲቂ ታሚ ዔኤታንዳፑዲ ሃንጂሌ ገኢገሻዖ ዩያኮ ዑፃ ጌሃንጎ፤ ጋዓንቴ ታሚ ዔኤሃፓ፤ ዩካፓ ታኣኒ ሃሢ ዓቲ ጌማ ዔኪ ዒማይዳንዳኔ፤

24 ዩያይዴሰካፓ ባዓኣሌ ማሊያ ከኤዛ ዓሳ ፔ ያኦዛሢ ሸኢቆንጎ፤ ታኣኒያ ታ ያኦሲ ሸኢቆንዳኔ፤ ሸኢዲያ ዋይዚ ዩያ ዒንጎ ባኮይዳ ታሚ ከይሴሢ ጎኔ ያኦሲኩ» ጌዔኔ።

ዒማና ዴራ ዑኡዞ ዴገዲ፡- «ዩና ቃራ ማሊሢኩ!» ጌዔኔ።

25 ዩካፓ ዔኤሊያሴ ባዓኣሌ ማሊያ ከኤዛ ዓሶ ኮይላ፡- «ዒንሢ ሚርጌታሢሮ ቤርታዲጋፓ ጌማቶንሢፓ ፔቲ ደኦሪ ዔኪ ሹካዖ

ዲንሢ ያኦዛሢ ሺኢቁዋቴ፤ ጋዓንቴ ሃንፂሎ ዴማ ታሚ ዔኤሢፖቴ»
ጌዔኔ።

26 ዲማና ዔያቶም ዲንጊንቴ ጌሜ ዔያታ ዔኪ ሹካዖ ሚቺ ዲንጎ
ዲንጊሢ ማሂ ጊኢጊሺ ዴንዲ ዓባ ሳዛ ሄላንዳኣና ባዓኣሌ ዔያቶም
ዋይዛንዳጉዲ ሺኢቁኔ። ዔያታ፡- «ባዓኣሌ! ሃዳራ ኑም ዋይዜቴራ!»
ጌዔ ጌዔ ዲላቴኔ። ዔያታ ጊኢጊሺ፣ ዲንጎ ባኮ ዲንጎ ቤዞ ኮይሎ ሺሪ
ሺሪ ኮርጌኔ፤ ጋዓንቴ ዔያቶም ማዲንቴ ባኣዚ ባኣሴ።

27 ዓባ ሳዛ ማዓዛ ዔኤሊያሴ ዔያቶ ኮይላ፡- «ዑኡዞ ዲንሢ
ዴጊዲ ሺኢቁዋቴራ! ዲዚ ያኦሲቱዋዓዳ? ጎዖንቴ ዲዚ ሜሌ
ማላሢዳ ናንዳኔ! ሃንጎ ማዶ ዲዛኮ ዲቤኔ! ሃኬ ዓጪ ዴንዴያ
ናንዳኔ! ሃንጎታቴ ዲዚ ጊንዒ ዓኣናንዳኔ ዲዛ ጴቹዋቴ!» ጌይ ጌይ
ዔያቶ ቦሂ ዓማሊ ዓርቁኔ፤

28 ዬያር ሜሌ ያኦዞ ማሊዖ ኬኤዛ ዓሳ ዑኡዞ ዴጊዲ ሺኢቁ
ሺኢቁ ዔያቶኮ ዳምቦ ጎይዖ ዓፓሮና ጩንቾ ዓፓሮናኣ ዑዖ ፔኤኮ
ቲቁ ቲቁ ሱጉሣኔ።

29 ዓባ ሳዛፓ ሺሬንቴያ ዴንዲ ዲባናኣና ያኦሲም ዲንጎ ባኮ
ዲንጎ ዋዶ ሄላንዳኣና ጉሪ ሴካ ሃንጋ ጳሽኪ ጳሽኪ ዔያታ ሺሬኔ፤
ያዲ ማዔቴያ ፔቴታዖ ዔያቶም ማዲንቴ ባኣዚ ባኣሴ፣ ዑኡሲያ
ዋይዚንቲባኣሴ።

30 ዬካፓ ዔኤሊያሴ ዴሮ፡- «ሃኒ ታ ባንሢ ሙኩዋቴ» ጋዓዛ፣
ቢያሢ ሙኪ ዲዛ ኮይላ ቡኬኔ፤ ዲማና ዲዚ ናንጊና ናንጋ ጎዳም
ዲንጎ ባኮ ሺኢቾ፣ ሻሂንቴ ቤዞ ጊንሣ ኮሻዖ።

31 ናንጊና ናንጋ ጎዳ ዬያኮ ቤርታ «ዲሰራዔኤሌ» ጌይ ሱንዖ
ጌሣ፣ ያይቆኣቤ ያጳ ታጳ ላምዓሢ ሱንዖና ሱንዖና ታጳ ላምዖ ሹቺ
ዔኬኔ፤

32 ዬንሢ ሹጮንሢና ናንጊና ናንጋ ጎዳም ዲንጎ ባኣዚ ሺኢቾ ቤሲ
ኮሺ፣ ኮይሎይዳ ታጳ ያይዶ ዶሎዜ ማዓንዳ ዋኣሢ ዓርቃንዳ ዔቴ
ቦኣኬኔ፤

33 ዬካፓ ዲንጎ ባኮ ዲንጎ ቤዞይዳ ሃንፂሌ ጊኢጊሺ ጌሢ፣ ጌሜያ
ሹኪ ሜኤሎና ሜኤሎና ፓቁ ሃንፂሎ ዑዖ ጌሣዖ፡-

34 «ያይዶ ዖቲና ዋኣሢ ኩንሢ ዔኪ ዲንጎ ባኮና ሃንፂሎና ዑዖ
ዋሁዋቴ!» ጋዓዛ፣ ዔያታ ዋሂኔ፤ ዲዚ ጊንሣ፡- «ሃሣ ቃሱዋቴ!»
ጌዓም፣ ዔያታ ዓማይዲ ዔኪ ዋሂኔ፤ ሃሣ ዲዚ፡- «ቃሱዋቴ!»
ጋዓዛ፣ ዔያታኣ ዲማይዲ ዋሂኔ፤

35 ጋዓንቴ ዋኣፃ ሹኦቲ ሹኦቲ ኮይላ ዓኣ ዔቶ ኩሜኔ።

36 ዓባ ሳዛፓ ሺራዛ፣ ዒባናኣና ዒንጎ ባኮ ያኦሲም ሺኢሾ ዋዳ ሄላዛ ያኦሲ ማሊያ ኬኤዛ ዔኤሊያሴ ዬያ ዒንጎ ባኮ ዒንጎ ቤዞ ባንሢ ደጪ፡- «ዓብራሃሚንታ ዩሳኣቄንታ ያይቆኦቤንታኮ ያኦዛሢያ! ናንገና ናንጋ ጎዳ! ኔኤኒ ዒሰራዔኤሊኮ ያኦሲ ማዔሢ፤ ታኣኒያ ሃሣ ኔ ዓይላሢታሢ፤ ዬያጉዲ ሃያ ቢያ ታኣኒ ማዔሢ ኔ ዓይሢ ጎይያ ጉዳያታሢ ሄሪ ኔኤኒ ኔኩሞ ፔጋሲ ዳቁ፤

37 ናንገና ናንጋ ጎዳሢያ! ሃይ ዳራ ኔኤኒ ጎኔ ያኦሲ ማዔሢና ዔያቶ ኔ ባንሢ ዔኪ ሙኩሢያ ኔናታሢ ዔራንዳጉዲ ሃዳራ ታኣሞ ዋይዜ፤ ያኦሲያ! ታ ያኦጫ ባኮ ታኣሞ ዒንጌ» ጌይ ሺኢቄ፡፡

38 ናንገና ናንጋ ጎዳ ዩካፓ ታሚ ዳኬኔ፤ ዬይ ታማ ሹኪ ዒንጎና ባኮንታ ሃንጂሎንታ ሹጮንታ ቢያ ሙዔኔ፤ ኮይሎ ሳዎ ሚቹኔ፤ ዒኢካ ዔቶይዳ ዓኣ ዋኣፃኣ ሚጪ ባይቄ፤

39 ዓሳ ዬያ ዛጋጋ ባለቲና ሳይይዳ ላሂ ዲቃቲሢና ሄርሺ፡- «ናንገና ናንጋ ጎዳ ያኦሲኬ! ጎኔ ያኦሲ ዒዛ ሌሊኬ!» ጌዔ፡፡

40 ዒማና ዔኤሊያሴ፡- «ባዓኣሌኮ ማሊያ ኬኤዛ ዓሶ ዓርቁዋቲ፤ ፔቴ ዓሲታዎ ቶሉዋጉዲ» ጌይ ዓይሣዛ ዳራ ዔያቶ ቢያ ዓርቁኔ፤ ዔኤሊያሴ ዔያቶ ቁሽኔ ዎሮ ዔኪ ዳንዲ ቢያሢ ዒኢካ ዎዴ፡፡

ሉማሢ ዎደኮ ጋፓ

41 ዩካፓ ዔኤሊያሴ ካኣቲ ዓክዓቤ ኮይላ፡- «ዓካሪ ዳንዲ ሙኤዚያ ሙዒ ዋኣሢያ ዑሽኬ፤ ታኣኒ ሃሢ ዴኤፒ ዒርዚኮ ጉጉንሢ ዑኡሲ ዋይዛኔ» ጌዔ፡፡

42 ዓክዓቤ ዒማና ሙዎ ሙዓኒና ዋኣያ ዑሽካኒ ዳንዳዛ፣ ዔኤሊያሴ ቁርሚሎሴ ዱኮ ኬሰኬኔ፤ ዒኢካ ዒዚ ፔኤኮ ቶኮ ባኣካ ቶኦኮ ዳኪ ቁኡሉምቤኔ፤

43 ዩካፓ ዒዛኮ ዓይላሢ ኮይላ ዒዚ፡- «ዳንዲ ሂንዳ ባዞ ባንሢ ዛጌ!» ጌዔ፡፡

ዓይላሢ ዒማና ዳንዲ ማዒ ሙካዎ፡- «ጰዳ ባኣዚ ባኣሴ» ጌዔ፤ ዓይላሢ ላንካይ ማይንቲ ዳንዲ ዳንዲ ዛጋንዳጉዲ ዔኤሊያሴ ዒዛ ዓይሢ፤

44 ላንካሶ ዒ ዳንዲ ሙካዎ፡- «ዓሲኮ ኩቹ ጋርሲፓ ባሹዋ፣ ዳካ ሻኣሬ ባዛፓ ዔቃንቴ ታ ዳንቄኔ» ጌዔ፡፡

ዔኤሊያሴ ዬያ ዓይላሢ፡- «ካኣቲ፣ ዓክዓቤ ኮይላ ዳንዲ ሲራ ኔኤኮ ካሮ ቲቁዋንቴ ዑኬና ሳርጌሎ ያይቶ ቶጊ ኔ ማኣሪ ማዒ ዳንዴ ጌይ ኬኤዜ» ጌዒ ዓይሢ፡፡

18:44 ያይ. 5:18፡፡

45 ዳካ ጋዓዖ ጫሪጎጮ ካርሢ ሻኣሬ ሙኪ ባይዜኔ፤ ዠባሬያ ዠባርሼም ደዲ ዒርዚ ዋዲ ዓርቄኔ፤ ዒማና ካኣቲ፥ ዓክዓቤ ሳርጌሎ ያይቶ ቶጊ ዒይዚራዔኤሌ ዴንዴኔ፤

46 ናንጊና ናንጋ ጎዳ ዔኤሊያሴም ዴኤፒ ዋልቄ ዒንጌም ዒዚ ፔኤኮ ዓፒሎ ኬርና ደዲሺ ማሪ ቱኪ ዒይዚራዔኤሌ ካታሞ ጌሎ ካሮ ሄላንዳኣና ካኣቲ፥ ዓክዓቤኮ ቤርታ ቤርታ ጳሽኬኔ።

19

ዔኤሊያሴ ሲና ዲኮይዳ

1 ዔኤሊያሴ ማዴ ባኮ ቢያ፤ ጊንሣ ሃሣ ዒዚ ባዓኣሌ ማሊዖ ኬኤዛ ዓሶዋ ዋማይዲ ዋዲሼቲያ ካኣቲ፥ ዓክዓቤ ዒዛኮ ማቾ ዔልዛቤሎም ኬኤዜኔ፤

2 ዬያር ዒዛ፡- «ኔኤኒያ ዬያ ዓሶ ማዴ ጎይዖ ታኣኒ ኔና ዚሮ ሃይማ ዋደ ማዲባኣቲ ታ ያኣዛ ታና ባይዘም!» ጌዒ ዚርቁሢ ከኢታ ዔኤሊያሴም ዳኬኔ።

3 ዔኤሊያሴ ዬያ ዒጊጫዖ ሽምፓሢ ፔኤኮ ዓይሳኒ ዒዛኮ ዓይላሢና ዋላ ዩሁዳ ዓጮይዳ ዓኣ ቤርሳቤ ካታሞ ዴንዴኔ።

ዒኢካ ዒዚ ዒዛኮ ዓይላሢ ሃሻዖ፡

4 ፔቴ ኬሊ ጉቤ ሃንቲ ዓሲ ናንጉዋ ዳውሎ ዴንዴኔ፤ ዬካፓ ዒዚ ፔቴ ሳሪንጋ ዴንቃዖ ሺቦ ዴማ ዴዔኔ፤ ዬካፓ ዒዚ፡- «ናንጊና ናንጋ ጎዳሢዮ! ማይ ታኣም ጊዳንዳኔ፤ ታኣኮ ቤርታኣ ዓድንሢፓ ታኣኒ ባሻዓኬ፥ ታ ሽምፓሢ ዔኬ!» ጌዒ ያኣሲ ዒዛ ዋዳንዳጉዲ ሺኢቄኔ።

5 ዒማና ዒዚ ላሂ ናካዖ ጊንዔኔ፤ ዒዚ ዔሪባኣንቴ ፔቴ ያኣሲ ከኢታንቻ ሙኪ ዒዛ ካኣሚ ጳቻዖ፡- «ዔቂ ሙዔ!» ጌዔኔ፤

6 ዬያር ዔኤሊያሴ ዔቂ ኮይሎ ዛጋንቴ ሹጫ ያይዲ ሲቂሴ ሙሊሢ ላኣዳና ፔቴ ዖቲና ዋኣሢ ኬር ኬዳ ዓኣያ ዴንቄኔ፤ ዒዚ ዬያ ሙዒ ዑሽኬሰካፓ ጊንሣ ላሂኔ፤

7 ያኣሲ ከኢታንቻሢ ጊንሣ ማዒ ሙካዖ፡- «ኔ ዴንዳንዳ ጎይዖ ሃኬታሢሮ ዔቂ ሙዔ!» ጌይ ላሚ ዔኤሊያሴ ጳቻኔ፤

8 ዔኤሊያሴ ዔቂ ሙዒ ዋኣዖ ዑሽኬኔ፤ ዬያ ሙዖ ዒ ሙዔሢሮ ዋልቄ ዴንቄ ያኣሲም ዴማዴ ሲና ዲኮ ሄላንዳኣና ያይዲታሚ ርኡሪና ዋንቴና ጉቤ ሃንቴኔ፤

9 ዒኢካ ዒዚ ሄላዖ ፔቴ ዴኔ ባኣካ ዓኣ ዔቴ ጌሊ ዋርቄኔ።

ዒማና ዒዚ ዔሩዋንቴ ናንጊና ናንጋ ጎዳ፡- «ዔኤሊያሴ! ሃይካ ኔ ዓይጎዋዳይ?» ጌዒ ያኣጩኔ።

10 ዔኤሊያሴ ማሃሃ:- «ቢያ ባኣዚ ዳንዳዓ ጎዳ ማዔ ያኣዛሢሃ! ኔኔኒ ሌሊ ካኣሽኪንታንዳጉዲ ዒናፓ ታ ኮዓያ ማዒ ቢያ ዎዴ ኔኤም ሌሊ ታኣኒ ማዳያኩኔ፤ ዒሰራዔኤሌ ዴራ ጋዓንቴ ኔኤና ዎላ ጫኣቄ ጫኣቄዎ ሃሼኔ፤ ኔኤም ዒንጎ ባኮ ዒንጎ ቤዘዎ ሻሄኔ፤ ሃሣ ኔ ማሊያ ኬኤዛዘንሢያ ቢያ ዎዴኔ፤ ሃኣዛጌ ታ ሌሊ ዓቴኔ፤ ጋዓንቴ ሃሢ ዔያታ ታናኣ ዎዳኒ ኮዓኔ!» ጌዔኔ።

11 ዒማና ናንጊና ናንጋ ጎዳ ዔኤሊያሴ ኮይላ:- «ኔ ዓኣ ቤዛፓ ኬሰኪ ዲኮይዳ ታ ቤርታ ዔቄ» ጌዔኔ፤ ዩካፓ ናንጊና ናንጋ ጎዳ ዔኤሊያሴኮ ኮይሌና ዴንዴኔ፤ ናንጊና ናንጋ ጎዳ ዴኔ፤ ዠባሬ ዳኪ ጌሜር ዳርዜኔ፤ ላሎዎ ፃሂሲ ዲኡሴኔ፤ ጋዓንቴ ናንጊና ናንጋ ጎዳ ዬያ ዠባር ባኣካ ባኣሴ፤ ዠባራ ዠባርሺያ ሃሼሰካፓ ሳዓ ዓጊፃኔ፤ ናንጊና ናንጋ ጎዳ ጋዓንቴ ዬያ ሳዎ ዓጊፃያይዳኣ ባኣሴ፤

12 ዬይ ሳዓ ዓጊፃሰካፓ ታሚ ዔኤቴኔ፤ ናንጊና ናንጋ ጎዳ ጋዓንቴ ዬያ ታዎ ባኣካ ባኣሴ፤ ዬያ ታዎ ሄሊሳዎ ካሽካሻ ዑኡሲ ዎይዚንቴኔ።

13 ዔኤሊያሴ ዬያ ካሽካሻ ዑኡዘ ዎይዛዎ ዓኣፖ ካር ፔኤኮ ዴኤፖ ኮኣቶና ካንቄኔ፤ ዩካፓ ዒዚ ኬሰኪ ዴኖ ዔቶ ካራ ዔቄኔ፤ ዒማና:- «ዔኤሊያሴ! ኔኔኒ ሃይካ ዓይጎዎዳይ?» ጋዓ ዑኡሲ ዎይዚንቴኔ።

14 ዔኤሊያሴ ማሃሃ:- «ቢያ ባኣዚ ዳንዳዓ ጎዳ ማዔ ያኣዛሢሃ! ኔኔኒ ሌሊ ካኣሽኪንታንዳጉዲ ዒናፓ ታ ኮዓያ ማዒ ቢያ ዎዴ ኔኤም ሌሊ ታኣኒ ማዳያኩኔ፤ ዒሰራዔኤሌ ዴራ ጋዓንቴ ኔኤና ዎላ ጫኣቄ ጫኣቄዎ ሃሼኔ፤ ኔኤም ዒንጎ ባኮ ዒንጎ ቤዘዎ ሻሄኔ፤ ሃሣ ያኡሲ ማሊያ ኬኤዛዘንሢያ ቢያ ዎዴኔ፤ ሃኣዛጌ፥ ታ ሌሊ ዓቴኔ፤ ጋዓንቴ ሃሢ ዔያታ ታናኣ ዎዳኒ ኮዓኔ!» ጌዔኔ።

15 ናንጊና ናንጋ ጎዳ ዒዛም:- «ዴማሰቆ ካታዎ ኮይላ ዓኣ ዳውሎ ዴንዴ፤ ዒኢካ ሄሊዎ ዓዛሄሌ ዶኦሚ ሶኦሪያይዳ ካኣታሢ፤

16 ኒምሺ ናኣዚ፥ ዒዩዎ ዶኦሚ ዒሰራዔኤሌይዳ ካኣታሢ፤ ሃሣ ዓቤልሜሆላይዳ ሸይንቴ፥ ዮሳፓፃ ናኣዚ፥ ዔልሳዒዎ ዶኦሚ ኔ ቤዛ ታ ማሊሢ ኬኤዛያ ማሄ።

17 ዓዛሄሌ ዬያቶ ባዓኣሌ ካኣሽካ ሳሶ ዎዳንዳኔ፤ ዬያፓ ቶሊ ዓቴ ሳሶ ዒዩ ዎዳንዳኔ፤ ዒዩፓ ዓቴ ሳሶ ዔልሳዒ ዎዳንዳኔ።

19:10 ሮሜ 11:3። 19:15 2ካእቶ. ማ 8:7-13። 19:16 2ካእቶ. ማ 9:1-6።

18 ያዲ ማዕቲያ ታኣሞ ጉሙርቁንታያ ማዕቲ፡ ባዕኣሌ ዚገ ካኣሽኪባኣያ፤ ሃሣ ባዕኣሌ ማሊሲ ማዠና ባኮዋ ሄርቁባኣ ላንካይ ሺያ ዓሲ ዒሰራዔኤሌ ዓጮይዳ ሸምፔና ታ ዓይሳንዳኔ» ጌዔኔ።

ዔልሳዒኮ ያኣሲ ማደም ደኣሪንቲያ

19 ዔኤሊያሴ ዩካፓ ዴንዲ ዮሳፓጭናኣዚ፡ ዔልሳዒ ጌማይ ዋኣፃ ጎሽካንቲ ዴንቁኔ፤ ዒዛና ዋላ ታጾ ፔቲ ዋኣፃና ጎሽካ፡ ዒዛኮ ላጌ ዒማና ዒዛና ዋላ ጎሽካኔ፤ ዔልሳዒ ታጾ ላምዓሳ ዋኣያ ጎሽካኔ፤ ዩያሮ ዔኤሊያሴ ማኣዒ ዓኣ ኮኣቶ ኬሲ ዔኪ ዔልሳዒ ዑፃ ዓጋፖ ዒዛኮ ኮርሳ ዴንዴኔ።

20 ዒማና ዔልሳዒ ጌማቶ ሃሺ ዔኤሊያሴኮ ገንፆ ጳሽኪ ሙካዖ፡- «ሃደራ ታኣኒ ዴንዲ ታ ዓደና ታ ዒንደና ሳራሢ ሙኪጋፓ ኔ ገንፆ ዴንዳንዳኔ» ጌዔኔ።

ዔኤሊያሴ፡- «ቃራኬ፡ ዴንዴ፤ ታ ኔና ላኣጉዋሴ!» ጌዔኔ።

21 ዩካፓ ዔልሳዒ ዒዚ ጎሽካ ጌማቶንሢ ዔኪ ሹካዖ ጌማቶ ሚኢሽ ሃንፂሌ ጳሊ ዓሽኮ ካሢሰካፓ ዒዛና ዋላ ጎሽካ ዓሰም ዒንጌም ዓሳ ሙዔኔ፤ ዩያይዳፖ ዒዚ ዔኤሊያሴ ገንፆ ዓኣዲ፡ ዔኤሊያሴ ማኣዲ ማኣዲ ማደያ ማዔኔ።

20

ሳማሪያ ካታሞ ሶኦሪያ ፖኦሊሳ ማንጌሢ

1 ሶኦሪያ ካኣቲ፡ ቤንሃዳዴ ፔኤኮ ፖኦሊሶ ቢያ ፔቲይዳ ቡኩሴኔ፤ ሚርጌ ፓሮና ሳርጌላ ያይታና ዓኣ ሃይሢታሚ ላምዖ ካኣታ ሙኪ ዔያቶ ማኣዴም ቤንሃዳዴ ዒሰራዔኤሌኮ ዴኤፖ ካታሞ ሳማሪያ ማንጌ ያሌኔ።

2 ዩካፓ ካኣቲ፡ ቤንሃዳዴ ካታሞይዳ ዓኣ ዒሰራዔኤሌኮ ካኣቲ ዓክዓቢም፡ «ቤንሃዳዴ፡-

3 «ኤኮ ሹዋ ቢሮንታ ዋርቆንታ ሚዛጳ ላኣሎንታ ዶዶ ናኣታኣ ታኣሮኬ» ጋዓኔ» ጌዒ ኬኤዛንዳጉዲ ኪኢታ ዓሲ ዳኬኔ።

4 ዓክዓቢ፡- «ቤንሃዳዴ፡ ካኣቲዮ ታ ጎዳ! ኔ ጌዔሢ ቃራኬ፤ ታናንታ ታኣኮ ዓኣ ባኮንታ ቢያ ኔኤሮኬ» ጌዒ ኬኤዚ ዳኬኔ።

5 ዳካጋዓዖ ዩንሢ ኪኢቶ ዓሰንሢ ካኣቲ፡ ቤንሃዳዴ ኮይላፓ ማሌ ኪኢታ ዔኪ ዓክዓቢ ኮይላ ሙኬኔ፤ ዩይ ኪኢታ፡- «ኤኮ ሹዋ ቢሮንታ ዋርቆንታ ላኣሎንታ ኔኤኮ ናኣቶንታ ታኣም ኔ ዒንጋንዳጉዲ ታ ኪኢቲሢ ኔ ዔራኔ፤

19:18 ሮሜ 11:4።

6 ሃሣ ኔኤኮ ካኦቱሞ ማኦሮንታ ኔኤኒ ቢታንቶ ዒንጌ ዓሶንታኮ ማኦሮ ቢያ ቡሪ፡ ሻንቸናቱ ዲቢ ሚኢሼ ዔካንዳ ባኦዚ ቢያ ዔኪ ሙካንዳ ታኦኮ ፖኦሊሶ ሱኡጎ ታኦኒ ዳካንዳኔ፤ ዔያታ ዚሮ ሃይማ ዎዴ ዒኢካ ሙካንዳኔ» ጋዒያኩ።

7 ዩያሮ ካኦቲ፡ ዓክዓቤ ፔ ዓጮ ጋርቾ ቢያ ዔኤሊ፡- «ሃይ ዓሣ ጌኤሲ ኮዓ ዓሲታሣ ሂንዳ ዛጉዎቲ፤ ሃያኮ ቤርታ ታኦኮ ላኦኦንታ ናኦቶንታ ሹዎ ቢሮንታ ዎርቆንታ ታ ዒዛሞ ዒንጋንዳጉዲ ያኦጩሞ ታኦኒ፡- ቀራኩ» ጌዔያኩ» ጌዔኔ።

8 ጋርቾ ዓሶና ዴሮና ጋዒንቲ፡- «ዒዚ ጋዓ ባኮ ቢያ ዔኤቢኬ ጌይፖ፤ ዎይዚያ ዎይዚፖ» ጌዔኔ።

9 ዩያሮ ዓክዓቤ ቤንሃዳዴ ዳኬ ኪኢቶ ዓሶ ኮይላ፡- «ታ ጎዳ፡ ታኦኮ ካኦታሣሞ ዴንዲጋፓ፡ ሃያኮ ቤርታ ኔ ታና ያኦጩ ባኮ ታኦኒ ቀራኩ ጌይናኦኮኩ፤ ጋዒንቲ ሃሣ ኔኤኒ ያኦጩ ያኦጩ፤ ታኦኒ ዔኤዓኒ ዳንዳዑዎሴ ጌዔኔ» ጌይ ዒዛሞ ኬኤዙዎቲ» ጌዔኔ።

ኪኢቶ ዓሶንሣ ማዒ ዴንዲ ዓክዓቤ ጌዔ ባኮ ዒዛሞ ኬኤዛዛ፡

10 ቤንሃዳዴ፡- «ኔኤኮ ካታሜሎ ሻሂ ኩጫ ኩጫ ዔካንዳ ፖኦሊሴ ታኦኒ ዔኪ ሙከባኦቲ ታ ያኦዛ ታና ባይዘሞ!» ጌዒ ዚርቀሣ ኪኢታ ሃሣ ማሂ ዳኬኔ።

11 ካኦቲ፡ ዓክዓቤ ኪኢቶ ዓሶንሣ ኮይላ፡- « ሳኔ ፖኦሊሴ ሄርሺንታኒ ኮይሳሣ ያሎና ባሻያኩ» ጌይ ካኦቲ፡ ቤንሃዳዴሞ ኬኤዙዎቲ» ጌዔኔ።

12 ቤንሃዳዴና ያሎ ዒዛና ዎላ ያላኒ ጫኦቄ ሃንጎ ካኦቶና ዔያቶኮ ዓፒሎና ማዦና ማኦሮይዳ ዴዒ ዑሽካንቲ ዓክዓቤ ዳኬ ኪኢታ ዔያቶ ሄሌኔ፤ ዩያሮ ቤንሃዳዴ ዩኖ ካታሜሎ ያላኒ ጊኢጊንታንዳጉዲ ዒዛና ዎላ ዓኦ ዓሶሞ ኬኤዛዛ ዔያታ ዑካዲ ዴንዲ ያሎሮ ጊኢጊንቲኔ።

13 ዒማና ፔቲ ያኦሲ ማላሣ ኬኤዛሰኬይ ካኦቲ ዓክዓቤ ኮይላ ሙካዎ፡- «ናንጊና ናንጋ ጎዳ ኔና ለቤንሃዳዴኮ ፖኦሊሶ ሚርጉሞሮ ዒጊጮፓ! ታኦኒ ሃኖ ዩያ ፖኦሊሶ ኔና ያሊ ባሽሲሳንዳኔ፤ ዩያሮ ኔኤኒ ታና ናንጊና ናንጋ ጎዳ ማዔሣ ዔራንዳኔ» ጋዒኔ» ጌዔኔ።

14 ዓክዓቤ፡- «ያሎኮ ቤርታዲ ኬሰኪ ያላንዳሣ ያናዳይ?» ጌይ ያኦጩኔ።

ያኦሲ ማሊያ ኬኤዛሣ ማሃዎ፡- «ናንጊና ናንጋ ጎዳ ለዔኮ ዴማ ዴማ ፓቆና ቤዙ ሱኡጋ ዓይሣ ያሎ ያለሻ ዴጌ ማዔ ፖኦሊሳ ቤርታዲ ኬሰኪ ያሎንጎ» ጋዒኔ» ጌዔኔ።

ካኦቲ ዒማና፡- «ያሎ ቤርታዲ ዓርቃንዳሣ ያናዳይ?» ጌይ ያኦጩኔ።

ያኦሲ ማሊያ ኬኤዛሣ፡- «ኔኤኒ ዔኪ ኬሲ ያሊሴ» ጌዔኔ።

15 ዬያሮ ሚርጉማ ላምዖ ጭታና ሃይሢታሚ ላምዖ ማዕዳ ዲማ ዲማ ፓቆና ዓጮኮ ሱኡጋ ዓይሢ ስሎ ያለሻ ጄጌ ጄጌ ማዕዳ ፖኦሊሴ ካኣቲ ዔኤሌኔ፤ ሄሊሳዖ ጊንሣ ሚርጉማ ላንካይ ሺያ ማዕዳ ዒሰራዔኤሌ ፖኦሊሳፓ ዔኤሌኔ።

16 ቤንሃዳዳጎታ ዒዛና ዋላ ስሎ ያላኒ ጫኣቁ ሃይሢታሞ ላምዖ ካኣቶጎታ ዔያቶኮ ዓፒሎና ማዦና ማኣሮይዳ ዑሽኪ ማሢንቲ ዓኣንቲ ዓባ ሳዛ ማዓኣና ዒሰራዔኤሌ ፖኦሊሳ ዴንዲ ስሎ ዓርቁኔ፤

17 ዒማና ጄጌ ጄጌ ማዕዳ ፖኦሊሳ ቤርታዲ ስሎሮ ዴንዴኔ፤ ቤንሃዳዳ ዳከ፥ ሙሮ ዓሳ፡- «ፔቲይዳ ፓቆና ዲቢ ፖኦሊሴ ሳማሪያፓ ሃንጋ ሙካኔ» ጌዒ ቤንሃዳዳም ከኤዘኔ።

18 ቤንሃዳዳ ዬኖ ዓሶ፡- «ዔያታ ሙከሢ ሃልዚርታቲያ ኑኡና ዋላ ጊኢጋጊታቲያ ዓርቁ ዔያቶ ሃኒ ዔከ ዬዑዋቲ» ጌይ ዓይሢኔ።

19 ዒማና ዒሰራዔኤሌኮ ስሎ ዓሳ ጊንፃ ማዓዛ ጄጌ ጄጌ ማዕዳ ፖኦሊሳ ቤርታዲ ከሰከ ያሌኔ፤

20 ፔቲ ፔቲ ፖኦሊሳ ዔያቶ ያላ ዓሶ ዓሶ ዋደም ሶኦሪያ ዓሳ ጳሽከኔ፤ ዬያሮ ዒሰራዔኤሌ ዓሳ ዳውሲሢ ዓርቁኔ፤ ቤንሃዳዳ ጋዓንቲ ፔኤኮ ፓራሢ ቶጊ ፓራሢና ያላ ዳካ ዓሰና ዋላ ጳሽከ ቶሌኔ፤

21 ካኣቲ፥ ዓክዓቤ ስሎ ቤዞ ጌሊ ሞርኮኮ ፓራሢና ሳርጌሎ ያይቶና ዲዒ ዔከኔ፤ ሶኦሪያ ዓሶ ኩርሲ ዋዲ ባሺኔ።

22 ዬካፓ ያኦሲ ማሊያ ከኤዛሢ ዓክዓቤ ኮይላ ሙካዖ፡- «ሶኦሪያ ዓጮ ካኣቲ ሲሎ ዓጊና ሙከ ኔና ያላንዳሢሮ ዴንዲ ኔኤኮ ያላ ዓሶ ጊኢጊሺ፤ ዔራቶና ስሎንዶ ካራ ኮዒ ጊኢጊንቲ ዴዔ» ጌዔኔ።

ሶኦሪያ ዓሶኮ ላሚ ሙከ ያሊያ

23 ካኣቲ ቤንሃዳዳኮ ደንዛ ማዕዳ፥ ቢታንቶና ዓኣ ዓሳ ዒዛ፡- «ዒሰራዔኤሌ ዓሶኮ ያኦዛ ዲከይይዳ ዓኣ ያኦሲከ፤ ዒሰራዔኤሌ ዓሳ ኑና ባሻጊ ደንዳዔሢ ዬያሮከ፤ ቦኦሊዳ ኑኡኒ ዔያቶና ዋሊ ያሌቲ ዔያቶ ኑ ባሻንዳኔ፤

24 ዬያሮ ሃሢ ሃይሢታሞ ካኣቶ ዔያታ ያላ ዓሶ ዓይሣያ ማዓሰካፓ ከይሲ፥ ዔያቶ ቤዛ ሜሌ ፖኦሊሶ ዓይሣንዳ ዓሲ ደኦሬ፤

25 ሃያኮ ቤርታ ሃይቁ ጋፔ ዓሶጉዴያ ዲቢ ፖኦሊሴጎታ ቤርታኣሲጉዴ ፓሮጎታ ሳርጌላ ያይታጎታ ጊኢጊሺ፤ ዬካፓ ዒሰራዔኤሌ ዓሶ ኑኡኒ ቦኦሊ ቤሲዳ ያሊ ባሻንዳኔ» ጌዒ ዘሬኔ።

ካኣቲ፥ ቤንሃዳዳ ዔያቶኮ ዘሮ ዔከ ዔያታ ጌዔ ጎይያ ማዳኒ ማሊኔ፤

26 ዬያሮ ሲሎ ዓጊና ሄላዛ ፖኦሊሶ ፔቲይዳ ዔኤሊ ዒሰራዔኤሌ ዓሶ ስሎሮ ዓፔቁ ካታሞ ዴንዴኔ፤

27 ዲሰራዔኤሌ ዓሳ ዲማና ዔያቶም ኮይሳ ጋላንታ ዓንጋሞንታ ዔኪ ያሎሮ ገኢጊንቲ ኬሰኬኔ፤ ዔያታ ያሎ ኬሰካዮ ላምዮ ፓቂንቲ ሶኦሪያ ዓሶኮ ሆታ ቤሲ ቤሲ ዓርቂ ደዔኔ፤ ዲማና ዲሰራዔኤሌ ዓሶ ፖኦሊሳ ዓጮ ባይዚ ዓኣ ሶኦሪያ ፖኦሊሶና ካንሢ ዛጎዛ ላምዮ ቤሰካ ዱጲ ዱጲ ዔቄ ዋኣሪ ማላኔ።

28 ያኦሲ ማለሢ ኬኤዛ ዓሲሰኬይ ካኣቲ፣ ዓክዓቤ ኮይላ ሙካዮ፡- «ናንገና ናንጋ ጎዳ ሂዚ ጋዓኔ፤ ሶኦሪያ ዓሳ ናንገና ናንጋ ጎዳ ዱካ ያኦሲኬ፣ ሶኦሊ ያኦሲቱዋሴ» ጌዔኔ፤ ዬያሮ ታኣኒ ኔና ዑሣ ዓኣዴ ዱቤ ያሎ ዓሶ ባሺሲሳንዳኔ፤ ኔናንታ ኔ ዴርንታ ታኣኒ ናንገና ናንጋ ጎዳታሢ ዔራንዳኔ» ጌዔኔ።

29 ሶኦሪያ ዓሶና ዲሰራዔኤሌ ዓሶና ሆታ ዋሊ ዛጊ ዛጊ ላንካይ ኬሊ ዴዔኔ፤ ላንካሳ ኬሎና ዔያታ ያሎ ዓርቃዛ ዬኖ ኬሎ ዲሰራዔኤሌ ዓሳ ፔቲ ዪኤታ ሺያ ቶኪና ሃንቲ ያላ ዓሲ ሶኦሪያ ዓሶፓ ዋዳኔ።

30 ሃይባፓ ዔቲ ሶኦሪያ ዓሳ ፑኒንቲ ዓፔቄ ካታሞ ባንሢ ጳሽኬኔ፤ ዒኢካ ላማታሚ ላንካይ ሺያ ፖኦሊሶኮ ዑይይዳ ካታሞኮ ኬኤሎ ዲፃ ደዔም ዬይ ዓሳ ሃይቄኔ።

ቤንሃዳዴ ዲማና ቶሊ ካታሜሎ ጌላዮ ፔቲ ማኣሪኮ ገንዖ ዛሊና ዓኣ ጋርሲዳ ጌሊ ፑኔኔ።

31 ዒዛኮ ደንዛ ማዔ፣ ቢንታንቶና ዓኣ ዓሳ ዒዛ ኮይላ ሙካዮ፡- «ዲሰራዔኤሌ ካኣታ ዓሲ ሚጨንቲ ማማኣራያታሢ ኑ ዋይዜኔ፤ ዬያሮ ኑኡኒ ኬርና ሲዬ ዓፒላ ማሪ፣ ቶኦካ ሱሲ ማሪ ዲሰራዔኤሌ ካኣቲ ኮይላ ዴንዳዮ ኔና ዒ ማኣራንዳጉዲ ኑ ሺኢቆም፤ ጎዮንቲ ዒ ኔና ዋዳዋዮ ሃሻንዳያናንዳኔ» ጌዔኔ።

32 ዬካፓ ዔያታ ኬርናይዳ ሲዬ ዓፒላ ማሪ፣ ቶኦካይዳኣ ሱሲ ማሪ ካኣቲ ዓክዓቤ ኮይላ ዴንዳዮ፡- «ኔ ዓይላሢ፣ ቤንሃዳዴ ኔ ዒዛ ማኣሪ ሺምፓሢ ኔ ዒዛኮ ዓይሳንዳጉዲ ኔና ሺኢቆኔ» ጌዔኔ።

ዬያሮ ዓክዓቤ ዬኖ ዓሶ ኮይላ፡- «ዒዚ ሃሢ ሂላንዳኣና ሺምፔና ዓኣኔ ጌይሢዳ? ያዲታቲ ቃራኬ፤ ማይ ዒ ታኣኮ ጌርሲጉዲኬ!» ጌዔኔ።

33 ካኣቲ፣ ቤንሃዳዴኮ ደንዛ ዓክዓቤ፡- «ጌርሲ» ጌዔከ ኮሺ ዔያቶም ማዔም፡- «ጎኔ ቤንሃዳዴ ኔኤኮ ጌርሲኬ!» ጌዔኔ።

ዓክዓቤ፡- «ዴንዲ ዒዛ ታኣም ዔኪ ዬዑዋቲ!» ጌዔኔ። ዬካፓ ቤንሃዳዴ ሙካዛ ዓክዓቤ ዒዛ ፔኤኮ ሳርጌሎ ያይቶይዳ ዴይሢኔ።

34 ቤንሃዳዴ ዓክዓቤ ኮራ፡- «ታ ዓዴ ኔ ዓዶ ኮይላፓ ዔኬ ካታሞ ታኣኒ ማሂ ኔኤም ዒንጋንዳኔ፤ ታ ዓዴ ሳማሪያይዳ ማዴ ጎይዮጉዴያ ኔኤኒ ዴማሰቆይዳ ኔ ዓጮኮ ኮርሞ ቤሲ ገኢጊሻኒ ዳንዳዓኔ» ጌዔኔ።

ዓክዓቤ ዒማና፡- «ያዲ ማዔቴ ሃሢ ኑ ዋላ ጫኦቄ ጫኦቁሞር ታ ኔና ቡሊ ዳካንዳኔ» ጌዔኔ።

ዬካፓ ዓክዓቤ ዬያይዲ ዋላ ዒዛና ጫኦቃዎ ቡሊንቴ ዴንዳንዳጉዲ ሃሼኔ።

ያኦሲ ማሊሢ ኬኤዛሰኬይ ዓክዓቤ ሄላንዳ ባኮ ኬኤዜሢ

35 ያኦሲ ማሊያ ኬኤዛ ዓሶ ባኦካ ማዔያ፡ ፔቴ ያኦሲ ማሊሢ ኬኤዛሰኬይ ናንጊና ናንጋ ጎዳ ዒዛ ዓይሣም ፔ ለጋሢ ኮይላ፡- «ታና ጳርቁ!» ጌዔኔ፤ ያኦሲ ማሊያ ኬኤዛሢ ጋዓንቴ ዒዛ ጳርቅኒ ኮይባኦ፤

36 ዬያሮ ዬይ ያኦሲ ማሊያ ኬኤዛሢ፡- «ናንጊና ናንጋ ጎዳ ዓይሣ ባኮ ማዲ ኩንሦ ኔ ዓይሣሮ ታ ኮይላፓ ዳማዲ ኔ ዴዴንዳማና ዘቢ ኔና ዎዲንዳኔ» ጌዔኔ፤ ጎኔ ዒ ጌዔማ ጎይያ ዬይ ዓሢ ባጋሢ ኮይላፓ ዴዴንዳማና ዘቢ ዔርቲባኦንቴ ሙኪ ዒዛ ዎዲ።

37 ዬካፓ ያኦሲ ማሊያ ኬኤዛሢ ማሌ ዓሲ ኮይላ ዴንዲ፡- «ታና ጳርቁ!» ጋዓዛ፡ ዬይ ዓሢ «ዔኤዔ» ጌዒ ዎልቁና ጊቴቃይዶ ዒዛ ጳርቁ።

38 ዬይ ያኦሲ ማሊያ ኬኤዛሢ ያኦኒያ ዒዛ ዔሩዋጉዲ ዓኦፖ ካር ፔኤኮ ዓፒላና ካንቁ ዓኦቺ ዒሰራዔኤሌ ካኦቴ ዴንዳ ካርይዳ ዴንዲ ጎይያ ዔቁ።

39 ካኦቴ ዒዛ ኮርሳ ዓኦዲንቴ ዬይ ያኦሲ ማሊያ ኬኤዛሢ ካኦቴ ዔኤላዎ፡- «ካኦቴዮ! ታኦኒ ያሎ ቤዘይዳ ያልቴያይዳ ዓኦንቴ ፖኦሊሶይዳፓ ፔቴ ዓሲ ፔቴ ሞርኬ ዲዒ ዔኪ ሙኪ ሂያ ዓሢ ካፔ፤ ጋዓንቴ ቶሌቴ ዒዛ ዘሎ ኔኤኒ ዎዲንታንዳኔ፤ ሃንጎ ሃይሢታሚ ያይዶ ኪሎ ማዓ ሹቺ ቢራ ኔ ጨጋንዳኔ» ታ ኮይላ ጌዔኔ።

40 ጋዓንቴ ታኦኮ ማዶ ሚርጌም ሴካ ሃንጋ ታ ጋዓንቴ ዓሢ ታ ኮራፓ ቶሊ ዴንዴ።

ካኦቴ ማሃዎ፡- «ኔ ጊዳ ኔ ኔኤር ዎጌሢሮ ኔ ጌዔማ ጎይያ ኔ ጊዳ ማዲንታንዳያ ኮይሳኔ» ጌዔኔ።

41 ዬካፓ ያኦሲ ማሊያ ኬኤዛ ዓሢ ዓኦፖ ካር ካንቁ ዓኦ ዓፒሎ ዑኩና ዔኬኔ፤ ካኦቴ ዒማና ኔጉዋዎ ዬይ ዓሢ ያኦሲ ማሊያ ኬኤዛ ዓሶ ባኦካ ዓኦ ዓሲታሢ ዔሬኔ።

42 ዬይ ያኦሲ ማሊያ ኬኤዛ ዓሢ ካኦቴም፡- «ናንጊና ናንጋ ጎዳ ሂዚ ጋዓኔ፤ ታኦኒ ዎዲንቶንጎ ጌዔ ዓሢ ቶሊሲ ኔኤኒ ዳኬሢሮ ዒዛ ዘሎ ኔኤኒ ዎዲንታንዳኔ፤ ዬያ ዓሢኮ ፖኦሊሶ ቶሊሲ ዳኬሢሮ ኔ ፖኦሊሶ ኩዳንዳኔ» ጌዔኔ።

20:36 1 ካእቶ. ማ 13:24።

43 ዬያሮ ካአቲ ያዪ ያዪ፣ ሃሣ ማሊ ሜታዲ ሜታዲ ሳማሪያይዳ ዓኣ ዒዛኮ ካአቱሞ ማኣሪ ዴንዴኔ።

21

ዔልዛቤላ ናኣቡቴ ዎዲሼሣ

1 ናኣቡቴ ጌይንታ ፔቴ ዓሲሰኬይ ዓኣኔ፤ ዒዛኮ ዒይዚራዔኤሌይዳ፣ ካአቲ ዓክዓቤ ማኣሮ ኮይላ ዎይኔ ቱኮ ጎሺ ዓኣኔ።

2 ፔቴ ከሊ ዓክዓቤ ናኣቡቴ ኮይላ፡- «ኔኤኒ ዎይሮ ቱካ ጎዜሎ ታኣም ዒንገ፤ ዒዛ ታኣኮ ማኣሮ ኮይላታሣሮ ታኣኒ ዒዛይዳ ዔኤቢ ታኣኮ ቱካንዳኔ፤ ዬሮ ጎዜሎ ዛሎ ሜሌ ቃራ ቤሲ ታ ኔኤም ዒንገንዳኔ፤ ኔ ሻንቻኒ ኮዔቴ ኔ ጌዔ ባኣዚና ታ ሻንቻንዳኔ» ጌዔኔ።

3 ናኣቡቴ ማሃዎ፡- «ሃያ ዎይሮ ቱኮ ጎዡ ታኣኒ ዳካሌሣ ታ ማዎንሣፓኬ፤ ሃያ ጎዡ ያኦሲ ታና ኔኤም ዒንገሶፓ!» ጌዔኔ።

4 ዓክዓቤ ዒማና ናኣቡቴ ዬያ ጌዔሣሮ ዳጋዲ ፔ ማኣሪ ጌላዎ ኮጮ ባንሣ ሺሪ ሻኦይዳ ላሄኔ፤ ሙኡዚ ሙዒዎዎ ዒዳኔ።

5 ዬያሮ ማቻ ዔልዛቤላ ዒዛ ኮይላ ሙካዎ፡- «ሃያይዲ ኔና ዳጋሴሣ ዓይጎዳይ? ሙዎ ኔ ዓይጋ ዒዳይ?» ጌይ ያኦጮኔ።

6 ዒዚ ማሃዎ፡- «ታና ዳጋሴሣ ናኣቡቴ ታኣም ጌዔ ባኮኬ፤ ዒዛኮ ታኣኒ ዒ ዎይሮ ቱካ ጎዡ ሻንቻንዳኔ ሃንጎ ሜሌ ጎሺ ታ ኔኤም ዒንገንዳኔ» ጋዓዛ፡ «ዓይጎ ባኣዚ ማዔቴያ ታ ኔኤም ዒንጋዓኬ» ጌዒ ታና ዒ ዳጋሴኔ» ጌዔኔ።

7 ዔልዛቤላ ዒማና፡- «ኔኤኒ ዒሰራዔኤሌኮ ካአቲታዎ ሃያይዳንዳያ ኔና ኮይላ? ሃሣ ዔቂጋፓ ዎዛዲ ካሃዎ ሙዒ ዎኣዎ ዑሽኬ፤ ናኣቡቴኮ ዎይሮ ቱኮ ጎዜሎ ታ ኔና ዔኪሳንዳኔ!» ጌዔኔ።

8 ዬካፓ ዒዛ ዎርቃታ ፃኣፒ ዓክዓቤሮ ማዒዎ ዔርዛ ማላቶዎ ጊዳ ዓይሣኔ፤ ዬያ ዒዛ ፃኣፒ ከኢቶ ናኣቡቴ ናንጋ፣ ዒይዚራዔኤሌይዳ ቢታንታ ዓኣ ዓሶንታ ዓጮ ጋርቾንታም ዳኬኔ።

9 ዒዛ ዳኬ ከኢታ፡- «ፔቴ ከሊ ዓሳ ሙኡዚ ሃሻንዳጉዲ ዴሮዎ ኬኤዚ፣ ዴሮ ፔቴይዳ ቡኩሱዎቴ፤ ዬካፓ ናኣቡቴ ዔኪ ቦንቺንታ ዴጌ ቤሰካ ዴይሡዎቴ፤

10 ዬያይዳዎ ናኣቡቴ ያኦሲንታ ካአቲንታ ጮሽኬኔ» ጌዒ ሉኡቂ ማርካዳንዳ ላምዎ ዓሲ ሺኢሺ ማርካሴሰካፓ ካታም ዙሎ ዔኪ ኬሳዎ ናኣቡቴ ሹቻ ዲይ ዎዲዎቴ» ጋዓያኬ።

11 ዲይዚራዔኤሌይዳ ቢታንታ ዓእ ዓሶና ዓጮ ጋርቾና ዔልዛቤላ ዔያቶ ዓይሢ ጎይፆ ማዳኔ፤

12 ዔያታ ፔቴ ከሊ ዓሳ ሙኡዚ ሃሻንዳጉዲ ከኤዛፆ ዓሶ ፔቴይዳ ቡኩሴኔ፤ ዩካፓ ዔያታ ናእቡቴ ዔኪ ቦንቺንታ ዳጌ ቤሰካ ዴይሣዛ።

13 ሉኡዙሞና ማርካዳ ላምፆ ዓሶንሢ፡- «ናእቡቴ ፆኦሲንታ ካኣቲንታ ጫሽከኔ» ጌዒ ዴሮ ቤርታ ሉኡቂ ማርካዳኔ፤ ዩያሮ ዔያታ ዒዛ ካታሞኮ ዙሎ ዔኪ ከሲ ሹቻ ዲይ ምዳኔ።

14 ዩካፓ ዔያታ፡- «ናእቡቴ ኑ ምዳኔ» ጌይ ከኢታ ዔልዛቤሎም ዳከኔ።

15 ዔልዛቤላ ዩያ ከኢቶ ሞዋይዛፆ ዓክዓቤም፡- «ናእቡቴ ሃይቄኔ፤ ዓካሪ ዔቂ ዴንዲጋፓ ኔኤም ዒዚ ሻንቾ ዒዳ ምይኖ ጎዡሎ ኔኤሮ ማሂ ዔኬ» ጌዔኔ።

16 ዩያሮ ዓክዓቤ ናእቡቴኮ ምይኖ ጎዡ ፔኤሮ ማሂ ዔካኒ ኔጉሞፆ ዴንዳኔ።

17 ዩካፓ ናንጊና ናንጋ ጎዳ ቴሲቤ ዓጮ ዓሢ፡ ዔኤሊያሴም፡-

18 «ሳማሪያ ካኣቲ፡ ዓክዓቤ ኮይላ ዴንዳ፤ ናእቡቴኮ ምይኖ ጎዡ ፔኤሮ ማሂ ዒ ዔኪፆይዳ ዓኣንቴ ዒኢካ ኔ ዒዛ ዴንቃንዳኔ፤

19 ታኣኒ፡ ናንጊና ናንጋ ጎዳ ዒዛም ሂዚ ጋዓኔ፤ ናእቡቴ ኔ ምዳሢ ዳካዛ ዒዛኮ ዓእ ባኮ ኔኤኒ ዳካላኒ ጋዓ?» ናንጊና ናንጋ ጎዳ ኔኤም ሂዚ ጋዓኔ ጌዔ፡- «ካናታ ናእቡቴኮ ሱጉፆ ላዔ ቤዛ ዒማይዲ ኔ ሱጉፆ ላዓንዳኔ» ጌይ ከኤዜኔ።

20 ዓክዓቤ ዔኤሊያሴ ዴንቃ፡- «ታ ሞርካሣ! ታና ኔ ዴንቂ ሃሺያ?» ጌዔኔ።

ዔኤሊያሴ ዒማና፡- «ሂዮ! ታ ኔና ዴንቄኔ፤ ናንጊና ናንጋ ጎዳ ቤርታ ፑርታ ባኣዚ ቢያ ማዳኒ ኔኦሞ ኔኤኒ ጎሜም ሻንቹኔ፤

21 ዩያሮ ናንጊና ናንጋ ጎዳ ሂዚ ጋዓኔ፡- «ታ ኔ ጊዳ ፑርታ ደርፆ ዓጋንዳኔ፤ ኔና ታ ቤርታፓ ታኣኒ ሺኢሻንዳኔ፤ ኔ ማኣሮ ዓሶኮ ዓቲንቄ ጋዓ ባኣዚ ቢያ፡ ዓይሌያ ማፆም ጉሪ ማዳ ዓሲ ቢያ ታኣኒ ባይዘንዳኔ።

22 ዒሰራዔኤሌ ዓሶ ዒንሢ ዔኪ ጎሜይዳ ጌልዚ፤ ታኣኮ ዳጎ ዔቂሲሢሮ ኔ ማኣሮ ዓሶ፡- ናባፄ ናኣዚ፤ ካኣቲ ዒዮርቢዓሜ ማኣሮ ዓሶጉዲ፤ ሃሣ ዓኪያ ናኣዚ፤ ካኣቲ ባዕሻ ማኣሮ ዓሶጉዲ ባይሲንታም ዳዲ ዳቄ ዓሲ ታኣኒ ዒንሢ ማሃንዳኔ።

23 ሃሣ ዔልዛቤሎም ናንጊና ናንጋ ጎዳ ሂዚ ጋዓኔ፡- ሌዞ ዒዛኮ ዒይዚራዔኤሌ ካታሞይዳ ካናታ ሙዓንዳኔ።

21:19 1ካእቶ. ማ 22:38። 21:23 2ካእቶ. ማ 9:36።

24 ኔ ዒጊኖ ባኣካፓ ዓይጎ ዓሲያ ማፖም ካታምይ ዓሶ ካኒ ሙዓንዳኔ፤ ካታሞቱም ቤዘይዳ ሃይቃ ዓሶ ሃምፑራ ሙዓንዳኔ» ጌዔኔ።

25 ናንጊና ናንጋ ጎዳ ቤርታ ፑርታ ባኣዚ ማዲሢና ፔኦም ጎሜም ሻንቹያ ዓክዓቤጉዳ ዓሲ ፔቲታፖ ባኣሴ፤ ዬያ ቢያ ዒ ማዲኒ ደንዳዔሢ ዒዛኮ ማቻ ዔልዛቤላ ጌዔ ባኮ ኩንሢሢሮኬ።

26 ዓክዓቤ ማዳ ቦርሲጎ ዳቢንቶ ማደፓ ቢያ ባሼ ዳኤፒ ማዔ ባካ፡- ዒሰራዔኤሌ ዓሳ ናንጊና ናንጋ ጎዳ ዔያቶም ዒንጌ ዓጮ ጌላኣና ዒዚ ዔያቶኮ ቤርታፓ ዳውሲ ባይዜ፣ ሳሞራ ዓሳ ማዳ ጎይፖ ማሌ ያኦዞ ካኣሸኪፖኬ።

27 ዔኤሊያሴ ዬያ ጌዒ ኬኤዚ ጋፔሰካፓ ዓክዓቤ ፔኤኮ ማኣዓሢ ዳርዚ ኬሳፖ ሲዬ ማኣፖ ማይንቴኔ፤ ሙኤዚያ ሙፖ ዒዳኔ፤ ዬያ ሲዮ ዓፒሎ ዒዚ ዒማና ማኣዒ ላላሃኔ፤ ኬሰኪ ሃንታፖም ማሊፃፓ ዔቄያና ዓኣፖ ካሮ ፔኤኮ ቱኪ ሃንታኔ።

28 ዩካፓ ሃሃ ናንጊና ናንጋ ጎዳ ቱሲቤ ዓጮ ዓሢ ዔኤሊያሴም፡-

29 «ዓክዓቤ ታ ቤርታ ፔና ምማይዳ ላኣፒሣቴያ ኔ ዛጊባይ? ዒ ዬያይዳሢሮ ዒ ሸምፔና ዓኣንቴ ፑርቶ ደርዓሢ ታ ዒዛይዳ ዓጋዓኬ፤ ዬያ ደርዓሢ ታኣኒ ዒዛኮ ማኣሮ ዓሶይዳ ዓጋንዳሢ ዒዛኮ ናኣዚ ምዶና ማዓንዳኔ» ጌይ ኬኤዜኔ።

22

ያኦሲ ማሊፖ ኬኤዛ ሚኪያሴ ዓክዓቤም ኬኤዜ ባኮ (2ያኦሲ. ዓሃኬ 18:2-27)

1 ዩካፓ ሄሊሲ ዓኣ ሃይሢ ሌዔ ጋራ ዒሰራዔኤሌና ሶኦሪያ ዓጮና ምሊ ያሉሞፖ ኮሺ ናንጌኔ፤

2 ያዲ ማዔቲያ ሃይሢሳ ሌዖና ዪሁዳ ካኣቲ፣ ዒዮሳፒፄ ዒሰራዔኤሌኮ ካኣቲ ዓክዓቤና ካኣሚ ጌሰታኒ ዴንዳኔ፤

3 ዒማና ዓክዓቤ ፔኤኮ ደንዞ ማዔ፣ ቢታንቶና ዓኣ ዓሶ ኮይላ፡- «ጌሌዓይይዳ ዓኣ ራሞቲ ሶኦሪያ ካኣቲፓ ማሢ ዔካኒ ካራ ኮዑሞፖ ኦ ዚቲዮ ጌዔሢ ዓይጎሮዳይ? ራሞቲ ኦ ዓጪቱሞዳዳ!» ጌዔኔ፤

4 ዩካፓ ዒዮሳፒፄ ኮራ፡- «ራሞቲ ያላኒ ታኣና ምላ ኔ ዴንዳኒ ኮዓ?» ጌይ ያኦጩኔ።

ዒዮሳፒፄ ማሃፖ፡- «ታኣኒ ኔጉዲ፣ ታ ዴራኣ ኔ ዴሮጉዲ፣ ታኣኮ ፓራሢያ ኔ ፓራሢጉዲ ኔ ጌዔቲ ያላኒ ጊኣጌያኬ፤

5 ጋዓንቴ ቤርታዲ ናንጊና ናንጋ ጎዳ ምዚ ጋዓቲያ ያኦጩ» ጌዔኔ።

6 ዩያሮ ዓክዓቤ ያይዶ ያኔታ ማዓ ሎንሦ ኬኤዛኔ ጋዓ ዓሶ ዔኤሊ፡- «ታኣኒ ራሞቲ ዴንዲ ያሎንደሞ ሃሾንደይ?» ጌይ ዔያቶ ያኦጩኔ።

ዔያታ ማሃዖ፡- «ዴንዲ ያሌ፤ ናንጊና ናንጋ ጎዳ ኔና ያሎና ባሺሲሳንዳኔ» ጌዔኔ።

7 ዒዮሳፒፄ ጋዓንቴ፡- «ናንጊና ናንጋ ጎዳ ዎዚ ጋዓቴያ ኬኤዛኒ ዳንዳዓ፣ ማሌ ያኦሲ ማሊሢ ኬኤዛ ዓሲ ባኣዓዳ?» ጌዒ ዓክዓቤ ኮይላ ያኦጩኔ።

8 ዓክዓቤ ማሃዖ፡- «ዪሞላ ናኣዚ፣ ሚኪያሴ ጌይንታያ ያኦሲ ማሊሢ ኬኤዛሰኬይ ዓኣኔ፤ ጋዓንቴ ታ ዒዛ ናሽኩሞሴ፤ ዓይጎሮ ጌዔቲ ዒዚ ኬኤዛ ዎዶና ቢያ ታ ዛላ ፑርታ ባኣዚ ኬኤዛኔ፣ ኮሺ ባኣዚ ኬኤዙሞሴ!» ጌዔኔ።

ዒዮሳፒፄ ጋዓንቴ፡- «ኔ ያዲ ጋዓንዳያ ኮይሱሞሴ!» ጌዔኔ።

9 ዩካፓ ዓክዓቤ ካኣቱሞ ማኣሮይዳ ማዳ ደንዛፓ ፔቲ ዓሲ ዔኤላዖ፡- «ሚኪያሴ ኮይ ዴንቁ ዑኩና ዔኪ ሙኩ» ጌይ ዓይሣኔ።

10 ዒማና ላምዖ ካኣታ ካኣቱሞ ማኣዓሢ ማይንቴ ሳማሪያ ካታሞ ጌሎ ማርሾ ካሮ ኮይላ ዓኣ፣ ሃኣኮ ሸርኮ ቆይዳ ፔኤኮ ያይዶይዳ ያይዶይዳ ዴዔሞ ሎንሦ ኬኤዛ ዓሳ ቢያ ዔያቶሞ ሎንሦ ኬኤዛኔ፤

11 ዔያቶ ባኣካፓ ሴዴቁያሴ ጌይንታ ኬናዒና ናኣዚ ዓንጊና ኮሺንቴ ጉራኒ ዔኪ ዓክዓቤሞ፡- «ናንጊና ናንጋ ጎዳ ላንጎና ኮሺንቴ ሃንሢ ጉራኖንሢና ሶኦሪያ ዓሶ ያሊ ጋፒንሢ ባሺሢ ኔ ባሻንዳኔ» ጋዓኔ። ጌዔኔ።

12 ሃንጎሞታኣ ዒዛ ጎይዖ ጌዒ ጌዒ፡- «ራሞቲ ያሌ፤ ኔኤኒ ባሻንዳኔ፤ ናንጊና ናንጋ ጎዳ ኔና ባሺሲሳንዳኔ» ጌይ ኬኤዛኔ።

13 ሚኪያሴ ዔኤላኒ ዴንዴ ኪኢቶ ዓሢ ሚኪያሴ ኮይላ ዒማና፡- «ሃንጎ ሎንሦ ኬኤዛ ዓሳ ቢያ ዓክዓቤ ያሎና ባሻንዳያታሢ ኬኤዛኔ፤ ዩያሮ ኔኤኒያ ዔያታ ጋዓማ ጎይዖ ጌዔቲ ቃራኩ» ጌዔኔ።

14 ሚኪያሴ ጋዓንቴ፡- «ናንጊና ናንጋ ጎዳ ሃይቆ! ያኦሲ ታኣም ኬኤዙማ ታኣኒ ኬኤዛንዳኔ» ጌዔኔ።

15 ሚኪያሴ ሙኪ ካኣቲ፣ ዓክዓቤ ቤርቶ ሺኢካዛ ካኣቲ ዒዛ ኮይላ፡- «ሚኪያሴ! ካኣቲ፣ ዒዮሳፒፄና ታኣና ራሞቲ ዴንዲ ኑ ያሎንደሞ ሃሾንደይ?» ጌይ ያኦጩኔ።

ሚኪያሴ ማሃዖ፡- «ዴንዲ ያየሌ! ጎኔ ኔኤኒ ባሻንዳኔ፤ ናንጊና ናንጋ ጎዳኣ ኔና ባሺሲሳንዳኔ» ጌዔኔ።

16 ዓክዓቤ ጋዓንቴ፡- «ኔኤኒ ታኣም ናንጊና ናንጋ ጎዳ ሱንዖና ያኦሲ ማሊያ ኬኤዛኣና ጎኔ ማዓንደማ ኬኤዙቲራ!» ሂዚ ጌዒ ታ ኔኤም ዎኣዴ ማይንቴ ኬኤዛይ» ጌዔኔ።

17 ዩካፓ ሚኪያሱ:- «ዲሰራዔኤሌኮ ፖኦሊሳ ጉቤ ሄንቃ ዓሲባኣ ማራይጉዲ ዲኮይዳ ዣኣሊ ዣኣሊ ዓኣያ ታኣሞ ጴዳኔ፤ ናንገና ናንጋ ጎዳ ላሃ ዓሶኮ ሱኡጌ ባኣሢሮ ፔ ማኣሪ ማኣሪ ኮሺና ማዒ ዴንድንጎ ጋዓንቴ ታኣኒ ዋይዜኔ» ጌዔኔ።

18 ዓክዓቤ ዒዮሳፒፄ ኮይላ:- «ዒዚ ቢያ ዎይ ታ ዛላ ፑርታ ባኣዚ ኬኤዛኔ፣ ኮሺ ባኣዚ ኬኤዙዋሴ» ታ ኔኤም ጌይባይ» ጌዔኔ።

19 ሚኪያሱ ሃይሶ ኬኤዛዎ:- «ዓካሪ ናንገና ናንጋ ጎዳ ጋዓ ባኮ ዋይዜ! ናንገና ናንጋ ጎዳ ጫሪንጮይዳ ፔኤኮ ካኣቱሞ ዎይታ ዴዒ፣ ዒዛኮ ከኢታንቻኣ ሚዛቆና ሻውሎናይዳ ዔቂ ዓኣንቴ ታ ዛጌኔ፤

20 ናንገና ናንጋ ጎዳ ዒማና ላክዓቤ ራሞቴ ዴንዲ ዒኢካ ሃይቃንዳጉዲ ዒዛ ዳቢሻንዳሢ ዎናዳይ?» ጌዔኔ፤ ከኢታንቻፓ ፔቴይ ፔቴ ባኣዚ ጋዓዛ፣ ባጋሢ ሜሌ ባኣዚ ኬኤዚ ኬኤዚ ዎላ ካኣሙዋ ባኣዚ ጌሰቴኔ፤

21 ጋፒንፆይዳ ፔቴ ዓያና ናንገና ናንጋ ጎዳ ቤርቶ ሺኢካዎ:- ታኣኒ ዳቢሻኒ ዳንዳዓኔ» ጌዔኔ፤

22 ናንገና ናንጋ ጎዳ ዒዛ ኮራ:- «ዎይቲ ኔኤኒ ዳቢሻንዳይ?» ጌዔኔ። ዓያናሢ:- «ታኣኒ ዴንዲ ዓክዓቤም ሎንሦ ኬኤዛ ዓሳ ቢያ ሉኡቂ ኬኤዛንዳጉዲ ማሃንዳኔ» ጋዓዛ፣ ናንገና ናንጋ ጎዳ:- «ዎይታቴ ዴንዲ ዳቢሹ፣ ኔኤም ጌኢጋንዳኔ» ጌዔኔ» ጌኤኔ።

23 ሚኪያሱ ሃሣ:- «ማዲንታንዳ ባካ ያዲኬ፤ ሃይ ኔኤም ሎንሦ ኬኤዛ ዓሳ ሉኡቃንዳጉዲ ማሃሢ ናንገና ናንጋ ጎዳኬ፤ ዬያሮ ኔ ጌዳ ፑርታ ባኣዚ ሙካንዳጉዲ ናንገና ናንጋ ጎዳ ፔኤሮ ዓይሢያኬ!» ጌይ ጌኤዙ ጋፒሴኔ።

24 ዩካፓ ኬናዒና ናኣዚ፣ ሴዴቂያሴ ሚኪያሱ ባንሢ ደጫዎ ዒዛ ባዒ:- «ዔኤካ! ዎኦሲ ዓያና ታ ኮርሳ ዴንዲ ዎይማና ኔኤም ኬኤዜይ?» ጌዔኔ።

25 ሚኪያሱ:- «ኔኤኒ ኮጮኮ ዙሌና ዓኣ ቆልዎ ጋር ዴንዲ ፑኔ ኬሎና ዬያ ኔ ዔራንዳኔ» ጌዔኔ።

26 ዒማና ካኣቲ፣ ዓክዓቤ ፖኦሊሶ ሱኡጎፓ ፔቴሰኬያሞ:- «ሚኪያሱ ዓርቂ ዔኪ ካታሞ ዎይሣ፣ ዓሞኦኔና ካኣቲ ናኣዚ ዮዓሼ ኮይላ ዔኪ ዓኣዴ፤

27 ታኣኒ ኮሺና ማዒ ሙካንዳያ ሄላንዳኣና ቱኡዙ ማኣሪ ዒዛ ጌልዚ ማልዚ ካሣና ዋኣሢና ሌሊ ዒንገ ዒኢካ ዴይሣንዳጉዲ ታኣኒ ዓይሢኔ ጌዒ ዔያቶም ኬኤዜ» ጌዔኔ።

28 ሚኪያሱ ዒማና:- «ኔኤሮ ኮሺ ማዒ ሙኪጋፓ ናንገና ናንጋ ጎዳ ታኣሞ ኬኤዜ ባኮ ሉኡቂሴ!» ጌዔኔ፤ ሃሣ ዒዚ ዑኡዙ ፔኤኮ

22:17 ፓይ. ማፃ 27:17፤ ማቲ. 9:36፤ ማር. 6:34። 22:19 ዒ.ሲ. 6:1፤ ዒዮ. 1:6።

ዳጊዲ፡- «ሲንሢ ሃይካ ዓኣ ዴራ ቢያ ታ ኬኤዜ ባኮ ኮሺ ዒና ሳርቁዋቲ!» ጌዔኔ።

ዓክዓቤኮ ሃይቦ
(2ፆኦሲ. ዓሃኬ 18:28-34)

29 ዬካፓ ዒሰራዔኤሌ ካኣቲ፣ ዓክዓቤና ዪሁዳ ካኣቲ ዒዮሳፒጃና ጌሌዓዴ ዓጮይዳ ዓኣ ራሞቲ ካታሞ ሶላኒ ዴንዴኔ።

30 ዒማና ዓክዓቤ ዒዮሳፒጃ ኮይላ፡- «የሎሮ ኑኡኒ ኬሰካኣና ታኣኒ ሜሌ ዓሲ ማላኒ ዴማ ማኣፆ ማይንታንዳኔ፤ ኔኤኒ ጋዓንቴ ኔኤኮ ካኣቲሞ ማኣዓሢ ማኣዔ» ጌዔኔ፤ ዬያይዲ ዒሰራዔኤሌ ካኣቲ፣ ዓክዓቤ ሜሌ ማኣፆ ማይንቴ፣ ሶናታቲያ ዔርቱዋያ ማዒ ሶሎሮ ኬሰከኔ።

31 ዒማና ሶኦሪያ ዓጮ ካኣቲ፡- «ዒሰራዔኤሌኮ ካኣቲ፣ ዓክዓቤ ሌሊ ሶሊ ዋዲዋቲ፤ ሜሌ ዓይጎ ዓሲያ ዋዲፖቲ» ጌዒ ዒዛኮ ሃይሢታሞ ላሞፆ፣ ሳርጌሎ ሶይቶ ቶጊ ሶላ ዓሶኮ ሱኡጎ ዓይሢኔ፤

32 ዬያሮ ዔያታ ካኣቲ፣ ዒዮሳፒጃ ዴንቃፆ ዒሰራዔኤሌ ካኣቲ ዔያቶ ኮይላ ማሌሢሮ ዒዛ ዋዲኒ ማንጌኔ፤ ዒማና ዒዮሳፒጃ ዒላታዛ፡

33 ዒዚ ዒሰራዔኤሌ ካኣቲቱዋኣሢ ዔራፆ ዒዛ ዋዲያ ሃሾኔ፤

34 ሶዲ ማዔቲያ ማለባኣፆ ፔቲ ሶኦሪያ ፖኦሊሴ ሂኢኸና ካኣቲ፣ ዓክዓቤኮ ዒዚ ማይንቴ ሶሎ ማኣዓሢኮ ካኣማ ካሮና ዲኬኔ፤ ዬያሮ ካኣቲ፣ ዓክዓቤ ሳርጌሎ ሶይቶ ዔኪ ዴንዳሢ፡- «ታ ዲኡቲኔ! ሳርጌሎ ሶይቶ ማሂ ሶሎ ቤዛፓ ታና ኬሴ!» ጌይ ዓይሢኔ።

35 ሶላ ኮሺ ዶዲ ዬኖ ኬሎ ፔኤቁሢሮ ዓክዓቤ ሶኦሪያ ዓሶኮ ሆታ፣ ሳርጌሎ ሶይቶይዳ ጌኤቁንቴ ዴዒ ዓኣኔ፤ ጋዓንቴ ዲኮና ካሮና ማርጌ ሱጉሢ ሸኦታሢሮ ሱጉፃ ሳርጌሎ ሶይቶ ዴማና ፑርቲሴኔ፤ ዬካፓ ዬኖ ዋንቴሎ ዒዚ ሃይቁኔ፤

36 ዒዛ ኬሎ ዓባ ጌላኒ ዴና ዴዓዛ፡- «ፔቲ ፔቲ ዓሳ ፔ ዓጮ፤ ሃሃ ፔ ካታሞ ካታሞ ማዒ ዴንደንጎ!» ጋዓ ኪኢታ ዒሰራዔኤሌ ዓሶኮ ፖኦሊሶ ሱኡጋፓ ዋይዚንቴኔ።

37 ካኣቲ፣ ዓክዓቤ ዬያይዲ ሃይቁኔ፤ ሌዛ ዒዛኮ ዓሳ ሳማሪያ ዔኪ ዴንዴም፣ ዒኢካ ዒዚ ዲኡቲኔ፤

38 ዬያ ሳርጌሎ ሶይቶ ዓሳ ሳማሪያ ቦቆሎይዳ ማሰኬኔ፤ ናንጊና ናንጋ ጎዳ ቤርታዲ ኬኤዜ ጎይፆ ሱጉፆ ዒዛኮ ካናታ ላዔኔ፤ ዬኖ ቦቆሎይዳ ዘኣዛ ኮኣማ ላኣላ ማሰቴኔ።

39 ካኣቲ፣ ዓክዓቤ ማዴ ባኮ ቢያሢንታ ካኣቲሞ ማኣሮ ዒዚ ዳርዘ ዓጮና ሚዛጲሲ ማገዢሢንታ ዒዚ ማገዢ ካታሞንታ ዒሰራዔኤሌኮ ካኣቶ ሃይሳ ፃኣፒንታ ማፃኣፓ ፃኣፒንቴኔ።

40 ካአቲ፥ ዓክዓቤ ሃይቁሢሮ ዒዛ ቤዛ ዒዛኮ ናኣዚ ዓካዚያሴ ካአታዳኔ።

ዪሁዳ ካአቲ ዒዮሳፒፄ
(2ፆኦሲ. ዓሃኬ 20:31—21:1)

41 ዒሰራዔኤሌ ካአቲ፥ ዓክዓቤ ካአታዳንቴ ሆይዳሳ ሌዖና ዓአሳ ናኣዚ ዒዮሳፒፄ ዪሁዳይዳ ካአታዳኔ፤

42 ዒዚ ሃይሢታሚ ደንጎ ሌዔ ማዓዛ ካአታዲ፥ ላማታሚ ደንጎ ሌዔ ዩሩሳላሚይዳ ዴዒ ዎይሢ፤ ዒዛኮ ዒንዳ ዓዙባ ጌይንታያ ሺሊሂ ናዎኬ።

43 ዒዮሳፒፄ ዒዛኮ ቤርታ ካአታዳ፥ ዓአሳጉዲ ናንጊና ናንጋ ጎዳሞ ኮሺ ማዔ ባኣዚ ማዳኔ፤ ያዲ ማዔቴያ ማሌ ዴራ ፔ ሆኦዞ ካአሽካ ቤዛ ሻሂ ባይዚባኣሴ፤ ዩያሮ ዴራ ዩያ ቤዞይዳ ሹኪ ዒንጎ ባኣዚ ዒንጊ ዒንጊ ዑንጅዎ ጨቢሻኔ።

44 ዒዮሳፒፄ ዒማና ዒሰራዔኤሌ ካአቲና ዎላ ጊኢጊ ኮሺ ናንጌ።

45 ዒዮሳፒፄ ማዳ ባኮና ጨርቁ ዒዚ ሆሌ ሆሎና ቢያ ዪሁዳ ካአቶ ሃይሳ ፃኣፒንታ ማፃኣፓ ፃኣፒንቴ፤

46 ዒዛኮ ዓዶ ዓአሳ ዎዲፓ ዓርቃዎ ዓቲ ዓኣ፥ ማሌ ዴራ ፔ ሆኦዞ ካአሽካ ቤዛ ዓቲንቆና ላሃ ዓቲንቆንታ ላኣሎና ላሃ ላኣሎንታ ቢያ ዒ ባይዜ።

47 ዩኖ ዎዶና ዔዶሚ ዓጮኮ ካአቲ ባኣሴ፤ ዩያሮ ዪሁዳ ካአቲ ዶኦሪ ጌሢ ዓሲ ዩኖ ዓጮ ዎይሢ።

48 ካአቲ ዒዮሳፒፄ ዳኤፖ ባዞ ቲቂ ዴንዲ ሆፒሬፓ ዎርቂ ዔኪ ሙካንዳ፥ ቴርሴሴ ዎኣዎ ካአሚሎጉዴያ ኮሺሴ፤ ጋዓንቴ ዎኣዎ ካአሚላ ዔፂዮንጋብሬ ጌይንታ ቤዛ ማቁሢሮ ዴንዳኒ ደንዳዒባኣሴ።

49 ዩያሮ ዒሰራዔኤሌ ካአቲ፥ ዓካዚያሴ ዒዛኮ ዎኣዎ ካአሚሎይዳ ማዳ ዓሳ ዮሳፓፄኮ ዎኣዎ ካአሚላ ማዳ ዓሰና ዎላ ፔቱሞና ማዳንዳጉዲ ጌሰቲ ጊኢጊሻኒ ማሌንቴ ዒዮሳፒፄ ዩያ ዒፂ።

50 ዩካፓ ካአቲ ዒዮሳፒፄ ሃይቁ፥ ዳውቴ ካታሞይዳ ካአታ ዱኡታ ቤዛ ዱኡቴ፤ ዒዛ ቤዛ ዒዛኮ ናኣዚ ዒዮሆራሜ ካአታዳኔ።

ዒሰራዔኤሌ ካአቲ ዓካዚያሴ

51 ዪሁዳ ካአቲ፥ ዒዮሳፒፄ ካአታዳንቴ ታጾ ላንካሳ ሌዖና ዓክዓቤ ናኣዚ ዓካዚያሴ ዒሰራዔኤሌይዳ ካአታዳኔ፤ ዒዚ ዒማና ሳማሪያይዳ ናንጊ ላምዎ ሌዔ ዎይሢ።

52 ዲዚያ ፔኤኮ ዓደ ዓክዓቤንታ ዲዛኮ ዲንደ ዔልዛቤሎንታ
ዲሰራዔኤሌ ዳሮ ጎሜይዳ ዔኪ ጌልዜ፥ ካኣቲ ዲዮርቢዓሜጉዲ
ናንጊና ናንጋ ጎዳ ዲፃ ፑርታ ማዶ ማዲ ዳቢንቴኔ።

53 ዲዛኮ ቤርታ ካኣታዴ፥ ዲዛ ዓደጉዲ ዲዚ ሜሌ ፆኦዞ ዘጊ
ካኣሽኪ ዬያም ማዲፆና ናንጊና ናንጋ ጎዳ ማዔ ዲሰራዔኤሌ
ፆኦዞሂኮ ዳጎ ዔቁሴኔ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929